



Zirhtupawl Khiihmuhtu

Biblethu Level 3 le 4

C Series
Zirnak 7-12

Bible Educational Services

Registered Charity UK (No 1186004)

Tumtah Mi

Leitlun pumhuap a ra lai ding mi san hrang Jesu Khrih thutak thlën dingih pehtlaihawkternak hrang Bible zir ding mi suahsak hi a si.

Duhthusam

Leitlun pumhuap ih pumpeaw mi hnaṭuanpipawl bāwm le ṭhansoternak ah anmai ṭawng rori in zirdān ding kan timlam mi thawn a ra lai ding mi san thlenpi dingah a si.

THUTLANGPI THEIHTERNAK

BES in ziang a tuah:-

BES (Bible Educational Services) cun “Biblethu”, “Nun Thar” le “Sarkhawmtupawl” (Gleaners) ti mi Bible zirnak peksuah le UK le ram dangdangih Carek Bible Tlawng (Postal Bible Schools) le BES Bible zirnak hmangtu pawlkāwmpawl va tlawnnak, thurawn peknak in le *training* peknak pawl ih va bāwm hna a ṭuan. Culawng si loin, BES cun himi Bible zirnak lehlin, mawi zetih an leh mi tawlrelsak, namsak le zemsuahnak hna cu leitlun ram dangdangih pawlkāwm dangdang hnenah a ṭuan. Himi zirnak cu a lak in tlawngta hnenah pek a si.

Biblethu ti mi Bible zirnakpawl hi a hmaisabik ah Southern Ireland ah kum 60 liam zo ah man a rak si. BES (Bible Educational Services) cun English in le ram dang ṭawngpawl in Biblethu zirnak cekfelnak hna a ṭuan vivo.

Biblethu zirnakpawl hi A4 cahnah ih nam ṭheu mi a si ih, zarh li ah vei khat suah a si ṭheu. Cutin a zirtu tlawngtapawl in an zirnak cahnah asilole cabu kha BES Bible tlawngah hmat cek dingih an kuatsal. Tu naite in Belfast khua ih um Every Home Crusade (Revival Movement) in A5 cahnah hmangin thla ruk hrang zirnak cu cabu in in namsak ih, cutin kawhhran le Bible tlawngpawl ih hman a remcang deuh ngaingai. Cuti vekih namsaktu kan neih hi Pathian kan thangt1at ngaingai a si.

BES Bible zirnak hi phun dang zet a si, inn ah siseh, kawhhran ah siseh, tlawng ah siseh zir thei dingih timlam mi an si. Zir ding mi a sangsang tein kum 20 tiang lai zir ding daih ih tuah mi a si. An kum izirin a level a level ih zir ding mi zirnak timlam an si. Tualleng tlawngta hrang- level 0, kum5-7 hrang-level 1, kum 8-10 hrang-level 2, kum 11-13 hrang-level 3, kum 14-16 hrang-level 4 tiih zirnak timlam an si. Level kip hrangah kum 3 sung zir ding a um (cahmai 4 nak zoh aw). Nauhak kum izirin timlam mi a si ko nân, nauhak hrekkhat cu cathiam le thluak cak hleice khal an um thei ih, zamrang deuh khalin zir theitu an um ding. Biblethu ti mi zirnak hmanrua hin Nauhakpawl Pathian Kamsuakthu le Bible thuanthupawl zir thei nak can remcang a pe hai, cuih an zir mi thupawl cu an nun ih ṭul mi le hman thei mi, an nun lam tluan hruaitu ding an si.

Mirang ca ih zir a duhtupawl hrangah BES website – www.besweb.com asilole *International Secretary* hnenah ihsin zir ding mi zirnak ngah theih an si. Ṭawng dangdang khalin BES website an hngah theih a si.

BES Pehthlainnak ding Address

International le Northern Ireland Secretary (stockist of all zirnaks)

37a Belmore Street, Enniskillen, Northern Ireland BT74 6AA

Phone: 00 44 286 632 2462

Web address: www.besweb.com

Email address: info@besweb.com

Myanmar Address

Mr Timothy Sui Lian Mang, Biblical School of Theology, SweLynban, No 156,

Hlaingtharyar, Yangon, Myanmar

Phone: 095103980

Email: timothysuilianmang@gmail.com

ZIRHTUPAWL KAIHRUAITU

A thawk pekte ah cun Biblethu ti mi Bible zirnak hi Carek ih kuatawk i zirnak Carek Bible Tlawng (Postal Bible School) hrangih timlam le dñ mi Bible zirnak a si. Asinan Carek thatlonak ram, thimnakah India ram le Africa ram tivek ah hi Bilel zirnak hi an hmang nasa. Zirtupawl kaihruaitu ti mi cabu hi cu vek hmun le ram ih um, Biblethu ti mi Bible zirnak hmangtupawl hrangih suah mi a si. Himi Zirhtupawl Kaihruaitu ti mi cabu hi level 0, 1 le 2, kum 5-10 hrangih timlam mi a si. Level 0 zirnak cu zir theih dingih nam mi a si lo. BES website sungah free in nan download thei.

Zirnak Kaihruaitu hin Biblethu zirnak ih a hman mi Bible bung le câng thothe a hmang. Biblethu zirnakpawl le Zirnak Kaihruaitu cabu hi zarh tin hrangih timlam mi an si. April thla ih zir ding mi cu thosal thu thawng pehparaw mi thu an si ih, December thla ih zir ding mipawl cu Khrismas thu thawng an pehparaw.

Hmun hrekkhat ah A4 cahnah ih nam mi zarh tin hrang zirnak an hmangih, hmun hrekkhat ah cun A5 cahnah hmangih cabute ih suah mi zirnak 24 um mi an hmang. A tlangpithuin zirhtu in thlatin A4 cahnah ih nam mi zirnakpawl a pesuak ding ih, zarh tin tlawngtapawl in an zirnak Biblethu cu inn ah an tlun pei ih, zarh khat hnuah an run kengsal ding. Cutin thla khat hnuah Saya cun tlawngtapawlih zirnak cahnah a cek thluh ding ih, hmat a pe ding, cule tlawngtapawl hnenah a pekir thluh ding.

Cabute ih suah mi hmangtu cun zirnak pakhat a cem tinten cabu cu lakhawm salin a cek ding a si. Asinan hmun tampi ah cu mi cu thil harsa zet, thil cang thei lo tluk a si. Tlawng phun ih zirnak tuah asile, saya in a phi hman ngan thluh sehla, tlawngtapawl kha an cabu thlengawter thluh in, saya ih tuah mi a phi hman kha saya in a sim hai pei ih, an rualpi cabu sungih an phi mipawl kha a hman le hman lo an ceksal ding. Cutin hmat khal an pecih ding. Hmat pekdān le kawmdān khal thaten simfiang ding an si. Thla khat cem zawngih saya ih fakselnak ti mi te ah khan saya in tlawngta ziang tlukin a thatangso, a tumsuk ti mi ngannak ding tuah mi ah khan ngansak tengteng ding a si. Thla ruk zirnak a theh tikah certificate te khal peckih ding a si.

SAYA HRANG TIMLAMNAK

Sayapawl in anmai ruahnak le tha an ti mi hmanna um lo ko tuah kan tum lo. Kan tarlāng ding mipawl tidan lawng hman ding tinak a si lo ih, hitin teh ti uhla a tha pei maw ti ih ruahnak peknak fang men a si.

- **Thuanthu kha theifiang zet aw** – Saya cu Bible thuanthu le Biblethu zirnak thu kha theifiang zet seh. Biblethu zirnak thupawl kha saya cun siar cia in, thei thluh cia seh. Zirnak kip hrangih kaihruaitu kan pek mi kha saya cun thaten siar in ruat seh.
- **Zir ding mi kha theithiam cia thluh aw.** – Zirnak kip i tluntabik ah khin “Kan zir rero lai” ti mi theh ah zirnak ih tumtah mi pahnih nauhakpawl in saya ih zirhnak a theh le Biblethu zirnak an tuah theh tiki an theihfiang ding mi na hmu ding. A pakhatnak zirnak ih tumtah mi cu thuanthu theihnak a si ih, a pahnihnak cu an theih mi ruat dingin, nunpi le thungrulhnak tuah tengteng dingih thapek hi a si. Zirnak ih tumtah mi cu zirlai mi sungih a thupitnak thu hlawm fiang zetih phawrsuah le zirhtupawl in rem an ti asile an zirh rero laiah thlirkirsalnak phun in a hmanpi thei a si.
- **Theihter aw** – Zirnak hmuahhmuah kha, nauhakpawl an nun ih an tawnteh mi in kan thawk. Zir ding mi thuanthu kha nauhakpawl hnenah theihternak, tawthawhnak a phunphun kan hmang.
- **Zirh aw** – Thuanthu ihsin a Tawhfung bik kan lasuak. Saya in thuanthu a sim tikah khaih thu kha sim lohli lo dingin kan duh, cuhnakin khaih thuanthuih tawhfung kha an lunglut ding zawngin thuanthu a sim tikah sim sawn seh. Nauhakpawl in thuanthu ihsin zir ding mi an theih ding kha Saya in a tum pei ih, khaih thuanthu kha an nun ih an thungrulhdān ding khal an thilung ih ruat thiam dingin a tum pei. A remcandān in thuanthu kan sim tiki simfiang ding mi kha “*cafang tlu*” in kan ngan ding.
- **Zir aw** – Thuanthu kip ah Bible Câng pawimawh hril mi na hmu ding. Vaw hnih khat ah cun Bible Câng pawimawh pahnih khal na hmu ding, ziangah tile khaih Bible Câng pawimawh kha nauhak in a zir dingih kan tumtah mi an zirngah thei nak dingah bawmtu a si. Nauhakpawl in Bible Câng pawimawh kha an zir kan beisei ih, Bible Câng pawimawh hril mi kha kan sim leuhleuh ding mi an si. An cinken ih, an *byheart* ding rori kha kan tumtah mi a si.
- **Biblethu zir ding mi le tuah ding mipawl kha tuah thluh aw** – Tlawng ah cun thusuhnak phi dingin an thiamnak dinhmun kha saya cun a thei ih, ziang tlukin thusuhnak kha phiter ding ti cu saya thu thu a si. Mi hrekkhat cun anmah te siar thei khal an um men thei. Nauhak dinhmun izirin saya in a tawlrel thiam a tul. Tlawng ah si loin hmun dangah himi Bible zirnak na hman asile, a zirtu nauhakpawl kha tha zetih ngaihsak le bawm an tul hleice ding. Nauhakpawl in thatho zetih zir dingin thapek a pawimawh zet.

- **Cing ringring aw** – A cang thei tawkin thusuhnawpawl kha an phi thei nak dingih simfiang kha a thupi tuk. Thuanthu kha simsal tla a ʔul ding.
- **Hmuh hai aw** – A hmun le ram ruangah maw, neih mi thil ih a daih taw lo ruangah simaw zuk zohter ding ngah ding a har khal a si men thei. Nauhakpawl in an zir mi thei thei dingih mit ih zoh le hmuh mi an neih hi a thupi tuk ti hngilh hlah aw. A cang thei tawkin zuk zoh ding na ngaihtuah pei. Zuk hin thuanthu kan sim mi theifiang thei dingih le thatho zetih ngai dingih nauhak a bawm thei zet. Internet hman thei nak ah cun himi website ah hin www.freebibleimages.org zuk tampi ngah theih a si.
- Zuk *copy* thei nak *photo copy* umnak ih na um asile, himi Bible zirnaw sungih zukpawl hi tumpi pi in na *copy* thei ding ih, nauhakpawl zirnaw ah bawmtu ʔha zet an si ding.

Bible Câng pawimawh zirh

- 1) Bible câng kha cahnah parah asilole calungpi parah na ngan thei, cule nauhakpawl kha na siarter hai pei ih, ʔawngfang malteten na phiat vivo pei, cutin cuih Bible câng pumpi an *byheart* tikah a zaten na phiat pei.
- 2) Bible Câng *byheart* ding mi kha *byheart* thei dân a phunphun ruat awla, *byheart* pi aw.

Cân Hmandân ding Ruahmannak

- **A sangsangten** – Nauhakpawl zirnaw hrang dân thlun ding cu zirnaw kipah kan telh ko, asinan saya in bangrep ringring si loin, phun dang deuhin thleng a duh khal a si thei.
 1. Thuhmaihruai le thuanthu simnak ah – minit 15 hrawng
 2. Bible Câng pawimawh zirnaw ah – minit 5-10 hrawng
 3. Nauhakpawl ih ngan ding le khat ko zuk suai ding pawl tuahnak ah – minit 20 hrawng
 4. Thusuhnaw le a dang cangvaihank ah – minit 5-10 hrawng.

Hi ʔawngkampawl hi cing ringring aw:

“I sim aw ka hniglh pang ding,
A hmuh awla ka cing ring ring ding,
I telter awla ka theithiam thei ding.”

Biblethu Zir Ding Mipawl (Bibletime Syllabus)

	LEVEL 0 (Tlawng ngaingai kai thei hrih lo pawl) LEVEL 1 (Kum 5 – 7) LEVEL 2 (Kum 8 – 10)	LEVEL 3 (Kum 11 – 13)	LEVEL 4 (Kum 14+)
THAWKNAK ZIRNAK SERIES	1. Thawktu Zirnak - Thuhmaihruai	1. Thawktu Zirnak - Thuhmaihruai	1. Thawktu Zirnak - Thuhmaihruai
SERIES A	1. Sersiamnak 2. Noah 3. Peter 4. Peter - Khraws 5. Abraham 6. Abraham 7. Peter 8. Peter 9. Jakob 10. Khristian Hmaisapawl 11. Paul 12. Khrimas Thuanthu	1. Sersiamnak 2. Noah 3. Peter 4. Peter - Khraws 5. Peter 6. Abraham 7. Jakob 8. Thlacamnak 9. Paul 10. Paul 11. Paul 12. Khrimas Thuanthu	1. Sersiamnak le Tluksiatnak 2. Atir lamih thansonak - Semtirnak 3. Peter 4. Peter - Khraws 5. Peter 6. Abraham 7. Jakob 8. Khristian Nun 9. Paul 10. Paul 11. Paul 12. Khrimas Thuanthu
SERIES B	1. Khrih Nun Lam tluan Hmaisa 2. Thilmakpawl 3. Bethany 4. Khraws 5. Tahthimnakpawl 6. Joseph 7. Joseph 8. Jesu Tawngtupawl 9. Mosi 10. Mosi 11. Mosi 12. Khrimas Thuanthu	1. Tahthimnakpawl 2. Thilmakpawl 3. Bethany 4. Khraws 5. Khristian Hmaisapawl 6. Joseph 7. Joseph 8. Thuthangtha Ngantupawl 9. Mosi 10. Mosi 11. Mosi 12. Khrimas Thuanthu	1. Tahthimnakpawl 2. Thilmakpawl 3. Bethany 4. Khraws 5. Khristian Hmaisapawl 6. Jakob le a Sungkua 7. Joseph 8. Apo 2: 42 – Hmai lamih lamzin 9. Mosi 10. Mosi 11. Dān 12. Khrimas Thuanthu
SERIES C	1. Daniel 2. Thilmakpawl 3. Jesu Tawngtupawl 4. Khrih Thihnak 5. Ruth le Samuel 6. David 7. David 8. Joshua 9. Elijah 10. Elisha 11. Jonah 12. Khrimas Thuanthu	1. Daniel 2. Jesu Tawngtupawl 3. Thilmakpawl 4. Khrih Thihnak 5. Ruth 6. Samuel 7. David 8. Joshua 9. Elijah 10. Elisha 11. Pathian hman mi mipapawl - Thukhamhlun 12. Khrimas Thuanthu	1. Daniel 2. Jesu ih Tawn mipawl 3. Bawipaih Huham 4. Khrih Thihnak 5. Ruth 6. Samuel 7. David 8. Joshua 9. Elijah 10. Elisha 11. Thukhamhlun Mi hrekhat 12. Khrimas Thuanthu

	C7 – LEVEL 3 Lesson 1 – David nun Thupi – Siangpahrang hrihlak	C7 – LEVEL 4 Zirnak 1 – David Nun Thupi – Siangpahrang hrihlak
	Bible Thu hlawm: 1 Samuel 16: 1-13 Canghril: 1 Samuel 16: 7 Kan zir thei mi thu hnih: 1. Saul cun Israel siangpahrang tuan dingah a thlin lo, curuanga siangpahrang thar an tul. 2. Pathian cun leng lam a langdan, a ruangrai siseh a zoh lo, kan 'thinlung' a zoh sawn, cun kan 'thinlung' thei taktak tu cu Pathian a si.	Bible Thu hlawm: 1 Samuel 16: 1-13 Canghril: Apost 13: 22 Kan zir thei mi thu hnih: 1. Israel siangpahrang a sinak in Pathian in Saul cu a hnawng, ziangahthile Pathian thu a thlin lo. 2. Pathian cun leng lam a langdan le ruangrai in si loin, zumnak le mizia hmangin thu a then.
THEIHTER AW	Saul cun Israel siangpahrang hmaisabik a si, asinan anih cun Pathian-ih thupek thlin hnakin, leng lam hmuh thei mi thil a thupitter sawn. Israel siangpahrang a sinak in Pathian in a duh nawn lo, asinan a nun sung hmuah cu siangpahrang tuanter a siang. Cun a thi a si hmanah siangpahrang sinak cu a fapa coter a siang lo. Amai hnuih siangpahrang tuan ding cu Saul vek a si lo mi, Siangpahrang David hrih a si, ziangahthile Pathian cun leng lam a langdan, ruangrai zoh loin, 'thinlung' zohtu a si.	Amalek-mipawl le an neih mi thilpawl hmuahhmuah siatsuah thluh dingah Pathian in Saul hnenah thu a pe – hi mipun cun lzip suahsanin Kanaan ram panih an feh lai lamzin ah an rak bawththup ih, Israel-mipawl an rak do. Amalek-mipawl an um sung cu Israel-mipawl in hnangamnak an nei dah lo ding Pathian in a thei. Saul in Pathian thu a thlin lo ruang ih a rahsuah cu siangpahrang sinak in a hnawng ih, a sungkua lak ihsin Israel siangpahrang tuan ding a siang lo, cutic ing cun a thih tiang siangpahrang a tuanter.
ZIRH AW	Bible Thuanthu sim aw Relpi awla, simfiang hai aw: 1. Bethlehem khua Jesse-ih fapa pakhat cu hmai lamih Israel siangpahrang si dingih hriakthih dingah profet Samuel Jehovah in a thlah. Ziangruangahtile Jehovah in Saul cu siangpahrang sinak in a hnawng zo ruanga a si. (16: 1) 2. Thawinak hmun ih Jesse fapa pasarih pawl cu Samuel cun a zoh hai ih, cupawl lakah hmai lamih siangpahrang tuan ding pakhat a um ti rinsannak a nei nan, cupawl lak ihsin hrih lo dingah Bawipa in Samuel cu a sim. (16: 10) 3. Fapa dang an um lai maw tiah Samuel cun a sut, cule minote David cu tuu a khalhnak ihsin a hnenah an run hruai. Jehovah in Samuel hnenah David kha hriak thih aw tiah a ti, ziangahthile David-ih thinlung cu a dik a si ti a thei. (16: 11-12) 4. David lu thlin ah cun hriak cu a tawih, cumi cun Pathian-ih hnatuan dingah serhhran mi a si ti a langter. (16: 13) Canghril simfiang awla, zirsuak dingin tlawngtapawl thape hai aw – 1 Samuel 16: 7 Lesson 1 zirnak tuah thluh aw. Hmuh hai aw: FBI – Siangpahrang dingah Samuel in David hriak a thih (I)	Bible Thuanthu sim aw Relpi awla, simfiang hai aw: 1. Hmai lam can ih Israel siangpahrang dingah Jesse fapa lakih pakhat hriak thih dingin Samuel cu Bethlehem khua ah Jehovah in a thlah. Himi cu siangpahrang sinak in Pathian in Saul a hnawn ruanga a si. (16: 1) 2. Samuel cun Jesse le a fapapawl cu thawinak hmun ah cun ra dingin a sawm hai, cule a fapa pasarih lak ihsin hmai lamih Israel siangpahrang ding hawlsuak dingin fial a si, cule Bawipa in a hnenah hitin a sim: 'Jehovah cun hipawl a hrih lo' tiah a ti. (16: 10) 3. Jesse hnenah Samuel in fapa dang na nei lai maw tiah a sut, nautabik a um lai, anih cun a pai tuu a khal rero lai tiah a sim. Samuel cun David cu a hnen ih rak hruai dingah a ti, cule Jehovah in David cu singpahrang ding a si tiah a sim. (16: 11-12) 4. Samuel cun David cu hriak a thih, cumi cun hmai lamih siangpahrang tuanvo latu dingah Pathian in a serhhran mi a si ti a langter. (16: 13) Canghril simfiang awla, zirsuak dingin tlawngtapawl thape hai aw – Apost 13: 22 Lesson 1 zirnak tuah thluh aw. Hmuh hai aw: FBI – Siangpahrang dingah Samuel in David hriak a thih (I)
ZOHSAL AW	Tlawngtapawl thawn thuanthu zohkirsal aw, cule leng lam a langdan le ruangrai, hnipuan, lennak thupitter ih thuthen lo dingah rel uar aw. Thu zirtupawl kha thuthangca, TV, zuknung sung le fakselnakpawl hmangih thehlarnak in kan thinlung put le nundān dik lo ah mi a hruaisual ti tlawngtapawl ruahnak pe hai aw. Cupawl thawn a kalhaw mi cu Pathian cun zumnak le mizia hmangin thu a then theu. Pathian cun kan nunnak ah tumtah mi a nei, kan nunnak ah Bawi bik ah kan ret ih, amah kan rinsan asile kan nun ah hna a tuansuak thei ding a si.	Himi thuanthu zohkirsalnak hmangin a hnuai lamih thusuhnak sang dingah tlawngtapawl thusuhnak sut hai aw: (i) Cang 1-3 sungih tuah ding Pathian in Samuel hnenih a hlan mi kha ziang a si (ii) Cang 6 le 7 sungah Eliab thu ah Samuel in ziangruangahtile thuthluknak a tuah sual? (iii) Israel siangpahrang dingah Pathian ih hrik mi kha zo a si? Cang 11-13 ah a dik mi a hringah ti mi nemhnghehnak ah Samuel in ziang a tuah?
NUNPI AW	Himi zirnak in kan zirsuak mi: 1. Na hmelhmang zokhal in an lo hmuh thei, asinan Pathian le nangmah lawng in kan thinlung ziang vek a si ti kan theingah thei. Kan thinlung in Pathian lung a hmuiter ti fiang dingah ziang kan tuahpeh ding? 2. Hi thil cu David in Saul siangpahrang lukhum a khum hlan kum reipi thu a si, asinan Pathian cun hmai lam rawngbawlnak hrang a rak timlamnak a si. Bawipa Jesu kan rinsan asile, kan nunnak ih a tumtah mi tuahsuak dingah Pathian in cahnak le titheinak in pe dingin thla kan cam ringring ding a si.	Himi zirnak in kan zirsuak mi: 1. David cu a unaupawl le Saul hnakin a danglam, anih cun Pathian a duhdawt ih, a Kamsuakthu a thlin, cule Pathian in thlawhsuah a pe. Bawipa Jesu kan duhdawt ih, a thu kan thlin asile kan innsang ah, tlawng ah le kan nun lamtluan ah tlawhsuah in pe ding a si. 2. Pathian cun leng lam a langdan hnakin, kan sung lam mizia, thinlung sawn a thupitter. Leng lam kan nundān hmangin mi thu kan then ding a si lo, Jesu duhdawtnak an neih mi sawn in kan then ding a si. Himi hrang zohthim ding sut aw.

	C7 – LEVEL 3 Lesson 2 – David Nun Thupi – Koliat thawn doawknak	C7 – LEVEL 4 Zirnak 2 – David Nun Thupi – Micak Koliat nehnak!
	Bible Thu hlawm: 1 Samuel 17: 12-52 Canghril: 1 Samuel 17: 47 Kan zir thei mi thu hnih: 1. Koliat do dingih feh dingah David a pe aw. 2. Koliat do dingah David cu thlarau lamah tuathat a si vekin, kannih khal Setan do dingah Pathian-ih Kamsuakthu siarnak le kan nunnak le mipi hmuh ah a takih hmansuahnak in thlarau lamah kan tuathhaaw ve ding a si.	Bible Thu hlawm: 1 Samuel 16: 14-19; 17: 12-52 Canghril: 1 Samuel 17: 47 Kan zir thei mi thu hnih: 1. Koliat do dingih David a feh tikah Bawipa in nehnak in pe ding a si ti zumnak a nei. 2. Bawipa Jesu cu kan bulpak rundamtu ih kan cohlang zo a si ahcun Setan neh a si zo ti kan nun ah kan theifiang ve ding a si, zianghtile khraws parih a thihnak hmangin Bawipa Jesu in a neh zo.
THEIHTER AW	David cu Isral siangpahrang a si ding ti mi nauhakpawl mangter hai aw. Koliat a thahnak ihsin Pathian ih hrin mi a si ti a fiangter. Filiştin micak mangkawng in Israel ralkappawl a hringhro tikah Saul le a ralkappawl cu tihnak in an khat. Sikhalsehla David cun Pathian a rinsan ih nehnak a co, cumi cun cahnak taktak cu amai lamah si loin, Pathian rinsannak sawn ah a si.	Ram tiam lam panih Israel fâtepawl an feh tikah mi hrekkhat cun an tih, zianghtile cu tawkah micakpawl an um. (Mipum siarnak 13: 32-33). In Dân peksalnak 3: 11, sungah Siangpahrang Bashan in a ihkhun dingah pi sawmthum sau a tul ti Bible in in sim! Pi kua tluk a sang mi Koliat cu Elah phairawn in Israel ralkappawl a hro.
ZIRH AW	Bible Thuanthu sim aw Relpi awla, simfiang hai aw: 1. David cu ral donak hmun ih um a ulepawl ei le in phurhin a feh, cule Israel ralkappawl in micak Koliat an tih tuk ti a va hmu (pi 9 tluk sang mi a si). (17: 20-24) 2. Koliat ih hriamnam thuhla kim simfiangnak Bible câng siar aw. (17: 4-7) 3. Koliat that thei tu hnenih pek ding lawmman ziang a si ti David cun a sut hai, asinan a upa Eliab cun ral donak hmun ih a rat cu a mawhthluk. (17: 26-29) 4. David cun Koliat do dingah a feh ding thu a rel. David in Koliat va that ding cu Saul in a rinhlel, asinan tuu a kilhimnak ah Pathian cahnak hmangin kiosa le savom a that thei ti a thei. Pathian in i kilhim ding a si ti David cun a thei. (17: 34-37) 5. David cun Koliat cu a hei naih, cule a herhli le lungto thawn a cal ah a sai, cule leilung ah a tlu. David cun a thahnak dingah Koliat-ih nam a hmang, cutin Filiştin-mipawl cu an tlan thluh ih an dung lamin an hei dawi vivo! (17: 40-51) 6. Minote David hneni nehnak a pek mi hmangin Pathian in a thiltitheinak a langter. Canghril simfiang awla, zirsuak dingin tlawngtapawl thape hai aw – 1 Samuel 17: 47 Lesson 2 zirnak tuathluh aw. Hmuh aw: FBI – David le Goliath (I)	Bible Thuanthu sim aw Relpi awla, simfiang hai aw: 1. Israel ralkappawl le Filiştin ralkappawl cu doaw dingah khat lam le khat lam hmatawnawin an um. Koliat cu ralthuam nasa zet thawn thuamawin, Israel ralkappawl laki pakhat ra suak ih doaw dingah a hro hai. (17: 1-10) Koliat-ih hriamnam thuhla kim simfiangnak Bible câng siar aw. (17: 4-7) 2. David cun ral ram ih um, a ulepawl ei ding a rak phurh tum ah Israel-mipawl in an tihzia le thil umtudân a rak hmuthiam. A liam zo mi cân ah Jehovah in a umpi ti David cun a theithiam, cutin Koliat do dingah a pawk, cule Pathian in nehnak a pe ding ti a theifiang. (17: 26-29) 3. Saul cun a ring vak lo, cucing cun David -h ralthatzia a hmu ih, a ralthuam a pe, David hrangah cun hnawksak zet a si. (17: 34-39) 4. Lungte pa nga, herhli le kianghrawl thawn, zohman ih do ngam lo mi Koliat do ding cun a feh. (17: 40-44) 5. David cu ral do thiam zet mi a si ih, a herhli i lungte thawn Koliat-ih caldar fangah a sai ih a ril ta ri-ai-aw. David cun a thahnak dingah Koliat-ih nam a hmang, cutin Filiştin-mipawl cu an tlan thluh ih an dung lamin an hei dawi vivo. (17: 40-52) Canghril simfiang awla, zirsuak dingin tlawngtapawl thape hai aw – 1 Samuel 17: 47 Lesson 2 zirnak tuathluh aw. Hmuh aw: FBI – David le Goliath (I)
ZOHSAL AW	Efesa 6: 10-17 siar aw, cule David in Koliat a do lai ih 'thlarau lam ralthuam' ih a thăwmawk mi tlawngtapawl hnenah simfiang aw. Khristian kan si vekin Bawipa kan rinsan asile kan Khristian nun ih doawknak dosuak thei dingah 'thlarau lam ralthuam' thawi kan thăwmawk ve a tul a si.	Sam 108: 12-13 siar aw, cule David in Koliat a thah laiah himi Bible câng hi ziang tlukin a hman ti mi simfiang dingah tlawngtapawl sut hai aw. 1 Korin 15: 57 siar aw, cule David in Koliat a nehnak le Bawipa Jesu in Setan a nehnak thu khaikhin dingin tlawngtapawl sut hai aw. Efesa 6: 1-18 siar aw, cule Setan nehnak hrangih Khristianpawl hruh ding mi thlarau lam ralthuam relsuak dingah tlawngtapawl sut hai aw.
NUNPI AW	Himi zirnak in kan zirsuak mi: 1. Misual kan hrangih a thihnak hmangin Bawipa Jesu cun doawknak ah nehnak ropi zet a co, Setan nehnak a si. Zianghtile anih cu Nehnak a si, Setan sualfawrh mipawl hnenah nehnak in pe thei a si. 2. Mawhthluk a tawnnak men cun ral donak ih feh lo dingin a dawnkham thei lo, zianghtile Pathian in in umpi ti a thei. Kan thupitter mi in Pathian lung kan hmuiter a si ti kan theih mi a dik a si ahcun kan tuahpeh vivo ding a si.	Himi zirnak in kan zirsuak mi: 1. Koliat a do lai khalah Bawipa in in dosak ding ti David cun a thei. Setan hnen ihsin sualfawrhneknak kan tawn tikah Bawipa kan rinsan a si ahcun in dosak ding a si. 2. David-ih Pathian a rinsan mi hi a nasa lawlaw, zianghtile Pathian in a nunnak a rak humhim zo a si. Buainak na tawn tinten, hmai lamih buainak le harsatnak hmatawn thei dingah a liam zo mi ah Pathian in ziangtin a lo bawm ti ruatsalin.

	C7 – LEVEL 3 Lesson 3 – David Nun Thupi – Saul thawn an umtlang	C7 – LEVEL 4 Zirnak 3 – David Nun Thupi – Buainak thawn a nung
	Bible Thu hlawn: 1 Samuel 18: 1-17; 19: 1-18 Canghril: 1 Samuel 18: 14 Kan zir thei mi thu hnih: 1. Minote David cu Pathian ih hril mi si khal sehla siangpahrang a ùan hlanah a nun ih a tawn ding mi harsatnak a um, asinan cupawl neh thei dingah David cun Pathian a rinsan. 2. Fimthiam zetih a um ruangah a nun lamtluan ih ùhningza lak ihsin Pathian in David a kilhim vekin, Bawipa cun amah rinsantupawl harsatnak le buainak ùhningza an tawn tikah a kilhim hai a si.	Bible Thu hlawn: 1 Samuel 18: 1-23; 19: 1-18 Canghril: Hebru 13: 5 & 6 Kan zir thei mi thu hnih: 1. Minote David cu Pathian-ih hril mi si khal sehla siangpahrang a ùan hlanah a nun ih a tawn ding mi harsatnak a um, asinan cupawl neh thei dingah David cun Pathian a rinsan. 2. Khristianpawl cun buainak le harsatnak an tawng, cutin Bawipa Jesu an zumnak cun nehtu si dingah a bawm hai ding ih, Khrih hrangih an nunnak ah cahnak a pe hai ding a si.
THEIHTER AW	Thuanthu zohkirsal aw. David cu Sual hnenih um dingin a ra, cule Saul-ih fapa Jonathan thawn an rualpihatnak a nasa sinsin. Jonathan cu dân vekin siangpahrang ding a si, asinan a hlanah David in siangpahrang a ùan ding ti a hmu cia. Filişin mipawl a donak ah David cu nasa zetin a hlawhtling, himi ruangah mi in an thei deuhdeuh; asinan Sual cun a iksik ih David thah thei nak ding a tawrel.	Thuanthu zohkirsal aw. Saul in David a iksiknak ngaihtah hlah, Saul-ih fapa Jonathan cun David cu Israel siangpahrang a si ding ti thei cingin, amah thawn rualpi tha sinak a nasa sinsin. Saul cun vei tampi David thah tum khal sehla, Saul ih khawkhannak tha lo lak ihsin David humhing ding le ruahnak pe dingah Pathian in Jonathan a hman.
ZIRH AW	Bible Thuanthu sim aw Relpi awla, simfiang hai aw: 1. David cu Saul le Jonathan thawn umtlang dingin a ra, David cu a rualpi tha ah a cang. Saul cun David cu dinhmun sang zet a pe, asinan David a iksik; ziangahtile nunaupawl in, 'Saul cun a thawng a thawng in a that, David cun a thawng sawm a thawng sawm in a that,' tiah an au ruangah (1 Samuel 18: 1-7) 2. Tum khat cu Saul in a kut ih feipi in David a khawt, cui hnuah doawknak ih a thih thei nak ding lamzin a hawl hrih. (18: 10-27) 3. Jonathan cun David cu thupaw dingin ruahnak a pe, cule Israel-ih ralpawl a donak ih a thlawhtlinnak a pa Saul a ruah fawn. (19: 1-7) 4. Saul cun cân remcang a hmuh tinten David thah thei nak ding khua a khang, asinan Pathian in a khawkhannak a phialhlohsak, cuisin David cu Ramah khua ih Samuel hnenah himnak le hnemawknak hawlin a tlan. (19: 9-18) 5. A zumnak le a mizia cakter dingah Pathian in David cu harsatnak paltlang ih nunter a siang. Canghril simfiang awla, zirsuak dingin tlawngtapawl thape hai aw – 1 Samuel 18: 14 Lesson 3 zir ding mi tuah thluh aw. Hmuh aw: FBI – Jonathan le David cu rualpi tha sinak ah thu an tiam aw (I)	Bible Thuanthu sim aw Relpi awla, simfiang hai aw: 1. David cu Saul le Jonathan thawn umtlang dingin a ra, David cu a rualpi tha ah a cang. Saul cun David cu dinhmun sang zet a pe, asinan David a iksik, ziangahtile nunaupawl in, 'Saul cun a thawng a thawng in a that, David cun a thawng sawm a thawng sawm in a that,' tiah an au ruangah (18: 1-7) 2. Tum khat cu Saul in a kut ih feipi in David a khawt, cui hnuah doawknak ih a thih thei nak ding lamzin a hawl hrih. (18: 10-27) 3. David cu fimthiam zetin a nung (18: 5; 15) cule Pathian in a kilhim. 4. Saul-ih fanu nautabik Mikhal cu David-ih nupi dingah a pe, ziangahtile Koliat a thah ruangah a si, asinan Saul in a huatnak cu a nasa sinsin. (18: 20-28) 5. Filişin mipawl ral an tho, Jonathan cun David that lo dingah a pa Saul ruahnak pe cingin a tum thumnak tiang thah a tum, cule David cu a tlansuak ih, Samuel tawng dingah Ramah khua ah a feh. (19: 1-18) 6. A zumnak le a mizia cakter dingah Pathian in David cu harsatnak paltlang ih nunter a siang. Canghril simfiang awla, zirsuak dingin tlawngtapawl thape hai aw – Hebru 13: 5 & 6 Lesson 3 zir ding mi tuah thluh aw. Hmuh aw: FBI – Jonathan le David cu rualpi tha sinak ah thu an tiamaw (I)
ZOHSAL AW	Sam 59 sungah David in a ralpawlih nuncan ziaza a rellang, a hleicein a innsang ah amah that dingih thlahtu Saul thuhla a si. Hivek dinhmun ùhning zet lak ihsin Pathian in David a humhimnak ruangih Pathian a thangthatnak le lungawi thu a simnak hmangin tlawngtapawl thinlung lak tumaw - cang 9, 16 & 17 .	Sam 139: 7-12 siar aw, cule himi zirnak sungah ziang vekin David-ih nuntu khawsakdân a tawi zawngin an pehtlaiaw ti reltlang uh. Sam 140: 1-8 siar aw, cule himi Sam a ngan laiah David-ih thinlung suangtuahnak sungah zo (Saul) a lang ti reltlang uh. Rom 12: 17-21 siar aw, cule Khristian ih nuncan ziaza a neih ding mi tlinnak reltlang uh, ùhimnak.... tuangtlamtei nun, hnangamtei nun, thatnak lăngter, mi ngaidamnak.
NUNPI AW	Himi zirnak in kan zirsuak mi: 1. Jonathan cu David tlanah rinumten a um, cule amai ruangah tuar khal a huam. Rualpihatnak taktak thu theingah dingih in bawm dingah an pehtlaihawknak ihsin kan zir thei mi ziang a si? 2. Ral a donak kipah David in nehnak a co vivo mi in mi dang hne ih in theihfiangter mi cu Pathian in a um pinak hi a si. Khristian an si ahcun na rualpipawl in ni tinten Bawipa na duhdawt ih, a lung na awiter ti mi an hmu maw?	Himi zirnak in kan zirsuak mi: 1. Na rualpipawl in na cahnak, titheinak na neih mi an lo iksik men thei, taksa dân ih samkir a awite, an hrang sawnkirnak thabik cu thlacamsak a si. (Mathai 5: 44) 2. Saul cun David thah tum khal sehla Pathian in a hmuh ringring ruangah tinat a si lo ding. Amah rinsantupawl hmuahhmuah hrangih a ngilneihnak cu David hnenih a neih mi thawn a bangaw.

	C7 – LEVEL 3 Lesson 4 – David Nun Thupi – A rualpi Jonathan	C7 – LEVEL 4 Zirnak 4 – David Nun Thupi – Midang ngaihsaknak
	Bible Thu hlawm: 1 Samuel 20: 1-42 Canghril: 1 Samuel 20: 17 Kan zir thei mi thu hnih: 1. Saul ruangah David cun buainak a tawng vivo lai, asinan a parah Jonathan cu rinumten a um. 2. Rinumnak ti mi cu mi pakhat nun ih mizia sunglawi zet mi a si, thutiam parih um ringring le rual le pipawl hnenah dik zetih um hi a si.	Bible Thu hlawm: 1 Samuel 20:12-17, 42; 2 Samuel 9: 1-13 Canghril: 2 Samuel 9: 1 Kan zir thei mi thu hnih: 1. David cu Jonathan-ih sungkua parah lainatnak langter dingin a thutiam a hlensuak. 2. David in Mefibosheth tlunih lainatnak a langter vekin Bawipa Jesu in kan sualnak ruangih khraws parih a thihnak hmangin kan hnenah a lainatnak a langter ve.
THEHTER AW	Thuanthu zohkirsal aw. David cu Ramah khua in a kirsal ih, Jonathan hnenah a ra; ziangruangah a pa in thah a tum ti mi hawlsuah a tum. David hrangah ñhngum a si le si lo theih a duhnak in a fiangter ding a si. Thla tin tuah mi puai ih va tel hnakin tel lo dân David in a hawl. David a um lo thu Saul in a sut asile kum tinte tuah mi thawiawknak puai ih va tel dingah Bethlehem ah a va feh tiah Jonathan in a simsak ding a si. Hi thuhla ah Saul a lungsi zawng asile David hrangah himnak a si. Asinan a um lo ruangih a lungawi lo asile David nunnak hrangah ñhngunza a si.	Thuanthu zohkirsal aw. David cu Ramah khua in a kirsal ih, Jonathan hnenah a ra; ziangruangah a pa in thah a tum ti mi hawlsuah a tum. David hrangah ñhngum a si le si lo theih a duhnak in a fiangter ding a si. Thla tin tuah mi puai ih va tel hnakin tel lo dân David in a hawl. David a um lo thu Saul in a sut asile kum tinte tuah mi thawiawknak puai ih va tel dingah Bethlehem ah a va feh tiah Jonathan in a simsak ding a si. Hi thuhla ah Saul a lungsi zawng asile David hrangah himnak a si. Asinan a um lo ruangih a lungawi lo asile David nunnak hrangah ñhngunza a si.
ZIRH AW	Bible Thuanthu sim aw Relpi awla, simfiang hai aw: 1. Saul kut sungin ka thi pang ti a ñhnak thu David in Jonathan hnenah ralrinnak a pe. (20: 1-3) 2. Puai ih a umlonak ruangih Saul in a tuahtonak thuhla hminsinnak hmangih theihtersal dingah Jonathan in David cu thu a tiam. 3. Jonathan in thil umdân a hmuhsuah tikah an thutiam mi vekin hmuhsaknak hrangah thalfung pathum a sai. Nauhak pa hnenah zoh hnik thal fungpawl cu nangmah lanah an um, fehlan mai aw, ziangah tile Jehovah in a lo fehlanter a si tiah sim dingin a si. Cutin David cu amai himnak dingah a tlan ding maw, siangpahrang cênna inn ah a kirsal ding. (20: 18-23) 4. Saul cun David khuiah a um tiah a sut ngaingai, cule a fapa Jonathan cu feipi in a khawt! (20: 28-33) 5. David hnenah a fiang zet mi hmuhsaknak pek a si ih, ñhnak a neih mi cu a taktak a si ti a fiang. An pahni in an pawmaw ih an ñap, cuisin hmun dangdangah an feh – David cu thupaw dingin hramlak ah a feh ih, Jonathan cu siangpahrang cênna inn ah a kirsal. (20: 41-42) 6. Thufim 18: 24 thu tlawngtapawl mangtersal aw, cule David le Jonathan an pehtlaihawknak ih langsar deuh mi reltlang uh. Canghril simfiang awla, zirsuak dingin tlawngtapawl thape hai aw – 1 Samuel 20: 17 Lesson 4 zir ding mi tuah thluh aw. Hmuh aw: Zohñhim ding a um lo	Bible Thuanthu sim aw Relpi awla, simfiang hai aw: 1. David-ih nunnak cu ñhngum a si ti Jonathan cun ralrinnak a pe. Thupaw dingih David a feh hlanah an pahni in an pawlaw ih an ñap, ziangah tile hmunkhatte ah nuamaw zet in an umtlang thei lo ding ti an thei. (20: 35-42) 2. Joathan thawn kan hmuawsal dah nawn lo ding ti David cun a thei, curuangah siangpahrang a si hmanah Jonathan-ih sungkua ñaten run zoh dingah thutiam a tuah. (20: 42) 3. David cu siangpahrang a hung si tikah Jonathan-ih sungkua tlunih duhdawtnak langter dingih thu a tiam mi a mang lai. (2 Samuel 9: 1) 4. Jonathan in kum nga a ti ihsin a tluk ruangih kebai, Mefibosheth ti mi a neih thu Siangpahrang Saul-ih siahlhahw Giba in a theihter hai, amah cu Lo-Debar hmun ah a cêng. (2 Samuel 9: 2-4) 5. David cun Jerusalem ah a hruaikirsal, a sungkuapawl khal a hnenah felfaiten kirsal dingin thu a pe, cule siangpahrang cabuai ih timlam mi rawl ziang vek khal ei ding a si. Giba le a fapapawl cu Mefibosheth hnenah an feh ve, cutin kum tampi liam zo mi ah Jonathan hnenih David thutiam a thlengkim. (2 Samuel 9: 5-11) 6. Thufim 18: 24 hi tlawngtapawl mangtersal aw, cule Jonathan le David pehtlaihawknak langsar deuh mipawl reltlang uh. Canghril simfiang awla, zirsuak dingin tlawngtapawl thape hai aw – 2 Samuel 9: 1 Zirnak 4 zir ding mi tuah thluh aw. Hmuh aw: Zohñhim ding a um lo
ZOHSAL AW	A hnuai lamih Bible cângpawl bawmtu ah hmangin anmah te simfiang dingah nauhakpawl thusuhn in himi zirnak zohpial awla, khaihawmnak tuah aw: (i) David-ih thinbangnak ziang a si? (câng 1-3) (ii) Jonathan-ih sankirsalnak ziang a si? (câng 4) (iii) Jonathan le David in khawkhannak an lungkimtlang mi ziang a si? (câng 5-23) (iv) David in ziang thuchah theih mi a nei? (câng 24-40) (v) Jonathan le David ziangntin an ñhenaw? (câng 41-42)	2 Samuel 4: 4 siar aw, cule Jonathan-ih fapa kebaidân thuhla tlawngtapawl thawn reltlang uh. Efesa 2: 1-10 siar aw, cule David-ih duhdawtnak le ngilneihnak ruangah Mefibosheth in thlawsuah a co vekin, Bawipa Jesu ih ngilneihnak le duhdawtnak ruangah Khristianpawl khalin a nasa zet mi thlawsuah kan co ve ti mi reltlang uh.
NUNPI AW	Himi zirnak in kan zirsuah mi: 1. Tlawngtapawl kha an nu le pa, innsang le rualpipawl tlunah an rinum maw, rinum lo ruattlang hai seh? 2. Bawipa Jesu a duhdawttu Khristian cun lamzin phun tampi in an rinumnak an langter thei a si. Cupawl hrekhat tarlang aw.	Himi zirnak in kan zirsuah mi: 1. David a feh hnuah Jonathan-ih duhtusam cu an innsang cio cu Pathian in a ngaihsak hai ding ti mi a si. Khristianpawl cun an rualpipawl le innsang an ti thei tawkin an tuamhlawm ding ih, an bawm ding a si. 2. David-ih nun kan ruahsal tikah a thinlung put a dik, Pathian a rinsannak a nasa fawn. A ña simaw, a ña lo khalah ziang vek dinhmun khalah, Pathian a rinsan ringring, cule a ti thei tawkin mi dang hnenah duhdawtnak a langter. Hi vekin Bawipa Jesu kan rianin, kan ti thei ve thei a si.

	C8 – LEVEL 3 Lesson 1 – Joshua Thupi – Mipi kaihruainak	C8 – LEVEL 4 Zirnak 1 – Joshua Thupi – Hruaitu Thar
	Bible Thu hlawm: <i>Joshua 1: 1-11</i> Canghril: <i>Joshua 1: 9</i> Kan zir thei mi thu hnih: - Mosi a thi ih, Israel mipawl hruaitu dingah Joshua in ai a run aw. Ram tiam Kanaan ram sung Israel hruaitlen ding cu a tianvo a si. - Khristian nun ih nungpeh vivo thei dingah Joshua vekin zumnak kan neih a tul.	Bible Thu hlawm: <i>Joshua 1: 1-9; 16-18</i> Canghril: <i>Joshua 1: 9</i> Kan zir thei mi thuhnih: - Mosi a thi ih, Israel mipawl hruaitu dingah Joshua in ai a run aw. Ram tiam Kanaan ram sungah Israel hruaitlen ding cu a tianvo a si. - Khristian kan si vekin Pathian-ih Kamsuakthu, Bible thlunnak in kan nun a tlang ding, cule harsatnak can khalah a thutiamkampawl kan phuanglang.
THEIHTER AW	Joshua thuhla theihter aw. Israel-mipawl cu Jordan Tiva nisuhnak lam Moab phairawn ah umhmun an khuar. Ralbawi lu bik, Joshua cun Israel-mipawl cu Jordan Tiva tankapiin Ram tiam sung hruailut ding a si. Joshua cu ral do thiam zet mi si khal sehla, Pathian a rinsannak cun Mosi aiawhin Israel-mipawl hruaitutlu dingih ruat mi a si. Kum sawmkua a ti tiang Mosi in a zirh mi a si, Israel hruaitu dingih thuneihnak petu cu Pathian a si.	Joshua thuhla theihter hai aw. Mosi a thih hnuah, Israel-mipawl Ram Tiam Kanaan ih hruai ding le ram va la dingah Pathian in Joshua hnenah a sim. Tuihlampi in Abraham le a cithlahpawl hnenah Ram Tiam Kanaan pe dingih thu a rak tiam, cule cui hmun ih ceng mi tha lo pawl dawisuaknak khalah ka lo bawm ding tiah thu a tiam. Pathian dik pakhat lawng biaknak ihsin a hruaipeng hai lo nak dingah Kanaan-mipawl cu Israel-mipawl in siatsuah thluh ding an si.
ZIRH AW	Bible Thuanthu sim aw Relpi awla, simfiang hai aw: - Mosi a thih hnuah Jehovah in Mosi hnenah mipi ting hnih tluk tam Israel-mipawl cu pe dingih a tiam mi thlen dah lo nak, ram tiam lam panih hruai dingah a sim. Izip ram an suahsan ni thawkin Israel-mipawl cu ramthing ah kum 40 tluk rei an vakvai. (1: 1-3) - Cah zet le ral tha zetih um dingah Jehovah in Joshua cu vei thum lai a sim (cang 6, 7 & 9) ziangah tile a hnenih pek mi tianvo kekar suahpi ding cu thil awl a si lo. Mosi hnenih a um vekin Joshua hnen khalah a um ding thu a tiam. - Hlawhtlinnak co ding cun Jehovah-ih dan tlun ding le a sun a zan ih a Kamsuakthu siar le zir dingih Jehovah in thu a pe. (1: 7-8) - Joshua cun Jehovah sim vek cun a tuah, cule ni thum sung fehnak hmun ih feh ding man cia dingah mipi a sim hai. (1: 10-11) - Jehovah-ih duhnak tuah, thulung ding le Jehovah-ih aw ngai ding a si ti Joshua in ziangtin a thei ti mi reitlang uh. Canghril simfiang awla, zirsuak dingih tlawngtapawl thape hai aw – Joshua 1: 9 Lesson 1 zir ding mi tuah thluh aw. Hmuh aw: FBI – Mosi a thi ih, Joshua cu hruaitu ah a cang (I)	Bible Thuanthu sim aw Relpi awla, simfiang hai aw: - Israel-ih hruaitu thar si dingah Pathian in Joshua a ko. Kum 40 sung rori Mosi bawmtu in a rak um, cule Kanaan ram va la dingih le mipi ting hnih hnak tam hruai dingih rak timlam zo mi a si. Izip ram an suahsan ihsin Israel-mipawl cu ramthing ah kum 4 sung rori an rak vakvai ti tlawngtapawl mangtersal aw. (1: 1-3) - Pathian in Israel-mipawl cu Kanaan ram pek ding lawng si loin, (cang 3 & 4) anmah cakter le thazang pe ding khalin thu a tiam hai. (cang 5 & 6) - Hlawhtlinnak thuthup cu (cang 7-9) khristian nun ah Pathian-ih Kamsuakthu in hmun a conak in a si ti Pathian in Joshua a simfiang. Cui Pathian-ih Kamsuakthu cu siar, ngungaih zetih ruah, cinken, thlun le a takih hmansuah ding a si. - Joshua le mipi cun Pathian-ih thupekpawl cu an thlun, cumi cun Joshua cu thuneihnak nei, hruaitu dingih an hril mi le a thuzirh mi an thlun ti a langter. (cang 16-18) - Joshua hnen ih hna tum zet pek mi hrang lawngah si loin, mipi khal Pathian in a rak timlam ti mi reitlang uh. Canghril simfiang awla, zirsuak dingih tlawngtapawl thape hai aw – Joshua 1: 9 Study 1 zir ding mi tuah thluh aw. Hmuh aw: FBI – Mosi a thi ih, Joshua cu hruaitu ah a cang (I)
ZOHSAL AW	Cak zet le ral tha zetin Joshua a um a tulnak a san tha zet thu thum zirnak zohtlangnak hmangin nauhakpawl thawn reitlang uh: - Nehnak co dingah Jehovah in Joshua thu a tiam – cang 5 & 6; - Pathian-ih Kamsuakthu cu a nun kaihruaitu himnak a si – cang 7 & 8; cule - Pathian-ih umpinak cu a nun kilhimnak huham a si – cang 9.	Dan cabu a 'thupitnak thu' le kan ni tin nunnak hrang Pathian ih in zirh mi cang 8 le 9 karlak thu an bangawknak tlawngtapawl thawn reitlang uh: - Kan nunnak ah Pathian-ih Kamsuakthu a thupitnak Sam 1 in a sim mi ziang a si? Thufim 3: 5-6 vekin ni khat hnu ni khat ziangtin kan nung ding? James 1: 22-25 vekin Pathian-ih Kamsuakthu kan thlunnak cu kan tuah mi ah hmuh a si.
NUNPI AW	Himi zirnak in kan zirsuak mi: Bible siar le a thu thlun hi Khristian nun ih hlawhtlinnak hrang thupibik mi a si. Khristian an si ahcun an nun ah Bible siar le nunpi tlukih thupitter ding mi a um lo ti mi hmangin nauhakpawl singkhaw hai aw?	Himi zirnak in kan zirsuak mi: - Bawipa Jesu cu an bulpak rundamnak hrang an rinsan in, Pathian-ih Kamsuakthu an thlun maw ti mi in tlawngtapawl singkhaw hai aw. - An thlun asile Khristian an si vekin, cakter le thape dingih Pathian thutiam a pek mipawl an rinsan in an siar maw? - An ni tin nun ah an siar mi a takin an tuahsuak maw?

	C8 – LEVEL 3 Lesson 2 – Joshua Thupi – Ram thlingthlaknak	C8 – LEVEL 4 Zirnak 2 – Joshua Thupi – Ram thlingthlaknak
	Bible Thu hlawm: <i>Joshua 2: 1-24</i> Canghril: <i>Hebru 11: 31</i> Kan zir thei mi thu hnih: - Joshua in Jeriko ah thlingthlatu a thlah hai ih, siangpahrang ih theih loin Rahab in a thup. - Rahab in Pathian a rinsan ih, thihnak ihsin rundam a si vekin, Bawipa Jesu kan rinnak ruangah rundamin kan um ve a si.	Bible Thu hlawm: <i>Joshua 2: 1-24</i> Canghril: <i>Hebru 11: 31</i> Kan zir thei mi thu hnih: - Joshua in Jeriko ah thlingthlatu a thlah hai ih, siangpahrang ih theih loin Rahab in a thup. - Rahab in Pathian a rinsan ih thihnak ihsin rundam a si vekin, Bawipa Jesu kan rinnak ruangah rundamin kan um ve a si.
THEIHTER AW	Atu-ah Israel cu Jordan a thleng thlang, a hmaiih Jeriko khua va do ding a si. Khawpi tum le kulh hnet zet nei Jeriko va thlingthla dingah Joshua in thlingthlatu hlei hnih a thlah. Cui khawpi an va do hlanah thilumdan Joshua in a theih hmaisat a tul.	Tuah Israel cu Jordan a thleng thlang, a hmaiih Jeriko khua va do ding a si. Khawpi tum le kulh hnet zet Jeriko va thlingthla dingah Joshua in thlingthlatu hleinih a thlah. Cui khawpi an va do hlanah thilumdan Joshua in a theih hmaisat a tul.
ZIRH AW	Bible Thuanthu sim aw Relpi awla, simfiang hai aw: - Thlingthlatupawl cu Jeriko an thleng. Pathian cun Rahab-ih inn ah a hruai hai. Cui hmun cu zamrang tei an suahsan lohli sal a tul. Joshua-ih san lai ah cun khawkulh parih inn sak hi an tidan tlangpi a si. Khawpi tampi cu pi 12 -15 tluk kulh pahni an nei. Innawl cu khawkulh pahni tlunah a kalh zawngin thing thawn an sak theu. Hivek inn sak mi ah Rahab hi a um a zumum, cui hmun ihsin khawkulh leng lam hmuh a theih. (cang 1-2) - Rahab cun Israel-mipawl hnenih Jehovah in nehnak a pek mi thuhla a rak thei, cule cui an Pathian cu Pathian dik a si, amah rinsan ih zum dingah thutlunak a tuah. (cang 8-11) - Rahab-ih inn cun luanglu a nei ih, cui hmun cu thlingthlatupawl thuhawknak hrangih remcang zet a si. Rahab-ih luanglu tlunah cun Jeriko siangpahrang hmuh lo dingin thlingthlatupawl cu an thupaw, cule Jeriko an ra do ding ih, a inn tukvirh tlunah puan senlar an rak thlai asile, cui inn sungih um amah le a sungkua zate zuah dingin thutiamnak an nei. (cang 15-21) - Rahab, nuhmeinui luanglu ihsi cun an tum ih an luat. Ni thum sung tlang lakah an thuhawk hnuah, thlingthlatupawl cu Jordan Tiva kanin an kirsal, cule Joshua hnenah thil umdanpawl cipciarin an va sim thluh. (cang 22-24) - Rahab in thih ngam in thlingthlatupawl nunnak a rak runsuak, zianghatile Israel-ih Pathian – Jehovah parah zumnak a neih ruangah a si ti mi tlawngtapawl hnenah simfiang aw. Canghril simfiang awla, zirsuak dingin tlawngtapawl thape hai aw – Hebru 11: 31 Lesson 2 zir ding mi tuah thluh aw. Hmuh aw: FBI – Thlingthlatupawl le Rahab (I)	Bible Thuanthu sim aw Relpi awla, simfiang hai aw: - Thlingthlatupawl cu Jeriko an thleng. Pathian cun Rahab-ih inn ah a hruai hai. Cui hmun cu zamrangteih an suahsan lohli a tul. Joshua-ih san lai ah cun khawkulh parih inn sak hi an tidan tlangpi a si. Khawpi tampi cun pi 12 -15 tluk kulh pahni an nei. Innawl cu khawkulh pahni tlunah a kalh zawngin thing thawn an sak theu. Hivek inn sak mi ah Rahab hi a um a zumum, cui hmun ihsin khawkulh leng lam hmuh a theih. (cang 1-2) - Rahab cun ziangkimtithi, Pathian, van hmun ah a um ti a thei, cule a zum. Kanaan-mipawli pathian dik lo in in runsuak thei lo ti a thei, asilole khawpi a cim tikah nenthah a si ve pang ding. (cang 8-11) - Rahab-ih zumnak a hmuhsuah thar mi cun thlingthlatupawl rak thup dingah ralthatnak a pe. Thlingthlatupawl cu Rahab-ih inn luanglu parah siangpahrang ih hmuh lo dingin thuh an si; asinan hi thil cu rinhmang in a tuah mi a si ko nan, rinsan tlak Israel Pathian a theifiang a si. - Israel-mipawl in an ra do ih, thlingthlatupawl in an himnak ding hrangih khawkhannak an neih mi cu Rahab in amah le a sungkua himnak ding hrang thupi zetah a ruat. Tukvirh ah hri sen rak tlai ding a si. (cang 17-20) - A zumnak ruangah an innsang runhim an si ih, Bawipa Jesu Khrih cithlahtu ah a rung cang. (Mathai 1: 5) Ram dang mi, Rahab hmangih khawkhannak a neih mi Pathian in ziangti vekin a tunsuak ti simfiang hai aw! Canghril simfiang awla, zirsuak dingin tlawngtapawl thape hai aw – Hebru 11: 31 Zirnak 2 zir ding mi tuah thluh aw. Hmuh aw: FBI – Thlingthlatupawl le Rahab (I)
ZOHSAL AW	A hnuai lamih cangpawl hmangin thuanthu zohkirsal aw: (i) Hebru 11: 31 (Canghril) – Jeriko an do ih an neh nan, thihnak ihsin Rahab a runsuah a si thei? (ii) James 2: 25 – Rahab in Pathian a zumnak ziangtin a langter? (iii) Hebru 11: 6 – Zumnak thu himi cang in ziang in sim?	A hnuai lam cangpawl hmangin thuanthu zohkirsal aw: (i) Rom 5: 5-8 – Pathian ah zumnak a neih hlan sung hmuah cu Rahab-ih nunnak cu Pathian ngaihsak lo mi a si. Kannih khal Jesu-ih Rundamnak kan co hlan sung hmuah cu Pathian ngaihsak lo dinhmun ih um kan si ve. (ii) Efesa 2: 6-8 – Rundamnak cu zumnak thawngin a si, kanmai hlawhsuah mi in a si lo ti mi himi Bible cang cun thupi zet in a rellang. Zumnak thawngin Rahab-ih nunnak cu runsuah a si. (iii) James 2: 25-26 – Rahab-ih zumnak cu tuahnak hmangin a langter – Anih cun thlingthlatupawl a rak thup, cule a sungkua an runsuahnak ding a ret thupi nasa.
NUNPI AW	Himi zirnak in kan zirsuah mi: - Na sualnak ruangih hremnak a lo phurhsaktu Bawipa Jesu ah na zumnak an thumaw zo maw? - Khristian na si ahcun na tuah mi in Bawipa Jesu na nei a si ti a langter maw?	Himi zirnak in kan zirsuah mi: Hebru 11, sungah zumnak ih nungpawl hmin tarlan mi nunau pahni lakah a tel ve. Bawipa Jesu na rinsan pumhlum asile thlawsuah a lo pe ding. Kan thuken mi cu Ziangkim Tlansanin Jesu Rinsan a si – Zumnak a si!

	C8 – LEVEL 3 Lesson 3 – Joshua Thupi – Tiva an tankai	C8 – LEVEL 4 Zirnak 3 – Joshua Thupi – Jordan tiva an tankai
	Bible Thu hlawm: <i>Joshua 3: 1-17</i> Canghril: <i>Joshua 3: 5</i> Kan zir thei mi thu hnih: 1. Pathian in Joshua hnenah Israel-mipawl cu Jordan Tiva ral kaipi dingin thu a pe, cule cumi cu a tuahsuak thei ding – Pathian in thu a pek tinten mi a bawm ringring. 2. Tiva ti a len laiah mipi tam zet Jordan Tiva ral kanpi ding cu minung lam zawngih ruah ahcun thil cang thei lo mi a si. Pathian cun thilmak ropi a tuah a si.	Bible Thu hlawm: <i>Joshua 3: 1-17; 4: 1-24</i> Canghril: <i>Joshua 4: 24</i> Kan zir thei mi thu hnih: 1. Pathian in Joshua hnenah Israel-mipawl cu Jordan Tiva ral kaipi dingin thu a pe, cule cumi cu a tuahsuak thei ding – Pathian in thu a pek tikah mi a bawm ringring. 2. Pathian cu a cak, ziangkimtithi a si ih, kan sungih a hnañuan mi le kanmah hmangin a huham langter a duh.
THEIHTER AW	Jordan tiva an tan laiah Pathian in a umpi a si ti Israel cun a theihsuah a ùl. Pathian cu an hmu thei lo, asinan Thukham Kuang cu an hmaiah a feh, cumi cun Pathian-ih umpinak le a huham a langter. Himi thiartu ding cu a hleicein puithiampawl an si (<i>cang 3</i>).	Israel-mipawl Ram Tiam sung luhnak dingih dawnkham tu cu Jordan Tiva hi a si ti simfiang hai aw. Israel cun Izip in an suah ùm ah Tipi Sen an tan zo. Mosi kaihhruainak hnuaiah mangbangza lei ro parin Pathian in a tankaiter haiu zo. Curuanga Joshua san khalah Pathian in mangbangza thil a tuah ih, mipi in lei ro parin tiva himten an tan.
ZIRH AW	Bible Thuanthu sim aw Relpi awla, simfiang hai aw: 1. Pathian in an hnenih thu a pek mi le mangbangza thil tuah dingih a tiam mi sim dingah Joshua in Israel-mipawl cu a kokhawm hai. (<i>cang 1-5</i>) 2. Kanaan mipawl cu mīṭha lo an si, cule an tuah mi le nundān ṭha lo Israel-mipawl in an thlun le tuah ve a duh lo ruanga Pathian in dawisuh hai thluh a duh. 3. Israel-mipawl cun Jordan Tiva kan ding cu an huphurh nasa, asinan ziangti tankai ding a si ti felfaiten Pathian in a sim hai cia. 4. Puithiampawl-ih ke in Jordan Tiva a dai leveten mangbangza thil a thleng. Adam khawpi tiang lai ti luang cu a cawl (peng hra ṭluk lai a si ding) cule tidai cu a hlawm in a ding, Tipi Sen tiang tidai cu a kăngcat, cutin Israel-mipawl cu lei car parin an tankai. (<i>cang 14-17</i>) 5. Israel-mipawl cun Pathian in a zirh le sim mipawl vekin an thlun ih, an harsatnak cu ṭhawnhlohsak a si ti tlawngtapawl hnenah simfiang hai aw. Anni in zianghman an tuah lo. A zaten Pathian tuah thluh mi a si. Canghril simfiang awla, zirsuak dingin tlawngtapawl thape hai aw – Joshua 3: 5 Lesson 3 zir ding mi tuah thluh aw. Hmuh aw: FBI –Jordan an tankai (I)	Bible Thuanthu sim aw Relpi awla, simfiang hai aw: 1. Ti len laifangah Jordan Tiva an tankai a ùl. Thukham Kuang zawnin hmaih feh dingah puithiampawl cu sim an si. Himi cun Pathian-ih umpinak le a huham langternak a si, cule mipi cun an dung lamin thlun ding an si. (<i>3: 1-4</i>) 2. Puithiampawl-ih ke in Jordan Tiva a dai leveten mangbangza thil a thleng. Adam khawpi tiang lai ti luang cu a cawl (peng hra ṭluk lai a si ding), cule tidai cu a hlawm in a ding, Tipi Sen tiang tidai cu a kăngcat, cutin Israel-mipawl cu lei car parin an tankai. (<i>3: 14-17</i>) Miphun hleihnih sungin pakhat ciar in tiva sungih lungto pakhat ciar an la pei, cule Pathian in Jordan Tiva a dingter ti hngilhonak ah lungto hleihnih thawn Gilgal hmun ah hmainsinnak an tuah ding a si tiah a sim hai. (<i>4: 1-9</i>) 3. Mipi in tiva an tankai hnua, Joshua in Thukham Kuang zawntu puithiampawli ke dīnnak hmun Jordan tiva laifangah lungto hleihnih pawl cu a phun, cule cupawl cu tuihni tiangin cu tawkah an um lai a si. (<i>4: 9</i>) Canghril simfiang awla, zirsuak dingin tlawngtapawl thape hai aw – Joshua 4: 24 Lesson 3 zir ding mi tuah thluh aw. Hmuh aw: FBI –Jordan an tankai (I)
ZOHSAL AW	Izip ihsin Israel-mipawl an suah thei nak dingah Pathian in Tipi Sen a ṭhencat vekin (<i>Suahlannak 14</i>), Ram Tiam Kanaan lut dingah Jordan Tiva a ṭhensak a si. Israel-mipawl hnenih Pathian-ih umpinak le rinumnak cun Izip ihsin Kanaan an thlen thei nak a si. Pathian ziangkimtithi huham lang dingah ti len lai cān fangte Pathian in a hril. Hi thil cun an ralpawl lakah hminṭhatnak nasa zet a co a si (<i>cang 10</i>).	Sam 114 - khihhmuh phahin na zir mi zohkirsal aw Cang 3 nak kha a hleicein relltang uh, cule cangantu in hi thil pahnih khihhmuh mi a nei ti simfiang aw: (i) Mosi le Israel-mipawl in Tipi Sen himten an tankai laiah Izip-mipawl cu ti sungah an pilhlo thluh; (ii) Tui zirlai mi sungah Jordan Tiva ti a cawl. Hi thil cang mi cu kum 40 lai a rei zo ti mi tlawngtapawl simfiang hai aw. Hi thil cang mi pahnih in ziang so kan zir thei mi?
NUNPI AW	Himi zirnak in kan zirsuak mi: 1. Israel-mipawl in Pathian-ih zirhnak an thlun ih, Pathian in a runsuak hai a si. Kan bulpak Rundamtu ah Bawipa Jesu Khrih cohlangin, a Kamsuakthu kan thlun asile, kan nun lamltuan in hrui ding ih, Van hmun in thlenpi ding a si. 2. Kan nunnak ih ‘tiva’ asilole ‘harsatnak’ ruat hnik hman. Hi thil a tifelsak mi in ziangtin thazang in pe ve?	Himi zirnak in kan zirsuak mi: 1. Thukham Kuang an hnenih a um cun Israel-mipawl in nehnak an co ti a fiangter, cu vekin Khristian khal in Bawipa Jesu-ih thu a thlun ringring ding a si. 2. Israel-mipawl hrangah lungto hleihnih cu nehnak hmainsinnak a si, cu vekin khraws parih Jesu-ih thiinak cu kumkhua in duhdawtnak hmainsinnak a si.

	C8 – LEVEL 3 Lesson 4 – Joshua Thupi – Jehovah thu thlun	C8 – LEVEL 4 Zirnak 4 – Joshua Thupi – Nehnak
	Bible Thu hlawm: <i>Joshua 6: 1-25</i> Canghril: <i>Hebru 11: 30</i> Kan zir thei mi thu hnih: 1. Jehovah sim mi vek cekciin Joshua in a thlun, cutin Pathian in Jeriko nehnak a pe. 2. Bawipa Jesu ah zumnak kan nei ih, amah kan rinsan ringring asile kan nunnak ah nehnak in pe ding a si.	Bible Thu hlawm: <i>Joshua 6: 1-27; 7: 1-26</i> Canghril: <i>Hebru 11: 30</i> Kan zir thei mi thu hnih: 1. Jehovah sim mi vek cekciin Joshua in a thlun, cutin Pathian in Jeriko nehnak a pe. Sikhalsehla, Akhan-ih thulunonak cun Ai khua donak ah an sung. 2. Pathian zumnak le a thu thlunnak cun hnangamnak, aipuannak le lungawinak a tui nun ah le kumkhua tiang a thlen. Pathian thuthulunonak le sual cun kan nunnak ah a nasa zet mi siatnak a thlen.
THEIHTER AW	Khawkulh hnget zet Jeriko do dingin Joshua cun atu-ah mipi kaihrui ding a si, asinan, sangka le khawkulhnak pharpawl cun khawpi sungih ceng mipi humhim khal sehla thuthennak an hngak sawn a si! Israel-mipawl ziangti kha in an ti thei lo! Pathian in Israel-mipawl kut ah Jeriko pe dingin tumtah mi a nei.	Tuah Israel-mipawl cu Ram Tiam hmun ah an nun zuamtu pahnih an tawng. Kanaan ram co dingih an lak pekte ah khawpi pahnih, Jeriko le Ai khua ihsin thu sunglawi zet an zir hmaisa. Pumhlum ih Pathian an rinsan ih, a thu an thlun tikah nehnak co ding a fiang. Sikhalsehla, Pathian thu an thlun lo ih, anmah le mah an rinsanawk leveten ral an sung.
ZIRH AW	Bible Thuanthu sim aw Relpi awla, simfiang hai aw: 1. Jew-mipawlih tihnak umtertu Jeriko cu Joshua le a ralkappawl hmaiah a cim thluh ding a si. (6: 1) 2. Ni khat ah vei khat in, ni ruk sung Israel-mipawl cun Jeriko an hêl. Ralkappawl in hmai an hruai, cule Thukham Kuang dung thlunin puithiampawl cun tawtawrawt an phaw. An dung lamin mipi cun daiten an thlun. (6: 3- 14) 3. A ni sarihnak ah, khawkulh cu vei sarih an hel, cule puithiampawl in tawtawrawt ring zetin an tum ih, Israel-mipawl cu ringpin an ua, cule khawkulh cu a cim. Tu cun khawpi sung an lut thei thlang. (6: 20) 4. Khawpi sung um mi le nunnak nei mi an siatsuah, cule Rahab le a sungkua lawng nungin runsuah an si, ziangahtile thlingthlatupawl a rak thup ih, an sim mi vekih a tuah ruangah a si. (6: 22-23) 5. Canghril mi ah 'zumnak' in Pathian in khawkulh a cimter ti in zirh, cun Hebru 11: 31 khalah zumnak in Rahab cu runsuah a si ti in zirh fawn. Canghril simfiang awla, zirsuak dingin tlawngtapawl thape hai aw – Hebru 11: 30 Lesson 4 zir ding mi tuah thluh aw. Hmuh aw: FBI –Jeriko khawkulh (I)	Bible Thuanthu sim aw Relpi awla, simfiang hai aw: 1. Pathian in Joshua hnenah Jeriko cu a kut ah pek a si zo ti hman sehla, ral dodan ding a sim hai ih, nehnak cu Jehovah hnen lawngin a si ti a mangter hai. Jeriko khawpi cu misual umnak, siatsuah thluh ding mi a si. (6: 2-5) 2. Ni khat ah vei khat in, ni ruk sung Israel-mipawl cun Jeriko an hêl. Ralkappawl in hmai an hruai, cule Thukham Kuang dung thlunin puithiampawl cun tawtawrawt an tum. An dung lamin mipi cun daiten an thlun. (6: 3- 14) 3. Rahab le a innsang cu siatsuahnak lakin runhim an si, ziangahtile Pathian ah zumnak a nei a si, ziangahtile Jeriko thlingthlatupawl a rak thuh ruangah a si. (6: 22-23) 4. Nasa zetin Jeriko nehnak an co hnuah, Joshua le a ralkappawl cun Ai khaw fate ih an sun ruangah an buai nasa, asinan Joshua cun sualnak ruangih thil cang mi a si ti a zirsuak lohli. (7: 6-12) 5. Jeriko cu nan siatsuah thluh ding tiah Pathian in thu a pe, cule ralpawl ih neih mi thilri zianghman la lo dingin Pathian in a kham mi cu Akhan in a thlun lo. (6: 18-19 & 7: 11-12) 6. Akhan cun a sualnakpawl a phuanglang, cutin Kanaan ram sungah a sualnak a rung tan lo nak dingah amah le a sungkua zaten lungto thawn an dengthat. (7: 20-26) Canghril simfiang awla, zirsuak dingin tlawngtapawl thape hai aw – Hebru 11: 30 Lesson 4 zir ding mi tuah thluh aw. Hmuh aw: FBI –Jeriko khawkulh (I) Akhan i thulunonak cun ral an sun phah (i)
ZOHSAL AW	A hnuai lam thuhla reltlangnak in tlawngtapawl nan zir mi zohkirpi aw: 1. Cang 3-5 Pathian in a tumtah mi Joshua hnenih a phuansuah mi kha ziang a si? 2. Cang 20 nak ah Pathian in a tumtah mi Joshua hnenih a phuan mi puithiampawl in an thlun tikah ziang a cang? 3. Israel- mipawl hrang Pathian ih tumtah mi an thlunnak in ziangtin nehnak an co ti reltlang uh.	1. James 1: 12-16 siar aw, cule hipawl reltlang uh (i) Cang 12 nak hi ziangtin Rahab hrang hman a si thei nak; (ii) ziangtin cang 13-15 nak ih Akhan hrang hman a si thei nak; (iii) ziangtin cang 12-16 nak hi kan zate hrang hman a si thei nak. 2. Ziangtin Akhan-ih sualnak in an innsang hrang le a ralkapipawl hrang siatnak nasa zet a thlen thei, cun vei khat thil ti sual mi in mi dang ziangtin a hngawng thei ti reltlang uh.
NUNPI AW	Himi zirnak in kan zirsuah mi: 1. Khristian kan si vekin ziangtin nehnak kan congah thei ding ti mi 1 John 5:5 nak ah ziang thu a sim? 2. Joshua in Pathian a rinsannak cun Israel-mipawl hrang nehnak Pathian in a pe ti himi zirnak in kan zirngah, cule Rahab in Pathian a rinsan ruangah thihnak in runsuah a si. Bawipa Jesu kan rinsan asile in bawm ding ih kan nunnak ah nehnak kan co ve ding a si.	Himi zirnak in kan zirsuah mi: Thulung lo mipi ruangah an nun le mi dang nun ah riahsiatnak a thlen, thulung mipi cun aipuannak le thlawsuah mi dang nun ah a thlenpi a si. Khristian na si le Pathian thulun na nun ah ziangtin na langter ding?

	C9 – LEVEL 3 Lesson 1 – Elijah Thupi – Pathian thupek	C9 – LEVEL 4 Zirnak 1 – Elijah Thupi – Pathian-ih hremnak
	Bible Thu hlawm: 1 Siang 16: 29-33; 17: 1-7 Canghril: 1 Siang 17: 5 Kan zir thei mi thu hnih: 1. Israel-mipawl in harsatnak thim khawzing an paltlang tinten an hrangih thusimtu ding Pathian in milai a nei. 2. Elijah cu Siangpahrang Ahab le a thatlonak hmuahhmuah va simtu ding ih Pathian ih hril mi milai a si.	Bible Thu hlawm: 1 Siang 16: 29-33; 17: 1-7 Canghril: 1 Siang 17: 5 Kan zir thei mi thu hnih: 1. Israel-mipawl in harsatnak thimkhawzing an paltlang tinten an hrangih thusimtu ding Pathian in milai a nei. Elijah cu Siangpahrang Ahab le a thatlonak hmuahhmuah va simtu dingih Pathian ih hril mi milai a si. 2. Pathian thulun le a Kamsuakthu thlun hi hi leitlun kan umnak hrang a thupi tuk mi a si.
THEIHTER AW	Himi zirnak peh ah Israel-ih profetpawl lakih ropibik Elijah thu in theihter. Siangpahrang Ahab Israel ram ih Lal a si laiah Elijah cun profet hna a tñan. Ahab cu siangpahrang sual zet a si, nunau sual zet Jezebel cu nupi ah a thi. Anih cun Baal a bia, cule a pasal cu cui milem be ve dingin a hruai. Cui san ah Israel cu Pathian pakhat le dik umsün a dungtunsan.	Israel (thlang lam lalram) hnenih Pathian in a thlah mi profetpawl thupi zet cân reipi tñantu cu Elijah a si. Curuanga thlarau lam tñamsuknak ihsin Israel runsuak dingah Pathian in a profetpawl a ko hai a si. A ra lai ding mi kum 300 sungah hi mipa le nunau pawl in an mipi le an hruaitupawl Pathian dik hnenih kirsal dingin tha an pe hai ding a si.
ZIRH AW	Bible Thuanthu sim aw Relpi awla, simfiang hai aw: 1. Ahab cu a hlan ih siangpahrang dang hnak hmanin a sual sawn ih, a tha lo sawn. (1 Siang 16: 30 -33) 2. Milem biaknak le sualnak sungih a nungtu Israel-mipawl hmatawnih thu va sim ding le siraw dingih thape dingah Pathian in Elijah a thlah. 3. Kum thum le thla ruk rori ruah le dai a um lo ding tiah Elijah cun raltha zet in Ahab hnenah thu a than. (James 5: 17) Himi cun milem an biaknak ruangih Pathian-ih hremnak a si. (17: 1) 4. Pathian cun Elijah cu Samaria suahsan ding in a sim, cule nisuahnak lam Kerit tiva ah va feh ding in a fial, cui hmun ah Pathian in tlangak hmang in a cawm ding ih, tiva ti hmang in a nung ding a si. Sikhalsehla, tiva ti cu a rei hlanah a kâng. (17: 2-6) 5. Elijah in Pathian-ih Kamsuakthu a zum ih, a sim mi vekin a tuah, cule Pathian in a tñalsam mi zaten a pe. Canghril simfiang awla, zirsuak ding in tlawngtapawl thape hai aw – 1 Siangpahrang 17: 5 Lesson 1 zir ding mi tuah thluh aw. Hmuh aw: FBI – Elijah le Baal profetpawl (I) le Tlangak in Elijah rawl a cawm (I & P)	Bible Thuanthu sim aw Relpi awla, simfiang hai aw: 1. Ahab-ih nupi sual zet cu Ture khawpi, a pa Ethbaal, puithiam le siangpahrang an tñannak hmun ihsi ra a si. Anih cun Baal a bia, cule a nupi ti lungawi dingah Ahab in Baal biaktheng a dñin. (1 Siang 16:30-33) Hi thil a tuah mi cun milem biaknak tha a pe ih, Israel rampi. 2. Baal betupawl cun ruah surtertu le thlaira suahtertu hi Baal a si tiah an zum. Kum thum le a hrek sung rori ruah a sur lo ding tiah Elijah in raltha zet in a sim tikah (James 5: 17), Ahab cu a lau nasa. (17: 1) 3. Elijah cun Ahab hnenah milem pathian hnakin - 'Israel Jehovah Pathian' thilitheinak a nasasawn tiah a sim. (1 Siang 17: 1) 4. Israel ram ah milem biaknak le dodalnak a nasat sung pauh cu Pathian khawkheng a thlenter. Pathian cun Elijah cu Samaria suahsan ding in a sim, cule nisuahnak lam Kerit tiva ah va feh ding in a fial, cui hmun ah Pathian in tlangak hmang in a cawm ding ih, tiva ti hmang in a nung ding a si. (17: 2-6) 5. Elijah in Pathian-ih Kamsuakthu a zum ih, a sim mi vekin a tuah, cule Pathian in a tñalsam mi zaten a pe. Canghril simfiang awla, zirsuak ding in tlawngtapawl thape hai aw – 1 Siangpahrang 17: 5 Lesson 1 zir ding mi tuah thluh aw. Hmuh aw: FBI – Elijah le Baal profetpawl (I) le Tlangak in Elijah rawl a cawm (I & P)
ZOHSAW AW	Khawikhawmnak ah anmah te sang hai ding in nauhakpawl sut hai aw: (i) Himi zirnak ih dung lam thu pehtlaihternak; (ii) Ahab hnenih Elijah-ih simsunak le (iii) Elijah hnenih Pathian-ih thutiam.	Dñan peksalnak 4: 13 siar aw, cule himi câng le Ahab ziangtin an pehtlaihaw ti rettlang uh. Dñan peksalnak 7: 1-6 siar aw, cule Pathian-ih ralpawl thawn pehtlaihawknak lole thitumnak tuah lo ding in Pathian in ziangtin a sim hai ti rettlang uh. Hi vek thawn pehtlaihawknak cun Pathian dik tñansannak a si ti Pathian in ralrinnak a rak pe zo. Câng 6 siar aw, cule Israel cu 'miphun hleice' in Pathian in ziangtin a hmu ti rettlang uh.
NUNPI AW	Himi zirnak in kan zirsuah mi: 1. Kan sual kan sir hi Pathian ih duh mi a si ahcun sualnak sungih kan nungpeh vivo thotho asile Pathian in in hrem ding a si. 2. Sual ruanga thuthennak a um ding a si tiah mĩtha lo zet Ahab hnenih sim dingah a ral a tha a si ahcun Bawipa cu anmah Rundamtu a si ti hman thei hrih lo tu hrang Khristian nun ih nung dingah ralthatnak a um a si.	Himi zirnak in kan zirsuah mi: 1. Sual thim sungih Israel a um lai cân ah Elijah cu Pathian hrang thutheihpitu ropi a si. Anih cun mipi cu Pathian hnenah a hruai hai. Khristian kan si ahcun a keneh kan thlun ve ding a si (Luke 1: 17). 2. Elijah cu Pathian mi ti le a thulung mi a si tiah theih a si. Pathian thulun hi kan hrangah teh a thupibik mi a si ve maw?

	C9 – LEVEL 3 Lesson 2 – Elijah Thupi – Pathian in a ngaihsak	C9 – LEVEL 4 Zirnak 2 – Elijah Thupi – Pathian-ih cawmdawlnak
	Bible Thu hlawm: 1 <i>Siang</i> 17: 7-24 Canghril: 1 <i>Siang</i> 17: 24 Kan zir thei mi thu hnih: 1. Khawkheng nasa zet khalah, Pathian in Elijah tlasam loin a cawm. 2. A pakhatnak ih Pathian a rettu cun an nunnak hrang an tlasam dah lo ding a si.	Bible Thu hlawm: 1 <i>Siang</i> 17: 7-24 Canghril: 1 <i>Siang</i> 17: 24 Kan zir thei mi thu hnih: 1. Pathian cun a thutiampawl a tlun ringring. 2. Rundamnak hrang a Fapa ah zumnak kan nei a si ahcun Pathian in kumkhaw nunnak pe ding in tiam, cutin Pathian minung ah in tuah thei a si.
THEIHTER AW	Khawkheng a thlen lai cân ah Pathian in Elijah ziang vekin a cawm ti le tivante tidai a kâng ti hmaisai zir mi tlawngtapawl mangtersal aw. Pathian cun Elijah a mang ringring, cule Taiar le Sidon khawpi karlak, Medirternian tipi in a hlatnak hmun ih um Zarefath nuhmeinu hnenih feh ding in a sim.	Zir hmaisat mi kha tlawngtapawl sim hai sal aw. Kereth tiva ih tidai a cân hnuah Pathian in Elijah cu Zarefath nu hnenih feh ding in a fial. Himi kan zirnak in Elijah in Zentel nuhmei ziangti vekin a bawm ti mi kan zir thei, cumi rahsuah cu a ruah ban lo tiangin thlawsuah a co a si!
ZIRH AW	Bible Thuanthu sim aw Relpi awla, simfiang hai aw: 1. Zentel nuhmeinu hmangin cawm dingah Pathian in a timlam cia zo vekin, Pathian thulungin, Elijah cu Zarefath nu hnenah a feh. (17: 7-9) 2. Elijah cun a hrangah sang tuah ding in a dil, asinan amah le a fapa hrang daih lawng a um tiah zamrang zetin a simkir. Sangvut le siti a kâng dah lo ding tiah Pathian in a ti a si tiah Elijah cun a sim. Nuhmeinu cun a sim vek cun a tuah, cule sangvut le siti cu khawkheng a cem hlanlo a kâng dah lo. (17: 12-16) 3. Cui hnuah, nuhmeinu fapa a na ih a thi. A nunsal thei nak dingah Elijah cun Pathian hnenah thla a cam, cule Pathian in a thlacamnak a sang ih, nauhak pa cu a nui hnenah cun a hruaisal. (17: 17-23) 4. Zarefath nuhmeinu cun Elijah cu 'Pathian mi' a si ti a theingah thlang. (17: 24) 5. Elijah-ih tul mi pe dingah Pathian cun vate thianghlim lo, tlangak le nuhmeinu a fial. A falepawl tul mi pe dingah kan beisei ban lo mi thil fate hmangin Pathian in mi a bawm. (Mathai 6: 25-35 zoh aw) Canghril simfiang awla, zirsuak dingin tlawngtapawl thape hai aw – 1 Siang 17: 24 Lesson 2 zir ding mi tuah thluh aw. Hmuh aw: FBI – Elijah le Zarefath nuhmeinu (I & P)	Bible Thuanthu sim aw Relpi awla, simfiang hai aw: 1. Pathian thulungin Elijah cu rawl suang dingih timlam rero lai, Zarefath, Zentel nuhmeinu hnenah a feh, anih cun a fapa le amai hrang vei khat ei ding vial parih thumawtu a si. (17: 7-12) 2. Malte lawng ei ding tang khal sehla, Elijah cun a hrangah sang tuah hmaisai ding in a sim. Anih cun Elijah a rinsan ih, a tuah mi cun Pathian a pakhatnak ih ret a si vekin, sangvut retnak le siti thawlpawl an kâng dah lo. (17: 12-16) 3. Cui hnuah, nuhmeinu fapa a na ih a thi. Elijah cun a fapa cu ihnak pindan sungah cun a fehpi, nauhak parah cun a baw ih, a nunsalnak dingah Bawipa hnenah thla a cam. Nauhak pa cu a nungsal ih, damcak zet in inn hnuai a nu hnenah a hruai. (17: 17-23) 4. Hi Zentel nuhmeinu cu a rinhlelnak lanpiin a nun in a theifiang, zianghile hi thilmak a tuah mi pahni ruangah Elijah cu Pathian mi a si ti le Bawipaih tawngkam cu thutak a si ti a theifiang – Ahab le Jezebel ih biak mi milem vek men a si lo ti khal a thei thlang. (17: 24) Canghril simfiang awla, zirsuak dingin tlawngtapawl thape hai aw – 1 Siang 17: 24 Lesson 2 zir ding mi tuah thluh aw. Hmuh aw: FBI – Elijah le Zarefath nuhmeinu (I & P)
ZOHSAL AW	Zirnak 2 nak ih thusuhnak pakua pawl a sannak an ngan mi bawm dingah tlawngtapawl cu zirnak zohkirsalnak hrang thusut hai aw.	(i) Mathai 6: 31-34 siar aw, cule câng 33 in Zentel nuhmeinuih tawnteh mi thawn ziangtin an pehtlaihaw ti reltlang uh; (ii) Hebru 11: 32-35 siaraw, cule câng 35 in Zarefath nuhmeinu a khihmuh mi a nei ti langter aw;
NUNPI AW	Himi zirnak in kan zirsuah mi: 1. Elijah-ih nun cu thlacam mi a si ti a langter. Thla a cam mi cu a ngah ding a si ti a zum. Thla kan cam tikah Pathian hnenin a sannak kan beisei ding a si? 2. Elijah cun Bawipai thu a lung, cule a tulsam mi pek a si. Pathian kaihruainak hrang Bible siar le thlacam in a thu kan thlun ding a si. 3. Elijah cu 'Pathian mi' tiah theih a si. A sim duh mi cekci ziang a si ti reltlang uh.	Himi zirnak in kan zirsuah mi: 1. Nuhmeinu cun Pathian-ih Kamsuaklthu parah zumnak a nei, cule nasa zet in thlawsuah a si. A hnenin ziang so kan zir ding mi um? 2. Elijah cu Pathian mi, a thuthluntu a si, cule harsat cân khalah a tul mi Pathian in a pe. Elijah vekin pumhlumin Pathian kan rinsan ding ih timlamawtu kan si le pakhat cio kan nun ah Pathian in thlawsuah in pe thei a si.

	C9 – LEVEL 3 Lesson 3 – Elijah Thupi – Baal profetpawl singkhawnak	C9 – LEVEL 4 Zirnak 3 – Elijah Thupi – Pathian-ih huham
	Bible Thu hlawm: 1 <i>Siang 18: 1-2, 16-46</i> Cânghril: 1 <i>Siang 18: 39</i> Kan zir thei mi thu hnih: 1. Pathian cu a dik mi Pathian a si tiah Elijah in Karmel tlang parah a langter. 2. Pathian dik, kan thlacamnak in sangtu pakhat amah lawng a um. Pathian cun kan Rundamtu dingah a Fapa Bawipa Jesu Khrih in pe.	Bible Thu hlawm: 1 <i>Siang 18: 1-46</i> Cânghril: <i>James 5: 17 & 18</i> Kan zir thei mi thu hnih: 1. Pathian cu a dik mi Pathian a si tiah Elijah in Karmel tlang parah a langter. 2. Pathian cun a hrang rinum le thulungih a nungtupawlih thlacamnak a theihsak.
THEIHTER AW	Pathian in Elijah cu Siangpahrang Ahab hmaih va langaw dingah Pathian in a sim. Ni khat cu Elijah in Siangpahrang Ahab-ih kut hnuai pa Obadiah a tawngngah, cule Siangpahrang Ahab thawn tawnkhawmawknak timlam dingin a dil. Pathian dik zo a si ti langter dingah Karmel tlang ih tawngaw dingin Elijah cun Ahab a sawm. Siangpahrang Ahab le a nupi Jezebel in an huat ih lakah Elijah cun hi tawnkhawmawknak ah a ral̄hatnak a langter.	Elijah san laiah mipi hnenah Pathian-ih Kamsuakthu dik lo zetih phuangu profet tampi an um. Annihpawl cu profet dik pawl ih thuphuan mi kalh zawngin an phuang. Annih cun sualnak lamzin ih nung mipi sualnak khuh zawng le an ngai duh zawng 'thucah' lawng an phuang. Profet dik, Elijah cun Pathian-ih thudik a phuang.
ZIRH AW	Bible Thuanthu sim aw Relpi awla, simfiang hai aw: 1. Karmel tlang ah miburpi an tawnkhawmawknak tikah Elijah cun ruahnak phun hnih larlakah ziangtik tiang so nan vaivuan ding? Jehovah cu Pathian a si ahcun amah thlun uh, asinan Baal a si sawn le amah thlun uh tiah a ti hai. (18: 20) 2. Zanriah ei awla, ruah a ra thlen hlanah Jezreel ah kirsal dingin Elijah in Ahab cu a sim, cule Karmel tlang na suahsan a t̄ul a si tiah a ti. Elijah cu Ahab-ih rang lêng hlanah a tlan, cule Ahab in Elijah a hua zet cingin ruah in a tawih mi cun Ahab hnenah a rimumnak a langter a si. (18: 45-46) 3. Caw pahni thawinak hrang hmang ding a si, pakhat cu Baal profet hrang, a dang pakhat cu Elijah hrangah a si, meisa hmangih kangrál mi deuh cu Pathian dik a si tinak a si. Sunvuten profet 450 cu an pathian hnenah cun an au, asinan a sannak zianghman a um lo. (18: 22-29) 4. Elijah cun lungto 12 thawn biaktheng a dâwl thasal, cule a parah thilhan a hlan. Cuimi cu tidai tiap neknekin a tawih. Cuisin meisa run thlah dingah Pathian hnenah thla a cam. Hmakhatteah meisa in a kangrál thluh, cule mipi cu Elijah-ih Pathian cu Pathian dik a si tiah a hnenah an hlanaw. Baal profetpawl hmuahhmuah cu an that thluh. (18: 30-41) 5. Kannih khal pathian dik lo biaknak ihsin kirsal ih, Pathian nung le dik rinsan ding kan si ti simfiang aw. Cânghril simfiang awla, zirsuak dingin tlawngtapawl thape hai aw – 1 <i>Siang 18: 39</i> Lesson 3 zir ding mi tuah thluh aw. Hmuh aw: FBI – Elijah le Baal profetpawl (I & P)	Bible Thuanthu sim aw Relpi awla, simfiang hai aw: 1. Pathian in Elijah cu Siangpahrang Ahab hmaih va langaw dingah Pathian in a sim. Cule Elijah in Siangpahrang Ahab-ih kut hnuai hotubik Obadiah a tawngngah. Obidiah cu zumtu rinum a si, cule Siangpahrang Ahab in a lo hawl rero tiah a va sim. Elijah in lo hmuh a duh tiah va sim dingin Elijah cun Obadiah a sim. (18: 3-15) 2. Elijah cun Ahab cu a tawng, cule a hnenah Pathian dân na thlun lo ih, milem biaknak sungah Israel-mipawl na hrui tiah a ti. Pathian dik zo a si ti hliakhlai dingah Elijah cun amah le Baal profet 450 thawn zuamawknak nei dingin a timtuah. (18: 18-19) 3. Caw pahni thawinak hrang hmang ding a si, pakhat cu Baal profet hrang, a dang pakhat cu Elijah hrangah a si, meisa hmangih kangrál mi deuh cu Pathian dik a si tinak a si. Sunvuten profet 850 cu an pathian hnenah cun an au, asinan a sannak zianghman a um lo. (18: 22-29) 4. Elijah cun lungto 12 thawn biaktheng a dâwl thasal, cule a parah thilhan a hlan. Cumi cu tidai tiap neknekin a tawih. Cuisin meisa run thlah dingah Pathian hnenah thla a cam. Hmakhatteah meisa in a kangrál thluh, cule mipi in Elijah-ih Pathian cu Pathian dik a si ti an thei ih, a hnenah an hlanaw. Baal profetpawl hmuahhmuah cu an that thluh. (18: 30-41) 5. Elijah cu ruah dilin thla a cam, cule ruahsur ding a lang lai hlanlo thla a cam. Elijah cun Ahab cu amai inn umnak Jezreel ah a rang thei bik ih tung dingah a sim, cule anih cu ruah sur hlanah rang lêng lanin a hmaiah a rak tlan. Baal profetpawl nehin Pathian mi cun mangbangza thil a tuah. 6. Kannih khal Pathian dik lo biaknak ihsin kirsal ih, Pathian nung le dik rinsan ding kan si ti simfiang aw. Cânghril simfiang awla, zirsuak dingin tlawngtapawl thape hai aw – James 5: 17 & 18 Lesson 3 zir ding mi tuah thluh aw. Hmuh aw: FBI – Elijah le Baal profetpawl (I & P)
ZOHSAL AW	Khaikhawmnak hrang zirlai mi tlawngtapawl sut pahin zohpisa aw: (i) Bawipa in ziang tuah dingin Elijah a sim (<i>câng 1</i>)? (ii) Obadiah in ziang a tuah, ziangruangah, ziang tikah Elijah a tawng? (iii) Pathian dik zo a si ti hmuak dingah Elijah in Ahab ziang ruahnak a pe? (iv) Elijah-ih thlacamnak Pathian in ziangtin a sang?	(i) Joshua 24: 15 siar aw, cule 1 Siang 18: 21 thawn khaikhin aw. Elijah le Joshua in Bawipaih hrang dingsuak dingah le Pathian dik lawng be dingah mipi ziangtin an sawm ti retltang uh. (ii) Isaiah 45: 21-22 siar aw, cule Pathian dik zo a si ti in simtu câng retltang uh.
NUNPI AW	Himi zirnak in kan zirsuak mi: 1. Elijah cun Pathian a rinsan, cule a hrang siangpahrang hmaih d̄in ding cu a t̄ih lo. Khristian kan si vekin mi dang in an ngam lo a si hmanah Pathian hrangah hmai kan nawr ding a si. 2. Harsat mangbang cân ah Pathian dik hnenah Elijah cun thla a cam, cule a thlacamank cu san a si. Kannih khal in a tidân kan thlun ve ding a si.	Himi zirnak in kan zirsuak mi: 1. Elijah san lai ih mipawl cun Pathian nung maw, milem sawn an thlun ding ti thutluknak tuah ding an si. Zo kan thlun ding ti thutluknak tuah ding kan si. 2. Pathian thu thlun dingah kan hril asile, ni tinten a Kamsualthu thlunih nun ding kan zuam ding a si.

	C9 – LEVEL 3 Lesson 4 – Elijah Thupi – Tìhnak ruangih buainak	C9 – LEVEL 4 Zirnak 4 – Elijah Thupi – Pathian-ih umpinak
	Bible Thu hlawm: 1 Siang 19: 1-18 Cânghril: 1 Siang 19: 10 Kan zir thei mi thuhnih: 1. Elijah in nehnak a co hnuah, a zumnak hniksak a si ih, harsatnak cân sungah a um. 2. Pathian kan rinsannak hmunram cu tìhnak le dawnharnak in hmun a coter kan siang ding a si lo, ziangatile a rawngbawlnak ih mi tângkai si dingah kan nun ih buainak hmuahhmuah neh thei dingah Pathian in in bawm thei a si.	Bible Thu hlawm: 1 Kings 19: 1-18 Cânghril: James 4: 8 Kan zir thei mi thu hnih: 1. Elijah in nehnak a co hnuah, a zumnak hniksak a si ih, harsatnak cân sungah a um. 2. Thinbang le thanau ih kan um lai cân ah Pathian cun in theithiamsak tuk, cule in bawm dingah a hnenah bawmnak kan dil ding a si.
THEIHTER AW	Hmaisa zir zo mi ah khan Elijah in kum 3 sung mangtām a thawk le a cemnak thu a rak phuanglang cia, nuhmei fapa thihnak in nungter dingah Pathian hman mi a si, cule Baal puithiampawl neh an si ding ti Pathian in a rak hmuhsak cia. Hi thilpawl hmuahhmuah a hlawhtling cing khalin Jezebel in thah tumih a hro tikah thinphang le tìhin a um, ziangatile Baal profetpawl that dingin thilpek a rak suah ruangah a si.	Jezebel cu a profetpawl an thihnak ruangah a thin a heng tuk. A profetpawl rak thattu Elijah cu a hrangah hling vek a si, ziangatile anih cun harsatnak le mangbangnak thu ra thlang ding a phuan ringring theu ruangah a si. Jezebel cu supaw thei nawn loin Elijah thah a duh thlang, cule Elijah cu a nunnak hrangah hmun dangah a tlan. Elijah a nun sung hmuah cu thatlonak tuah a duh mi tuahsuak thei loin a um.
ZIRH AW	Bible Thuanthu sim aw Relpi awla, simfiang hai aw: 1. Elijah cu Jezebel tìhin Beersheba ramthing lamah a tlan, cule juniper thing hnuaiah a to ih thih a duh sawn. (19: 1-5) 2. Pathian in Elijah hrangah rawl, in ding le cawlhnak a pe, cule Beersheba in Sinai Tlang lungkua tiang ni 40 sung khual a tlawng. (Horeb). (19: 5-9) 3. Pathian in kha tawkah ziang na tuah tiah a sut. Israel tefapawl milem biaknak sungih an tluk thluh laiah Elijah cun amah lawng hi Bawipai profet dik tang umsün a si tiah a ti-aw. Zanvar a umnak hmun lungkua sungin a lengih suak dingah Elijah cu sim a si. (19: 9-11) 4. Pathian in tlang cu thli, meisa le linghnin thawn a hnenah a feh. Meisa a cem hnuah Elijah cun Bawipa a hnenih a phuanlangawknak aw nemte a thei. (19: 11-14) 5. Mi pathum hriak a thihnak ding hmun Damaskas ramthing lamih kirsal dingah Bawipa in a sim. Tìh cing cun Bawipa in Elijah cu thil thupi zet tuah ding mi a pe. Hriak a thih ding mipawl cu; (i) Siria tlunih singpahrang dingah Hazael; (ii) Israel tlunih siangpahrang dingah Jehu le (iii) amah aiawhtu dingah Elisha. (19: 15-18) Cânghril simfiang awla, zirsuak dingin tlawngtapawl thape hai aw – 1 Siang 19: 10 Lesson 4 zir ding mi tuah thluh aw. Hmuh aw: FBI – Elijah cu Horeb ah a tlan (P)	Bible Thuanthu sim aw Relpi awla, simfiang hai aw: 1. Thlarau lamah nehnak nasa tak a co hnuah, Elijah cu thinbang le thanau in a um. Elijah cu Jezebel tìhin Beersheba ramthing lamah a tlan. (19: 1-5) 2. Pathian in Elijah hrangah rawl, in ding le cawlhnak a pe, cule amah lawng Pathian dik profet tangsün a si tiah a ruahawk hnuah Beersheba in Sinai Tlang (Horeb) lungkua tiang ni 40 sung khual a tlawng. Ram pum in sual thatlonak sungih an pilhloh laiah, rinumtei um, a tangsünpawl a ngilh thluh. Baal hmaih kun dah hrih lo mi 7000 Israel ram sungah an um lai. (19: 5-9 le 18) 3. Zanvar a umnak hmun lungkua sungin a lengih suak dingah Elijah cu sim a si. (19: 9-11) 4. Pathian cun thli, meisa le linghnin thawn a umnak tlang ah a feh. Meisa a cem hnuah Elijah cun Bawipa a hnenih a phuanlangawknak aw nemte a thei. (19: 11-14) 5. Mi pathum hriak a thihnak ding hmun Damaskas ramthing lamih kirsal dingah Bawipa in a sim. Tìh cing cun Bawipa in Elijah cu thil thupi zet tuah ding mi a pe. Hriak thih ding a neih mipawl cu; (i) Siria tlunih singpahrang dingah Hazael; (ii) Israel tlunih siangpahrang dingah Jehu le (iii) amah aiawhtu dingah Elisha. (19: 15-18) Cânghril simfiang awla, zirsuak dingin tlawngtapawl thape hai aw – James 4: 8 Lesson 4 zir ding mi tuah thluh aw. Hmuh aw: FBI – Elijah cu Horeb ah a tlan (P)
ZOHSAL AW	Khaikhawmnak hrang zirlai mi tlawngtapawl sut phahin zohpisal aw: (i) Jezebel-ih a hronak kha ziang a si? (ii) Sinai Tlang parah Elijah-ih tawnteh mi simfiang aw; (iii) Hna thupi zet Pathian in Elijah a pek mi kha ziang a si?	(i) Isaiah 40: 29-31 siar aw, cule hi mi zirnak a thawkin a cem tiangah hi Bible cângpawl hin Elijah-ih tawnteh mi ziangti vekin a simfiang ti mi reltlang uh. (ii) Hebru 13: 5-6 siar aw, cule thanau le beidawng ih um sawn loin, a tulsam mi ziangkim ah Elijah in Pathian rinsan sawn ding a si ti reltlang uh.
NUNPI AW	Himi zirnak in kan zirsuah mi: 1. Bawipa Jesu Khrih zumtu na si ahcun nangmah lawngte na si lo, ziangatile na kiangnai teah Bawipa a um ringring a si. Sam 56: 3. 2. Cahlonak le sunnak tawng cing khalin Bawipa in a hrang siahlhawl tângkai zet ah a lo tuah thei.	Himi zirnak in kan zirsuah mi: 1. Thanau ih kan um tinten Bawipa in in umpi ringring a si ti amah neitu kan si ahcun kan ngilh ding a si lo. 2. Bible hmangin 'ringpi' si loin, 'dimtei thuruah' vek sawn in Pathian in kan hnenah thu in sim theu a si, himi Zirnak cun 'nemtei thuruah' ti mi in khiihmuh a duh.

	C10 – LEVEL 3 Lesson 1 – Elisha Thupi – Profet Elijah in Elisha a tawng	C10 – LEVEL 4 Zirnak 1 – Elisha Thupi – Elisha le Elijah
	Bible Thu hlawm: 1 Siang 19:19-21; 2 Siang 2: 1-15 Canghril: 1 Siang 19: 21 Kan zir thei mi thu hnih: 1. Elijah ih hnatuan mi cu a famkim thluh, tu cun Elisha hnenah va feh in tuavno pe sawng ding a si. 2. Elisha cun Pathian a riannak ah Elijah ih co mi 'let hnih' co ve a duh, kannih khal lamzin kip in Jesu Khrih nun cawng ve tu ding kan si.	Bible Thu hlawm: 1 Siang 19: 19-21; 2 Siang 2: 1-22 Canghril: 2 Siang 2: 14 Kan zir thei mi thu hnih: 1. Elijah-ih hnatuan mi cu a famkim thluh, tu cun Elisha hnenah va feh in tuavno pe sawng ding a si. 2. Elisha cun Pathian a riannak ah Elijah ih co mi 'let hnih' co ve a duh, kannih khal lamzin kipin Jesu Khrih nun cawng ve tu ding kan si.
THEIHTER AW	C9 Lesson 4 le Pathian in Elijah a zirhnak thu kha tlawngtapawl mangtersal aw. Elijah hrangah cun hi leitlun ih Pathian hna a tuannak a theh thlang, Elisha in a sawng thlang ding. Cān rei lo te sung cu hmunkhat teah an tuantlang ding, asinan van ih Elijah laksoh cu Pathian tumtah mi a si.	C9 Lesson 4 le Pathian in Elijah a zirhnak thu kha tlawngtapawl mangtersal aw. Elijah hrangah cun hi leitlun ih Pathian hna a tuannak a theh thlang, Elisha in a sawng thlang ding. Cān rei lo te sung cu hmunkhat teah an tuantlang ding, asinan van ih Elijah laksoh cu Pathian tumtah mi a si. Elijah le Elisha rawngbawlnak hi bangawknak tam zet an nei. Sikhalsehla, Elisha cun thilmak tampi tuah cingin, an sualnak le thatlonak sungih hloral cuahco mi Israel-mipawl Pathian hnenih kirsal dingah a sawm hai.
ZIRH AW	Bible Thuanthu sim aw Relpi awla, simfiang hai aw: 1. Elijah cun a hnenih sim mi vekin a tuah, a dung thlun dingah Elisha a ko, cule kum tampi amah bawmtu ah a cang. (19: 19-21) 2. Cuisi cun Elijah van ih laksoh cān a thleng. Laksoh a si hlanah Elijah cun hmun pali a tlawng ta; Gilgal, Bethel, Jeriko le Jordan, cule hi hmun a fehnak kip ah Elisha cun rinumten a bawm. (2 Siang 2: 1-7) 3. Cuisin Jordan Tiva an va thleng. Elijah cun a kawrcung thawn Jordan Tiva a vuak tikah tidai cu a thenaw ih, lei ro parin Jordan an tan. Elisha cun Elijah-ih 'thlarau a letin' co dingin a dil, cumi cun amai aiawhtu a si ti a langter. (2 Siang 2: 8-10) 4. Cuti an feh rero laiah meisa rang lêng cun an pahnih cu a thek hai, cutin Elijah cu phusing hmangin a kaiso. (2 Siang 2: 11-13) 5. Elisha cu riahsia zetin Jordan Tiva ah cun a kirsal, cule Elijah-ih kawrcung tân mi cun tiva cu a vuak ih a thenaw. Tidai cu a thenawsal ih, lei ro ah tiva cu a tankai. Jordan a tankai lai profet fapapawl in an hmuh tikah Elisha cu Elijah-ih aiawhtu diktak a si ti an theithiam. (2 Siang 2: 13-15) Canghril simfiang awla, zirsuak dingin tlawngtapawl thape hai aw – 1 Siang 19: 21 Lesson 1 zir ding mi tuah thluh aw. Hmuh aw: FBI – Elijah le mei rang lêng (I)	Bible Thuanthu sim aw Relpi awla, simfiang hai aw: 1. Elijah cu a rei hlanah van ah laksoh a si thlang a si, cule Elisha-ih liang parih a kawrcung a retnak hmangin a thiltitheinak a pe sawng. Kha lai san ih kawrcung neitu cun thupitnak a nei. Elisha cun a caw a that, cumi cun sumpai hawl ih a hnatuannak lamah a kirsal nawn lo ding ti a langter, cule a nu le pa hnenah thlahnak a tuah mi khal a si. (19: 19-21) 2. Cuisi cun Elijah van ih laksoh cān a thleng. Laksoh a si hlanah Elijah cun hmun pali a tlawng ta; Gilgal, Bethel, Jeriko le Jordan, cule hi hmun a fehnak kipah Elisha cun rinumten a bawm. Elijah cun a kawrcung thawn Jordan Tiva a vuak tikah tidai cu a thenaw ih, lei ro ah Jordan a tan. Hi hmun cu Elisha in Pathian in a pek mi, Elijah-ih 'thlarau a letin' a dilnak a si. Cutin Elijah cu phusing hmangin a kaiso. (2 Siang 2: 1-12) 3. Elisha cu riahsia zetin Jordan Tiva ah cun a kirsal, cule Elijah-ih kawrcung tân mi cun tiva cu a vuak ih a thenaw. Tidai cu a thenawsal ih, lei ro ah tiva cu a tankai. Jordan a tankai lai Bethel ih profet fapapawl in an hmuh tikah, Elisha cu Elijah-ih aiawhtu diktak a si ti an theithiam. (2 Siang 2: 13-15) Canghril simfiang awla, zirsuak dingin tlawngtapawl thape hai aw – 2 Siang 2:14 Lesson 1 zir ding mi tuah thluh aw. Hmuh aw: FBI – Elijah le mei rang lêng (I)
ZOHSAL AW	Khaikhawmnak hrang zirlai mi tlawngtapawl sut phahin zohpisa aw: (i) Van ih laksoh a si hlan Elijah a fehnak hmun pali pawl ziang an si? (ii) Cāng 2, 4 & 6 pawl in Elisha-ih zumnak in sim mi ziang pawl an si? (iii) Elijah in Elisha thu a suh mi ziang a si, a sannak teh ziang a si? (iv) Van ah Elijah ziangtin laksoh a si?	Mathai 6: 24 siar aw – Pathian lawng hi kan nunnak ih Bawi si dingah a tling a si. Hi thu Elisha ih nun ah a takin a thleng a si ti relltang uh. Rom 12: 1-2 siar aw – Pathian cun kammah rori a nung mi thawiawknak ih hlanaw dingah in ngen a si, cule khawvel nundān ihsin a hnenih kirsal dingah a duh. Hi thu Elisha in ziangtin a nun ah a langter ti relltang uh.
NUNPI AW	Himi zirnak in kan zirsuak mi: 1. Elijah-ih nunnak in thlarau lam ciahnehnak nasa zet Elisha parah a um. Thlarau lamih an nun ciahnehtu, thimnak... nu le pa, zirhtupawl..tvp. 2. Pathian duhnak kan thlun ih, kan rinsan a si ahcun mi dang nun ciahnehtu tha ah Pathian in in hmang thei a si.	Himi zirnak in kan zirsuak mi: 1. Thlarau a letih co dingah Elisha-ih dilnak cu Pathian in a pe, zianghtile a thinlung put a thianghlum, cule Pathian hrang tamsin peksuah a duh. Khristianpawl cun an nunnak ah Pathian hrang thil ropi tuah dingin an dil ding a si. 2. Elisha cun Elijah cu a hei naih, cumi cun thlarau lam tungdingtu ropi a sinak a theihfiang ruangah a si. Thlarau lamih an nun tungdungtu zo a si ti ruat dingin tlawngtapawl sut hai aw.

C10 – LEVEL 3 Lesson 2 – Elisha Thupi – Profet Elisha in nunau pahnih a bawm		C10 – LEVEL 4 Zirnak 2 – Elisha Thupi – Elisha le Nuhmei harsa	
	Bible Thu hlawm: 2 Siang 4: 1-37 Canghril: Efesa 3: 20 Kan zir thei mi thu hnih: 1. Elisha-ih rawngbawlnak cu mi dang va bawm hi a si. Himi zirnak sungah mifarah le milian a bawm a tel. 2. Pathian in kan nunnak a hrang pe dingah in duh, cutin amah kan rian tikah a huham kanmah fehtlangin a cangvai thei ding a si.		Bible Thu hlawm: 2 Siang 4: 1-44 Canghril: 2 Siang 4: 33 Kan zir thei mi thu hnih: 1. Pathian in Elisha cu mangbangzain a hmang. Mangbangza tuahsuak dingah Elisha cun Pathian a rinsan. 2. Elisha in a lăngter vekin mi dang ngaisaknak le duhsaknak taktak kan langter ve ding a si.
THEIHTER AW	Elisha in Elijah-ih hna a sawng ti tlawngtapawl mangtersal aw. Elijah le Elisha cun an kiangkap mipawl t̃ul mi an tuahsak. Elijah cun a cān tamsawn cu sual t̃hatlonak le milem biaknak sungih um mipawl pholangnak in a cān tamsawn a hmang, Elisha cu a kiangkap mipawl ngaihsak le lainatnak langterin a cān a hmang tam, cumi cu hi zirnak hin a langter.		Elijah cun sual t̃hatlonak le milem biaknak sungih um mipawl pholangnak in a cān tamsawn a hman vek si loin, Elisha cun a kiangkap mipawl ngaihsak le lainatnak langterin a cān a hmang tam. Himi zirnak ah Elisha hmangin Pathian in thilmak pali a tuah mi thuhla a si: (i) nuhmei harsa zet nu hnenih sumpai a phuhruksaknak; (ii) nauhak pa thihnak in a nunternak; (iii) thih thei nak rawl a thianfaisaknak le (iv) mi 100 hrang rawl a peknak.
ZIRH AW	Bible Thuanthu sim aw Relpi awla, simfiang hai aw: 1. Elisha, Pathian ngaihsak zet pakhat cun siti tam zet puncter ih an t̃ulsam mi silhkahnak in profet pakhat cun nuhmei harsa a bawm. An leiba an pek thei lo asile sal ih hruai mai ding an si laiah, a fapa pahnih hrang le an leiba tiang an pe thluh thei a si. (2 Siang 4: 1-7) 2. Elisha cun milian nunau pakhat, a cēnnak ding pindan timlamsak ih, t̃ha zetih rak zohtu a bawm. Elisha cun nuhmeinui lainatnak t̃lunah a hnenah thil ziang simaw tuahsakkir a duh. Fa an nei lo, cule fāte na nei thlang ding tiah a sim. A pekte ah cun a zum lo nān, a tikcu a kim tikah fapa a hrang. (2 Siang 4: 8-17) 3. Kum a rei hnuah nauhak pa cu a na ih a thi. Elisha hawl dingah a nu cu Karmel Tlang lamah a feh, cule na hnenah fapa ka lo pe ding t̃ih bumawk cu ka duh lo, tuah a thi fawn si tiah a ti. (2 Siang 4: 18-28) 4. Elisha cun Gehezi cu nauhak pa a nunsal thei nak dingah a hei thlah cingin, a nunter thei lo ruangah Elisha, amah rori a va feh a t̃ul. Elisha cun a thaw a thawlut ih nauhak pa cu a nungsal. Nauhak pa thihnak in a nuntersalnak in Elisha hmangin Pathian in a nu cu thlawsuah a pe. (2 Siang 4: 31-37) 5. Hi thilmak pahnih cun Pathian thaw cun thil cang thei lo a um lo ti in mangter. (Luke 1: 37 zoh aw) Canghril simfiang awla, zirsuak dingin tlawngtapawl thape hai aw – Efesa 3:20 Lesson 2 zir ding mi tuah thluh aw. Hmuh aw: FBI – Elisha – nauhak pa thihnak in a nungsal (I)		Bible Thuanthu sim aw Relpi awla, simfiang hai aw: 1. Nuhnei nu cun leiba a nei, cule a leiba aiah a fapa pahnih sal ih hruaisak ding a t̃ih tuk. Elihsa in a sim vek cun a innhnenpawl hnen ihsin bungbel lawng mi a va sang. Anih cun bungbel pakhat hnu pakhat ah siti a khat in bungbel a san mi zatin a than hai vivo. Cule an zuar ih an leiba cu an sam thluh. (2 Siang 4: 1-7) 2. Elisha cun milian nunau pakhat, a cēnnak ding pindan timlamsak in, t̃ha zetih rak zohtu a bawm. Elisha cun nuhmeinui lainatnak t̃lunah a hnenah thil ziang simaw tuahsakkir a duh. Fa an nei lo, cule fāte na nei thlang ding tiah sim hai. (2 Siang 4: 8-17) 3. Kum a rei hnuah nauhak pa cu a na ih a thi. Elisha va hawl dingah a nu cu Karmel Tlang lamah a feh, cule a hnenah fapa ka lo pe ding tiah bumawk cu ka duh lo, tuah le a thi fawn si tiah a ti. (2 Siang 4: 18-28) 4. Elisha cun a thaw a thawlut ih nauhak pa cu a nungsal. Nauhak pa thihnak in a nuntersalnak in Elisha hmangin Pathian in a nu cu thlawsuah a pe. (2 Siang 4: 31-37) 5. Culaiah mangt̃am nasa zet cui ram sungah a thleng, cule Elisha-ih profet pakhat cun ramlak um thih thei nak pawm khat a t̃awtkhawm. Elisha cun bel sungah sangphut a thlak, cutin ei theih ah a tuah, cule zianghman mi tina thei a um nawn lo. (2 Siang 4: 38-41) 6. A netnakah, Elisha cun sang hlawm malte in pacang 100 tluk rawl a cawm, an khawp tawk an ei hnuah a hlei a um lai. 7. Hi thilmak pali cun Pathian thaw cun thil cang thei lo a um lo ti in mangter. (Luke 1: 37 zoh aw) Canghril simfiang awla, zirsuak dingin tlawngtapawl thape hai aw – 2 Siang 4: 33 Lesson 2 zir ding mi tuah thluh aw. Hmuh aw: FBI – Elisha – nauhakpa thihnak in a nungsal (I)
ZOHSAL AW	Khaikhawmnak hrang zirlai mi tlawngtapawl sut phahin zohpial aw: 1) Pathian in a hnenih a pek mi huham Elisha in ziangtin a hmang? 2) Tuini ah teh Pathian in thilmak a tuah lai maw ti ruattlang uh.		(i) Efesa 3: 20-21 siar aw. Ziangtin hi thangt̃hatnak thlacam hla hi himi zirnak ih thilmak pali pawl ah a thleng dik ti retlang uh. (ii) Filipi 4: 13 siar aw. Hi zirnak thilmak pali sungih tarlan mi minungpawl t̃ulsam mi Elisha hmangin Pathian in ziangtin a pe hai ti relang uh.
NUNPI AW	Himi zirnak in kan zirsuah mi: 1. Mi dang hnenah lainatnak le ngaisaknak kan langter hi a thupi tuk a si ti hi thilmakpawl cun kan hnenah a langter. Khristian in ziangtin mi dang a bawm ve thei ding? 2. Khristian na si ahcun rinumtei Pathian rian thei dingah na nunnak hmangin a huham langter dingin Pathian na dil maw?		Himi zirnak in kan zirsuah mi: 1. Shunem nuhmeinu cu Elisha t̃lunah a t̃ha tuk, zianghtile a t̃ulsam mi a tuahsak ruangah a si. Mi dang t̃ulsam mi ziang tlukin kan theihak ve? 2. Elisha ih tuah mi kan tuah ve in, mi dang hrang ruat ih kan tuah ve tikah Pathian in lawmman in pekirsal ringring a si.

	C10 – LEVEL 3 Lesson 3 – Elisha Thupi – The Profet Elisha in Ralbawipa a bawm	C10 – LEVEL 4 Zirnak 3 – Elisha Thupi – Elisha le Ralbawipi
	Bible Thu hlawm: 2 Siang 5: 1-16 Canghril: 2 Siang 5: 15 Kan zir thei mi thu hnih: 1. Elisha-ih rawngbawlnak cu phar nat nei pakhat damternak in a peh vivo. 2. Phar nat cu sual hmuhsaknak a si. Pathian thawn in thenhrang ih, a hmuhsak ah mi thianghlim lo kan si. Jesu Khrih cu kan sualnak hrang rang a phi umsün a si.	Bible Thu hlawm: 2 Siang 5: 1-27 Canghril: 2 Siang 5: 15 Kan zir thei mi thu hnih: 1. Elisha-ih rawngbawlnak cu phar nat nei pakhat damternak in a peh vivo. 2. Phar nat cu sual hmuhsaknak a si. Pathian thawn in thenhrang ih, a mithmuh ah mi thianghlim lo kan si. Jesu Khrih cu kan sualnak hrang a sannak dik umsün a si.
THEIHTER AW	Pathian in Elisha cu dinhmun dangdangah ziangti vekin Pathian in a hmang ti tlawngtapawl mangtersal aw. Himi zirnak ah, Elisha ih thilmak tuah mi – Siria ralbawipa thupetu Namaan ti mi lan ih hnatuannak huham. Tuisun ah mitampi in an zum ih pek ding mi diremnak famkim a nun ah a nei. Anih cu miraltha, thiltithele le ziaza tha mi a si nan, phar nat a nei! Cumi cun a siatsuah thluh a si!	Himi zirnak ah phar nat nei Syria ralbawipa thupetu Namaan, thiannak ah Elisha hmangin mangbangzain Pathian in ziangtin hna a tuan ti mi kan zirpeh ding. Cuisin Pathian hnenih rinumnak langtertu sal nu, khawvel mithmuh ih thupitnak nei lo cu Namaan-ih thiannak hrang bawm ding ih hruaitu ah Pathian in ziangtin a hmang ti mi kan zir fawn ding.
ZIRH AW	Bible Thuanthu sim aw Relpi awla, simfiang hai aw: 1. Naaman-ih nupi cun Israel ram rak hruai mi, hnenum pakhat a nei, anih cun Pathian dik zumnak a nei. Elisha in Namaan-ih phar nat a damter thei tiah a bawinu cu ruahnak a pe. (2 Siang 5: 1-3) 2. An sal nu ih ruahnak pek mi a cohlan hlanah Naaman cun thil a rak ti sual. Anih cun a pan lo ding mi milem bia Siangpahrang Jehoram hnenah a feh, a damnak ding hrangah tiin sui, ngun le hnipuan pawl a keng sual, cule “Ka ruahnak ah cun” tiin ruahnak dik lo thawn a feh hrih lai...!” (2 Siang 5: 4-11) 3. Naaman cun Elisha-ih ruahnak pek mi Jordan Tiva ih vei sarih hnimawk ding a cohlang duh lo. Asinan hngalnak thinlung nei cing cun ti sungah cun a hnimaw, cule a phar nat a thiang verver thluh. (2 Siang 5: 12-14) 4. A damngah hnuah cun “Ka thei thlang” tiah a ti. Elisha hmangih Pathian-ih Kamsuakthu a lung ti a theihawknak cun mi thar a can phahnak a si! (2 Siang 5: 15) Canghril simfiang awla, zirsuak dingin tlawngtapawl thape hai aw – 2 Siang 5: 15 Lesson 3 zir ding mi tuah thluh aw. Hmuh aw: FBI – Naaman - Phar nat nei ralbawipa (I)	Bible Thuanthu sim aw Relpi awla, simfiang hai aw: 1. Siria cun Israel le Israel-mipawl a do thutthi ih a neh hnuah, sal ah a hruai hai, thimnak... Naaman-ih nupi cun hnenum pakhat a nei, anih cun Pathian dik zumnak a nei. Elisha in Namaan-ih phar nat a damter thei tiah a bawinu cu ruahnak a pe. (2 Siang 5: 1-3) 2. Siria Siangpahrang cun Naaman damnak ding hrang Israel siangpahrang, Jehoram hnenah dilnak a tuah, asinan anih cu a thin a heng tuk ih, Israel in Siria ra do a tum a si hi tiah a ruat. (2 Siang 5: 7) 3. Elisha cun Naaman-ih harsatnak a theithiamsak, cule a thiannak dingah Jordan Tiva sungah vei sarih hnimaw ding a hnenah thu a hei thlah. Mi menmen vekih Elijah in a pehtlaihnaak ruangah nasa zetina thin a heng – lai vekin pehtlaihnaak a beisei! 4. A netnakah, Naaman cu Elisha ih sim mi vekih thlun dingah a siahlawhpawl cun an lemneh, cule a thiang ngah! Namaan cu lungawinak thawn a khat thlang, Elisha hnenah lungawi thu a sim, cule tucun Pathian dik ka theingah thlang tiah a relsuak tariai. (2 Siang 5: 8-15) 3. Vansiat le malmak ah, Elisha in Namaan ih pek mi laksawng a rak hnawn zo mi cu Namaan dil tahratin ngahsal thluh thei nak can remcang a hmungah. Himi rahsuah cu Pathian-ih thuthennak a si, cule Gehazi cu a phar. (2 Siang 5: 20-27) Canghril simfiang awla, zirsuak dingin tlawngtapawl thape hai aw – 2 Siang 5: 15 Lesson 3 zir ding mi tuah thluh aw. Hmuh aw: FBI – Naaman - Phar nat nei ralbawipa (I)
ZOHSAL AW	(i) Naaman cun a nun danglam dingah zianghman ti thei mi a nei lo ti mi a zirngah tengteng ding a si. Bawipa Jesu lawng in kan nun in thleng danglam thei ti kan zirngah tengteng ding a si - (2 Korin 5: 1) (ii) Naaman cu milem pathian tampi umnak hmunram ih si ra mi a si; Anih cun Pathian dik pakhat lawng a um ti a zirngah tengteng ding a si. (2 Siang 5: 15)	(i) 2 Korin 5: 17 siar aw. Namaan a thian hnuh a nun ih danglamnak le kan hnen khali thleng danglamnak Pathian in a tuah thei mi hi bung câng in ziangti vekin a khaikhawm ti mi reltlang uh. (ii) Mipum siarnak 32: 23 le Galatia 6: 7 siar aw. Gehazi i tuah mi ziang vekin hi bung câng pahni in a khaikhawm ti reltlang uh.
NUNPI AW	Himi zirnak in kan zirsuah mi: 1. Milem biaknak sakhua karlakah sal nu cun Pathian hrang tleunak a langsukter a si. Khristian cun a ti thei tawkten a zumnak langter in, phuanglang dingin a timlamaw ding a si. 2. Naaman cun a thiang zo, milem biaknak a tlansan ih, Pathian dik riantu a si zo ti a theiaw. Thil ti hmangin a nun danglamnak a langter a si. Khristianpawl cun an sung lam nun danglam mi cu thil ti hmang in an langsukter ding a si.	Himi zirnak in kan zirsuah mi: 1. Sal nuh thuhla kan thei tam lo zet, asinan Pathian in tumtah mi nein Namaan-ih innsang ah a umter, cule anih cu a rinum a si. Mi dang hnenah a Kamsuakthu karhzainak dingah Pathian in a hmang. 2. Namaan cun Elisha hnenin Pathian-ih Kamsuakthu thlun ding a harsat zet, asinan a tuah taktak tikah a nunnak a thleng danglam thluh a si.

	C10 – LEVEL 3 Lesson 4 – Elisha Thupi – Profet Elisha-ih nehnak thutiam	C10 – LEVEL 4 Zirnak 4 – Elisha Thupi – Elisha le Siria ralkappawl
	Bible Thu hlawm: 2 Siang 6: 24-25, 7: 1-20 Canghril: 2 Siang 7: 2 Kan zir thei mi thu hnih: 1. Siangpahrang Aram in Samaria khawpi a kulh. Khawpi sungah rawl lei ding a cem cuahco thlang, mipi cu anhai zetin an um. 2. Elisha cun mipi hnenah Pathian in nehnak a pe hai ding tiah a sim hai.	BibleThuhlawm: 2 Siang 6: 24-25; 2 Siang 7: 1-20 Canghril: 1 Korin 15: 57 Kan zir thei mi thu hnih: 1. Siangpahrang Aram in Samaria khawpi a kulh. Khawpi sungah rawl lei ding a cem cuahco thlang, mipi cu anhai zetin an um. 2. Elisha cun mipipawl hnenah Pathian in nehnak a pe hai ding tiah a sim hai.
THEIHTER AW	Siria Siangpahrang (Aram) cun Israel lak thluh a tum. A ralkappawl cun Samaria khawpi an kulh thluh hai, curuangah rawl ei ding a cem vivo ih, thil man a khung deuhdeuh. Hi vek cân ah Bawipa lawngin in bawm thei ti Israel siangpahrang cun a thei. Mipi cu an ril arawn tuk ruangah anmai mi le sa a ei. Tuah ding mi thil zianghman a tuah duh lo ruangah siangpahrang an hmawthluk nasa. Siangpahrang cun Elisha a mawthluk ih, that dingin a hawl, Asinan Elisha cun Pathian hnenin thuchah sim hai ding a nei. (2 Siang 6: 32-33, le 7: 1-3)	Siria ralkappawl cun Israel an va do ih, an khawpi Samaria an kulh thluh, curuangah ei ding nei lo mangbangin an um. Israel cun Pathian kaihhruainak pumhlum in a êl, Dân peksalnak 28: 49-57, curuangah mangtam a ra thlen ding thu a rak sim cia. Mangtam a thlen ruangah Israel siangpahrang cun Elisha a mawthluk, a sân cu Israel siangpahrangpawl ih thil tha lo tuah mi ruangah harsatnak a thleng ding tiah profetpawl in an rak phuang. Cun siangpahrang cun Elisha cu 'Pathian mi' a si ti khal a thei, cule thilmak tuahsak ding khal a duh, asinan Israel runsuak dingin Elisha a rat lo ruangah a thin a heng.
ZIRH AW	Bible Thuanthu sim aw Relpi awla, simfiang hai aw: 1. Thaizing ah barli sangvut man awltein zuar a si ding tiah siangpahrang cu thu a theihter, asinan Elisha-ih tawngkam a zum lo ruangah siangpahrang ih a kut a hngauhsan mi pa cun mit in a hmu ding nân, a ei ve lo ding tiah a ti. (2 Siang 7: 1-3) 2. Kăwtsuah ih miphar pali cun Siria-mipawl ih tănhamun khuarnak hmun ah va fehin ei ding va hawl uh tiah an ti, asinan cui hmun ah zohman an um lo. Bawipa in Siria-mipawl cu rang lêngpawl le rangpawl le ralkap tam zet thawn a theihter hai, curuangah an tih tuk ih an tlan thluh. (2 Siang: 3-7) 3. Miphar pali cu tlam sungah an lut ih, an ei ih an in, cun cumi ihsin sui le hnipuan an phur ih an thup, cule cui thuthang tha cu siangpahrang hnenah an va sim. (2 Siang 7: 8-11) 4. Siangpahrang cun Siria-mipawl an tlanhlo thluh ngaingai maw ti le an thilripawl an tan thluh maw ti va zohthup dingah rangpawl le rang lêng pahnih thlah hai dingin a lungkim. (2 Siang 7: 12-15) 5. Mangtam cu a cem thlang, Elisha ih rak phuansung mi cu a thlengkim thluh. Tu-ah barli sangvut cu man awltein zuar a si, cule siangpahrangih bawi pakhat a zum lo tu cu kăwtka ah mipi in an palthat. (2 Siang 7: 16-20) Canghril simfiang awla, zirsuak dingin tlawngtapawl thape hai aw – 2 Siang 7:2 Lesson 4 zir ding mi tuah thluh aw. Hmuh aw: FBI – Elisha le Samaria ralpawl kulhnak (I)	Bible Thuanthu sim aw Relpi awla, simfiang hai aw: 1. Elisha cun Pathian-ih runsuahnak ding siangpahrang hnenah a sim, asinan siangpahrang ih rinsan mi ralbawi cun a cang thei lo ding a tiah a ti. (2 Siang 7: 1-3) 2. Dăn cun phar nat neipawl khawpi sung luh a sen lo, cuhnakin khawpi lengah an umter ih rawl an pe theu. Sikhalsehla, an dinhmun a that lo tuk ruangah Siria-mipawl ih tănhamun khuarnak hmun ah va feh ih ei ding va hawl dingin an feh. Bawipa in Siria-mipawl cu rang lêngpawl le rangpawl le ralkap tam zet thawn a theihter hai, curuangah an tih tuk ih an tlan thluh. (2 Siang 7: 3-7) 3. Mipharpawl cun an va hmuh mi 'thuthang tha' cu topi men in, khawpi sungih an miphun tihah le rilrawng ih um mipawl an mang nawn lo. Sikhalsehla, siangpahrang hnenih thuhla theihter a tul ti an theisuak. (2 Siang 7: 8-11) 4. Siangpahrang cun Siria-mipawl an tlanhlo thluh ngaingai maw ti le an thilripawl an tan thluh maw ti va zohthup dingah rangpawl le rang lêng pahnih thlah hai dingin a lungkim. Siria-mipawl cu an tlan thluh a si ti an nemhnget, cule Israel-mipawl cu an riahbuk ah cun an va feh – cutin mangtam a cem! (2 Siang 7: 8-11) 5. Mangtam a cem ti theihpitu cu siangpahrang hi kut hnuai bawi pakhat a si, anih cun ziang thlawsuah hman cên mi nei man loin, profet sim cia mi a zum lo ruangah kăwtka ah mipi in an palthat. (2 Siang 7: 16-20) Canghril simfiang awla, zirsuak dingin tlawngtapawl thape hai aw – 1 Korin 15: 57 Lesson 4 zir ding mi tuah thluh aw. Hhuh aw: FBI – Elisha le Samaria ralpawl kulhnak (I)
ZOHSAL AW	Mangtam cân khalah ziangtin Pathian cu ziangkim tlunih thuneitu a si ti mi tlawngtapawl thawn reltlang uh (i) Setan ih tumtah mipawl nehin a um, cule siangpahrang in Elisha that loin a kilhim (ii) Elisha hmangin Samaria-mipawl hnenah Pathian cu ziangkim tlunih Lal le thuneitu a si ih, an tulsam mi zaten a pe thluh thei a si ti langter dingah a si – a cân ah cun an pathianpawl khal ih tuah thei lo.	1. Luke 4: 17-19 siar aw – Sual sal ih a tang mipawl Bawipa Jesu in a ruansuak thei a si ti mi reltlang uh. 2. John 6: 1-15 siar aw. Bawipa Jesu in mi thawng nga rawl a do mi in an tulsam mi ziangtin a pe ti mi le himi zirnak sungih thilmak tuah mi khaikhin aw. Kan tulsam mi hmuahhmuah hrangah ziangtin Pathian kan rinsan ding ti mi reltlang uh - Mathai 6 : 25-34.
NUNPI AW	Himi zirnak in kan zirsuah mi: 1. Miphar pali in 'thuthang tha' an sim a tul vekin, Jesu Khrih dungthluntupawl khal in rundamnak thuthangtha simnak ding a hawl ve ding a si. 2. Kan nunak ih harsat buainak nasa zet kan tawn lai cân khalah Pathian cu ziangkim tlunih Lal le thuneitu a si. Pathian kan rinsan ih, amah neitu kan si ahcun nehnak nun thawn a hrang nung dingah a thilittheinak co ding kan ringhlel ding a si lo.	Himi zirnak in kan zirsuah mi: 1. Mipharpawl in an theih mi 'thuthang tha' an sim a tul vekin, Jesu thluntu khal in rundamnak thuthang tha simnak ding a hawl ve ding a si. 2. Pathian in ni tinti ei ding rawl le tulsam mi thlawsuah in pe. Pathian ringhlel dingah Setan in in hnicksak tikah kan ruahnak ih ban lo mi lanpi in Pathian in thlawsuah in pe thei a si ti hmnsin aw.

	C11 – LEVEL 3 Lesson 1 – Pathian hman mipawl Thupi – Gideon	C11 – LEVEL 4 Zirnak 1 – Thuthlung Thlun mipapawl Thupi – Gideon
	Bible Thu hlawm: <i>Laireltu 6: 11-23; 7: 12-22</i> Canghril: <i>Laireltu 6: 16</i> Kan zir thei mi thu hnih: 1. Israel thuanthu ih harsatnak cān sungah Midian-mipawl kut sungin runsuaktu dingah Gideon cu hril a si. 2. Pathian cun a hnaṭuannak dingah zo vek mi khal a hmang. Kan tlaksamnak le tlinlonak um cingin Khristian kan si ahcun Pathian in in hmang thei a si.	Bible Thu hlawm: <i>Laireltu 6: 1-23; 7: 1-23</i> Canghril: <i>Laireltu 6: 22 & 23</i> Kan zir thei mi thu hnih: 1. Israel thuanthu ih harsatnak cān sungah Midian-mipawl kut sungin runsuaktu dingah Gideon cu hril a si. 2. Khristian kan si vekin, Pathian kan rinsan ih, a thu kan thlun, cule in kawh mi hna ṭuan ding kan phur tuk lo a si hmanah amah riannak ih kan ṭul mi cahnak in pe ding a si ding.
THEIHTER AW	Cān khat cu Israel-mipawl in Pathian an hngilh ih, milem pathian sawn an bia. Midian-mipawl palbetih um a sian hai nak in Pathian in nun a sim hai. Midian ralkappawl donehdān ding hmuh dingah Gideon hnenih thusim dingah Pathian in Bawipaih vancungmi a thlah, Gideon cun himi cu ka tuah thei lo ding tiah ruat khal sehla Pathian thu a lung, cule Pathian in nehnak a pe.	Cān khat cu Israel-mipawl in Pathian an hngilh ih, milem pathian sawn an bia. Midian-mipawl ih palbet a sian hai nak in Pathian in nun a sim hai. Gideon cu Midian-mipawl hmuh lo dingin sabit sawinak khur sangvut a vuak laiah a hnenah Bawipaih vancungmi a rung lang, anih cu Israel-mipawl hrang rawl a timtuah tla a si thei.
ZIRH AW	Bible Thuanthu sim aw Relpi awla, simfiang hai aw: 1. Israel-mipawl cu Midian-mipawl in harsa zetin an khuahkhirh, cule Pathian hnenih bāwmnak an dil tikah milem an biaknak mangter dingah an hnenah profet a thlah hmaisa. Cuisin Bawipai vancungmi cu Gideon hnenah a lang ih, Midian-mipawl kut hnuai ihsin Israel-mipawl runsuak dingah Pathian in a hmang ding a si tiah a sim. (6: 7-12) 2. Bawipa in a hmang ngaingai ding thei dingah Gideon cun hmainsinnak hmuh a duh, cule thilhan ding a timlam, cun vancungmi cun a kut sungih kianghrawl zim cun sa le thilnu telh lo sang cu a tawh, cule a kang thluh. (6: 13-22) 3. Cuihnu ah Gideon cu Midian-mipawl riahmun ah cun a va feh, Gideon in nehnak a co ding ti fiangternak cu Midian mi pakhat in a rualpi a rak ruah thu a va thei. Israel-mipawl riahmun ah a ra kirsal ih, raldo dingin a timlam. Gideon cun mibur cu ṭhen thum ah 100 ciar in a ṭhen hai, cule tuu pa ki le meiser pawl a pe ciar hai. Gideon-ih milapawl cu Midian-mipawl do dingah an riahmun lamih an pawhsuak tikah meiserpawl, tuu pa ki phawt awn le bel vuakkuai awn Midian-mipawl in an theih tikah an tlan thluh. (7: 8-22) 4. Bawipa in an hnenih a rak sim cia vekin Midian-mipawl cu neh an si. (Laireltu 6: 14) Canghril simfiang awla, zirsuak dingin tlawngtapawl thape hai aw – <i>Laireltu 6: 16</i> Lesson 1 zir ding mi tuah thluh aw. Hmuh aw: FBI – Gideon le Midian ralkappawl (I)	Bible Thuanthu sim aw Relpi awla, simfiang hai aw: 1. Midian-mipawl cun Israel-mipawl cu kum sarh sung rori an palbet hai, cumi cu Pathian lamih an kirsalnak ding hrangah a si. Milem an biaknak ruangah hrem an si ding tiah Israel-mipawl thuhla simfiang dingah profet pakhat cu Bawipa in a thlah. (6: 7-10) 2. Midian-mipawl neh dingah cahnak an ṭul mi pe dingin Gideon hnenah Bawipai vancungmi a lang. Gideon cun ka ti thei lo ding tiah puhmawh a hawl, asinan hmainsinnak a dil mi – lung parih a ret mi rawl Bawipai vancungmi in a kangter mi a takih a can ruangah Bawipai thu vekin a tuah. (6: 13-22) 3. Ralpawl nehnak cu Bawipa hnen lawngin a si ti rinhlelh ding um riai loi an theihnak dingah Bawipa in Israel ralkap 32,000 cu 300 lawngah a supsak hai. An ralthuam cu tuu pa ki, leibel le meiser pawl an si ih, Midian-mipawl hnen an thlen tik lawngah ziang tuah ding a si ti mi Gideon in a sim hai. (7: 1-8, 16) 4. Israel-mipawlih tuu pa ki phawt awn, leibelpawl an vuakkuai thawmvang le hmakhatteah meiserpawl langsuak mi cu Midian-mipawl in an ṭih tuk ih an tlan thluh. (7: 17-22) 5. Bawipa in a rak sawm laiah khan a mangbang zet ko nān, Gideon cun Bawipai kawhnak hna tuah dingin a cohlang, cutin Midian-mipawl cu a neh hai a si. Canghril simfiang awla, zirsuak dingin tlawngtapawl thape hai aw – <i>Laireltu 6: 22, 23</i> Lesson 1 zir ding mi tuah thluh aw. Hmuh aw: FBI – Gideon le Midian ralkappawl (I)
ZOHSAL AW	Zirnak zohkirsalnak hrang tlawngtapawl thusuhnak hrang hmang aw: (i) Thuphurtu zo a si? A thuchah ken mi ziang a si? (ii) Gideon in mang ih a theih mi cu ziangruangah thazang peknak hrampi a si thei? (iii) Midian-mipawl doneh dingah Gideon le a milapawl hnenih Pathian in a pek mi ral dodān kha ziang a si?	(i) <i>Laireltu 6: 24-40</i> siar aw – Pathian in a hmanna ding fiangter dingah Gideon in a nunnak hrang rinhmang in hmainsinnak a dil mi reltlang uh. (ii) 1 Korin 1: 26-29 siar aw. A rawngbawlnak hrang nang le kei vek mimenmen Pathian in ziangtin a hmang ti mi reltlang uh.
NUNPI AW	Himi zirnak in kan zirsuah mi: 1. Kan zatan cak lo le tlinlonak nei cio kan si, asinan Gideon vekin Pathian in in hmang thei lai a si. 2. Ral do dingih Gideon a feh hlanah Pathian a be ta (Laireltu 7: 15). A hleicein, harsatnak kan tawn cān ah Pathian kaihhruainak kan dil hmaisa ta ṭheu ding a si. 3. Gideon cun zohṭhim dingin a hruai hai. Kan Khristian zumnak thu ah nun kan tum ve dān teh hi vek a si maw? (Laireltu 7: 17)	Himi zirnak in kan zirsuah mi: 1. Gideon vekin Khristianpawl khal Pathian in a hleicein a ko hai a si. Pathian in tuahter in duh mi tuah dingah cān kan pe ve maw, asilole puhmawh kan hawl sawn so? 2. Kan nunnak ah Pathian kaihhruainak kan duh asile Bible zirnak in kan congah thei a si? (2 Timothy 3: 16-17)

	C11 – LEVEL 3 Lesson 2 – Pathian hman mipawl Thupi – Samson	C11 – LEVEL 4 Zirnak 2 – Thuthlung Hlun mipapawl Thupi – Samson
	Bible Thu hlawm: <i>Laireltu 16: 6-31</i> Canghril: <i>Laireltu 16: 28</i> Kan zir thei mi thu hnih: 1. An ram lawnsaktu Filistia-mipawl dawitlan dingah Samson cu a ra suak. 2. Samson cun tlinlonak tampi nei cingin, vei tampi Filistia-mipawl neh dingah Pathian in a hmang.	Bible Thu hlawm: <i>Laireltu 13: 1-25; 16: 4-31</i> Canghril: <i>James 4: 7- 8</i> Kan zir thei mi thu hnih: 1. An ram lawnsaktu Filistia-mipawl dawitlan dingah Samson cu a ra suak. 2. Samson cun tlinlonak tampi nei cingin, vei tampi Filistia-mipawl neh dingah Pathian in a hmang.
THEIHTER AW	Israel cu Filistia-mipawl ih namnehnak hnuaiah kum sawmli sung rori an thlengsal. Samson cu Manoah le a nupi hrin mi fa a si, cule a nunnak ih Pathian tumtah mi cu Filistia-mipawl kut hnua in runsuak dingah a si. Anih cun Israel-mipawl hrang kum kul sung thu a then. <i>Laireltu bung 13-16</i> sung thu tlawngtapawl zohpisal aw.	Samson thuanthu hi Bible sungih micakbik tihi theih cio mi, cak lo bik vekin a thuhla ngankhum a si. Sikhalsehla, tlinlonak nei cingin, a suah hlanin a nu le pa hnenih ra vangcongmi in a tumtah mi a sim cia vekin a tuahsuak. <i>(Laireltu 13: 5)</i> A thih hlan teah Samson cun cahnak in pe thei tu hi Pathian lawng a si ti a theifiang, cule Pathian in a thlacamnak a sang ih, milem betu Filistia-mipawl le an temple a siatsuah thluh.
ZIRH AW	Bible Thuanthu sim aw Relpi awla, simfiang hai aw: 1. Samson cun Delilah ti mi Filistia fala a duh. <i>(16: 4)</i> 2. Filistia-mipawl cun Samson an tih nasa, ziangatile a cak tuk. Samson-ih cahnak thuthup na hmuhsuak thei asile tiah Delilah cu paisa tampi nawhthuh an pe. Delilah cun vei thum rori a cahnak thuthup a zawihnit. Samson cu nunau parah a zau ih, a ralpawl an rat asile a rak neh hai theu. <i>(16: 6-15)</i> 3. A netnakah, Samson cun tuaraw nawn loin, a cahnak thuthup cu a phuang tarai aw. A ithah lai fangah Filistia-mipawl in a sam an tansak thluh, cule cahnak a nei nawn lo, Samson cun Pathian in in tlansan ti hman a thei lo. <i>(16: 17-20)</i> 4. Filistia-mipawl cun Samson cu an kai ih, a mit an phawrsak, cule thawnginn sungah an khum. An pathian, Dagon hnenih nehnak puai tuahin, micak Samson cu capauh hnihsuhsainak ah an hmang. Samson cun temple ban pahnihi kaiin a karlakah a ding, cule Pathian hnenah cahnak a dil, ban cu napin a tul ih, amah telin a sungih um mi zaten a nenthath thluh. <i>(16: 21-30)</i> 5. Samson thu kan ruah tinten rinhlelh ding um lo a cahnak kan ruat sual theu. Sikhalsehla tlaksamnak tampi a nei ve, ziangatile Pathian thu a thlun lo, a netnak ah amah le mah thihnak tiang a thlenpi tarai. Canghril simfiang awla, zirsuak dingin tlawngtapawl thape hai aw – Laireltu 16 :28 Lesson 2 zir ding mi tuah thluh aw. Hmuh aw: FBI – Samson-ih cahnak thuthup phuan a si(l)	Bible Thuanthu sim aw Relpi awla, simfiang hai aw: 1. Bawipai vangcongmi cun Manoah le a nupi hnenah Samson tiah kawh mi fapa nan nei ding, cule anih cu Israel ram ih laireltu, Pathian rawngbawlnak hrang serhran mi a si ding tiah a ti. <i>(13: 3-5)</i> 2. A netnakah, Samson cun Filistia nunau, Delilah tiah kawh mi thawn an duhaw, anih cun Pathian in a kawhnak phatsanih a cahnak thuthup relsuak dingin a nawn rero. Cule anih cun a cahnak thuthup cu a phuang. A sam saunak cu a cahnak hrampi si sawn loin, Pathian hrangih serhran mi a si ti langtertu sawn a si. Pathian thawn an pehtlaihawkak cu a cahnak thuthup sawn a si. A sam an tansak leveten cahnak a nei nawn lo. <i>(16: 6-20)</i> 3. Filistia-mipawl cun Samson cu an kai ih, a mit an phawrsak, cule thawnginn sungah an khum. Tucun a mit a caw ih zianghman a tuah thei lo. Filistia-mipawl cu an pathian biaknak hmun temple sungah an tawngkawmaw ih, Samson cu hnihsuhsainak ah an hmang. A liam zo mi a nun cu tanin, Pathian hnenah cahnak dilin thla a cam, cule vei khatte cu a thlacamnak Pathian in a sang. Samson cun temple ban pahnihi kaiin a karlakah a ding, cule Pathian hnenah cahnak a dil, ban cu napin a tul ih, amah telin a sungih um mi zaten a ne that thluh. <i>(16: 21-30)</i> 4. Samson thu kan ruah tinten rinhlelh ding um lo a cahnak kan ruatsual theu. Sikhalsehla tlaksamnak tampi a nei ve, ziangatile Pathian thu a thlun lo, a netnak ah amah thihnak ah a cang. Canghril simfiang awla, zirsuak dingin tlawngtapawl thape hai aw – James 4: 7- 8 Lesson 2 zir ding mi tuah thluh aw. Hmuh aw: FBI – Samson-ih cahnak thuthup phuan a si(l)
ZOHSAL AW	Samson-ih suahnak Bawipai vangcongmi in a than mi hmuitin in himi zirnak zohpisal aw <i>(Laireltu 13: 5)</i> . Samson a thih tikah a sunnak cu Filistia-mipawl a thihnak nehnak ah a tuahsak. <i>(Laireltu 16: 30)</i>	<i>Laireltu 14: 1-20; 15: 1-20</i> siar aw. Himi bung hnih cun Samson-ih cahnak lawng si loin, a nun ih santlaihlonak khal a langter a si ti tlawngtapawl hnenah simfiang aw.
NUNPI AW	Himi zirnak in kan zirsuak mi: Hi thuanthu cun Bawipai hnen ihsin hruaipen ih a um rero mi Khristianpawl ralrinnak a pe a si, cumi cun tihnungza a suahpi thei a si. Sikhalsehla, Bawipa in in theihngilh dah lo ti kan cin ringring a tul, cule thil sual kan tuah mi ruangah sirawin a hnen kan kirsal asile in ngaidam a duh ringring a si.	Himi zirnak in kan zirsuak mi: 1. Pathian lungawi lo zawng tuah dingin kan rualpipawl ih in ciahneh kan siang ding a si lo. Kan mawhphurh sawn cu mi dang va ciahneh sawn ding hi a si. 2. Thukham Thar sungah Samson ih sunnak ruahnak a pek mi kan hmu lo, zumnak ih a nunnak lawng a lang <i>Hebru 11: 32-33</i>. A thih hlan teah Samson cu Pathian hnenah a kirsal, cule a sunnak cu nehnak ah a hersak. Sunnak tawng cingin, in tuahsak thei ve a si.

	C11 – LEVEL 3 Lesson 3 – Pathian hman mi mipapawl Thupi – Jonah	C11 – LEVEL 4 Zirnak 3 – Thuthlung Hlun mipapawl Thupi – Jonah
	Bible Thu hlawm: <i>Jonah 1: 1-7; 3: 1-3</i> Canghril: <i>Jonah 2: 9</i> Kan zir thei mi thu hnih: - Jonah cu Pathian thulung lo profet a si, lamzin harsa zet hmangin thulun nun a zir. - Kanmai duhnak lamzin ih feh hnakin Pathian thulun a thupisawn.	Bible Thu hlawm: <i>Jonah 1: 1-17; 2: 10 -3: 2</i> Canghril: <i>Jonah 2: 9</i> Kan zir thei mi thu hnih: - Jonah cu Pathian thulung lo profet a si, lamzin harsa zet hmangin thulun nun a zir. - Bawipa Jesu in amah thluntupawl hnenah a Kamsuakthu hmangin khihnmuhnak a pe, Pathian in tuah dingih in fial mi a hmaisabik i tuah hi a thabik mi a si.
THEIHTER AW	Jonah cu Galile lam ihsin a ra, cule Israel thlang lam Lalram cak bik, Siangpahrang Jeroboam i lal laiah Nineveh khua ih va feh dingin fial a si. Culai can ih Assiria lalram khawpibik le sual zet, Nineveh ah lungthlengnak thu sim dingin Pathian in Jonah cu a thlah. Assiria-mipawl cu Zentel miphun parah an nun a rawng zet. Jew-mi, Jonah cun Nineveh khawmipawl hnenah lungthlengnak le rundamnak thuchah va sim ding a duh lo. Curuangah thu a lunlonak cu Pathian in a tifel.	Jonah cu Galile lam profet a si ih, Amittai fapa a si ti 2 Siang 14: 25 sungah kan hmu thei. Siangpahrang Jeroboam II nak in thlang lam Israel lalram a uk laiah Jehoavah in Nineveh khawpi ih thu sim dingin Jehovah in a thlah. Nineveh khua cu Assiria lalram khawpibik a si, Zentel miphun men lawng si loin, nun rawng zet khal an si. Jonah Nineveh khawpi ih Pathian-ih duhdawtnak le lainatrnak thu va sim ding cu a hreh, ziangatile Jew an si lo, Assiria huanak in a thanglian, curuangah Pathian thu a lunlonak a si.
ZIRH AW	Bible Thuanthu sim aw Relpi awla, simfiang hai aw: Jonah-ih missionary kawhnak – Pathian in Jonah cu Nineveh khua ih thusim dingin a thlah, asinan a feh duh lo, cule Spain ram ih thlang lamih um Tarshish lam feh ding lawng a to. Anih cu nisuahnak lam peng 500 tluk hlatnak hmun ah kuat a si, asinan thu a lung lo, lawng toin tihnungza peng 2000 tluk hlatnak lamah a feh, anih cu Bawipaih hmai le huham ihsin tlan a tum. (<i>Jonah 1: 1-3</i>) Tipi parih tisuar – A nasa zet mi tisuar a tho, cule lawng sungih hnatuanpawl thinphangin an um, cule zawi ruangah a si ti thei dingah camcawhfun an zuk, Jonah ruangah a si ti an theingah. Lawng hnatuanpawl cun an tih tuk ih ziang tuah ding a si ti hman an thei lo. (Jonah 1: 4-10) Jonah cu tipu sungah an vun hlawn, cule ngapi in a rak dawlh – Lawng hnatuanpawl cun Jonah cu hreh cingin lawng sungin an hlawnthla, cutin anih cu ni thum le zan thum sung ngapi pum sungah a um. (<i>Jonah 1: 13-17</i>) Jonah cu Nineveh khawpi ah a feh – Runsuahnak cu Jehovah ta a si ti Jonah cun a theifiang, cuisin ti lengah nga cun a luaksuaksal. Jehovah cun Nineveh khua ih fehsal dingin a fial, cule Jonah cun Jehovah sim vek cun a tuah, cutin Nineveh khawmipawl dinhmun a tihnungzia Jonah cun a theihter hai, curuangah an lung an thleng ih, thuthennak ihsin an nunnak a zuahsal. (<i>Jonah 2 & 3</i>) Canghril simfiang awla, zirsuak dingin tlawngtapawl thape hai aw – Jonah 2: 9 Lesson 3 zir ding mi tuah thluh aw. Hmuh aw: FBI – Jonah le ngapi (I)	Bible Thuanthu sim aw Relpi awla, simfiang hai aw: Jonah-ih kawhnak le a pekawknak – Jehovah in Jonah cu an sualrlnak a natsat tuk ruangah Nineveh khua ih thusim dingah a ko. (<i>Jonah 1: 1-2</i>) Jonah-ih thulunlonak le a rahsuah – Jonah cu Jehovah hnen ihsin tlan a tum, cule Spain ram thlang lam Tarshish lam panin a pawk. Lawng sungih Jonah a ithah laiah thlipi le tisuar nasa zet a tho, lawng sungih um zaten an thin a phang tuk. Camcawhfun an zuh hnuah Jonah tlunah a tla. Jonah cun a sual a phuang, cule lawng ihsin an hlawnthla, cule nga tumpi in a dawlh, cule ni thum le zan thum sung ngapi pum sungah a um. (<i>Jonah 1: 3-17</i>) Mangbangza runsuahnak le a thar ih a hlanawknak – Jonah cu ngapi pum sungin Pathian hnenah thla a cam, cule 'Runsuahnak le Jehovah ta a si' ti a theihsuahnak tikah Pathian in a runsuak ih ti lengah a suah. (<i>Jonah 2: 1-9</i>) Jonah cu Nineveh khawpi thusim dingah a nunnak a hlanawsal – Jonah cun thu a lung ih Nineveh khawpi ah cun a feh, cule Jehovah in a hnenih a sim mi thuchah a sim, curuangah khaw sung mipi cu an lung an thleng ih, thuthennak ihsin an luat. Asinan Israel-ih ral Zentelpawl nunnak zuah a si ti a hmuh tikah Jonah cu a thin a heng! (<i>Jonah 3 & 4</i>) Canghril simfiang awla, zirsuak dingin tlawngtapawl thape hai aw – Jonah 2: 9 Lesson 3 zir ding mi tuah thluh aw. Hmuh aw: FBI – Jonah le ngapi (I)
ZOHSAL AW	Pathian in leitlun mi ziang tlukin a duhdawt hai ti reitlang phahin himi zirnak zohkirsal uh (<i>John 3: 16</i>). Jew-pawl lawng a duhdaw lo ih, Zentelpawl khal a duhdawt hai a si ti mangter hai aw. Jonah cu Jew miphun in a si ih, Neniveh khawmipawl cu Zentel an si. An lung an thleng a si ahcun Pathian in Jew-pawl le Zentelpawl a dudawt hai ti langter dingah an sualnak a ngaidam hai a si.	Jonah 2: 1-9 – Thla a cam hnuah ziangtin Jonah runsuah a si ti reitlang uh. Jonah cun lungawi thu simin thla a cam, cule Jehovah hnenah a lung a thleng. Jonah 4: 1-11 – Jonah-ih thlacamnak, Pathian in a runsuah tikah ziang tlukin a lungawi ti le Nineveh khawmipawl nunnak zuah a si ti reitlang uh. Pathian in ngaidamnak Jonah a zirh mi cu Israel-mipawl hrang lawngah si loin lungthleng ih, a zumtu zate hrang khalah a si.
NUNPI AW	Himi zirnak in kan zirsuah mi: Rundamnak cu Bawipa Jesu hnen lo khui hmanah hmuh ding a um lo, ziangatile '<i>Rundamnak cu Jehovah ta a si.</i>' (<i>Jonah 2: 9</i>) Rundamnak hrang Bawipa Jesu na rinsan asile Bible siarnak in a thu na thlun ding ih, na nunnak ih a tumtah mi na hawl ding a si.	Himi zirnak in kan zirsuah mi: Pathian rian dingah Jonah cu a vei hnihnak can tha pek a si. Titheinak tlaksamnak lole thil ti sual mi rangih Pathian riannak ah ka tling lo a si tiah kan khansa a si ahcun Pathian in zuam bet hrih dingin in duhsak hrih lai a si.

	C11 – LEVEL 3 Lesson 4 – Pathian hman mi mipapawl Thupi – Nehemiah	C11 – LEVEL 4 Study 4 – Thuthlung Hlun Mipapawl Topic – Nehemiah
	Bible Thu hlawm: <i>Nehemiah 1: 1-4, 2: 1-8, 4: 6-23</i> Canghril: <i>Nehemiah 4: 20</i> Kan zir thei mi thu hnih: 1. Nehemiah cu Pathin mi, miropi, Jerusalem khawkulh saktu dingih a hman mi a si. 2. Pathian in a thlacamnak a thei ih, a sang – thlacam hi a hmaisabik ih a thupitter mi bik a si.	Bible Thu hlwm: <i>Nehemiah 1: 1-4, 2: 1-8, 4: 8-23</i> Canghril: <i>Nehemiah 4: 20</i> Kan zir thei mi thu hnih: 1. Nehemiah cu Pathin mi, miropi, Jerusalem khawkulh saktu dingih a hman mi a si 2. Pathian in a thlacamnak a thei ih, a sang – thlacam hi a hmaisabik ih a thupitter mi bik a si. Thlacamnak le khawruahnak, timlamnak le cangvaihnak an kawpawk asile thungathlak kan suah ti Pathian kan langter tinak a si.
THEIHTER AW	Nehemiah cu Persia ah hna a ñuan, cule siangpahrang Artaxerxes sabit zu suahtu a si ih, thih le nun ñhnungum zet lakih um an si. Sikhalsehla, himi hna pawimawh zet tanin Jerusalem khawkulh ñintu mipi bawm dingah a feh, cui khawkulh cu kum reipi ih siatsuah zo mi a si. Nehemiah-ih san lai ah cun khawkulh ti mi hi Israel-ih ralpawl lakih humhimawknak hrang lo theih loih ñul mi a si. Nehemiah cu thlacam mi lawng si loin hñañuan tumtah a neih mi hrang thutluknak tuah ding le a hlawhtlinnak ding hrang mi dang bawm ding a si.	‘Thil cang thei lo hna tuahsuak dingah Pathian in Nehemiah a timlam. Nehemiah cu siangpahrang Artaxerxes sabit zu suahtu a si ih, siangpahrang in a rinsan zet mi a si. Cun anih cu Pathian mi, Jew-pawl thuhla ngaihsak zet tu le Jerusalem khawkulh siatnak thu ah veinak nasa zet nei a si. Hi thuhla ah Pathian hnenih thla a cam vekin khawkulh saknak hrangah Pathian in a kaihruai ih Persia ram suahsanin Jerusalem ah a feh. A thawkin an ñheh tiang Pathian hnenah bawmna a dil, cule doralpawlii dodalnak le hmuhsuamnak um cingin, a cãn bikhiah teah khawkulh a sak thluh thei a si.
ZIRH AW	Bible Thuanthu sim aw Relpi awla, simfiang hai aw: 1. Nehemiah-ih unau in sal tannak ih si ra kir mi Jew-pawl cu vansang le nautat tuarin an um ih, Jerusalem kulh khal remsal ñulin a um thu a sim. (1: 1-3) 2. Buainak an tawm mi thu a theih mi cun Nehemiah nun a luahkhat, cule khawkulh cim mi remsal hna va bawm dingih feh siangpahrang in siang dingin thla a cam. Nehemiah-ih thlacamnak san a si ti mi cun Siangpahrang in a lungkimpinak in a langter. (2: 1-6) 3. Nehemiah cu Jerusalem a thleng, cule khawkulhpawl cu a thupten a zohhliah hai. (2: 11-13) 4. Khawkulh cu a hrek lai rem thluh zo a si tikah dodalnak an tawng, asinan Nehemiah cun buainak hmaitawn ding cun thla a cam peh vivo, cule dodaltupawl rak do kirsal dingah kiltu a ret hai. (4: 7-9) 5. Nehemiah le a hñañuanpipawl cun thla an cam, an ñuan phah, ral do man cia in an umpeh vivo, cun an ralpawl cu an khawkhannak siatsuah dingin an cangvai. (4: 16-19) Canghril simfiang awla, zirsuak dingin tlawngtapawl thape hai aw – <i>Nehemiah 4: 20</i> Lesson 4 zir ding mi tuah thluh aw. Hmuh aw: FBI – Nehemiah: Jerusalem in khawkulh an remsal (I) Canghril simfiang awla, tlawngtapawl hnenah zirngah dingin thape aw.	Bible Thuanthu sim aw Relpi awla, simfiang hai aw: 1. Nehemiah cun Jerusalem a siat thuhla in nasa zetin a nun a luahkhat, Pathian hnenah thla a cam, a theihnak, tawntehtnak, hohat thiamnak le a ti thei mi kip thawn ñuan ih ñhehsuak dingah lamzin a hawl. (1: 1-10) 2. Harsatnak an neih mi cun nasa zetin Nehemiah nun a luahkhat, cule khawkulh cim mi remsal hna va bawm dingih feh siangpahrang in siang dingin thla a cam. Nehemiah-ih thlacamnak san a si ti mi cun Siangpahrang in a lungkimpinak in a langter. (2: 1-6) 3. Nehemiah cu Jerusalem a thleng, cule khawkulhpawl cu a thupten a zohhliah hai. (2: 11-13) 4. Khawkulh cu a hrek lai rem thluh zo a si tikah dodalnak an tawng, asinan Nehemiah cun buainak hmaitawn ding cun thla a cam peh vivo, cule dodaltupawl rak dokirsal dingah kiltu a ret hai. (4: 7-19) 5. Nehemiah cun hñañuantupawl cu ‘Pathian in in dosak ding a si’ ti mi thu fiang mi in tha a pe hai, cutin Pathian bawmna in ni 52 sungah an ñhehsuak thluh. (4: 20 & 6: 15) Canghril simfiang awla, zirsuak dingin tlawngtapawl thape hai aw – <i>Nehemiah 4: 20</i> Lesson 4 zir ding mi tuah thluh aw. Hmuh aw: FBI – Nehemiah: Jerusalem khawkulh an remsal (I) Canghril simfiang awla, tlawngtapawl hnenah zirngah dingin thape aw
ZOHSAL AW	Kolosa 3: 23-24 siar aw, cule Nehemiah nun in ziang vek thu zirsuak mi an nei ti mi reltlang uh. Cule Nehemiah in vei ziat thla a cam ti le khawkulhpawl remñhatnak hrang hñañuantupawl in Pathian an rinsan ti mi sim hai aw. (Bung 1: 4, 2: 4, 4: 9, 4: 14 & 4: 20)	Nehemiah 2: 11-20 siar aw – Nehemiah in ziangtin zan ah a thinlung sungih mi a zawihliah ti le khawkulh saktu ding pawl hnenah a khawkhan mi a simsalnak thupawl reltlang uh. Khawkulh remsal dingah Nehemiah in ziangtin Pathian a rinsan ti mi cãng 18 le 20 sun gta khihhmuh aw.
NUNPI AW	Himi zirnak in kan zirsuak mi: 1. Nehemiah cun Pathian hnenah thla a cam, cule kan tuah ding mi kip ah ni tinten Pathian a pakhatnak ah kan ret ding a si. 2. Nehemiah le a hñañuanpipawl thla an cam ih, an doralpawl rak dokirsal dingah an tiar cia. Khristian kan si vekin kan ral Setan, kan nun in siatsuah tumtu lakah fimvarten um ding kan si.	Himi zirnak in kan zirsuak mi: 1. Nehemiah-ih rawngbawlnak ah Pathian biak thlacam, Pathian Kamsuakthu ih a zir mi ni tinten tuahsuaknak a tel. Ni tinten Bible siarin, thla kan cam ding, cule kan zir mi kan hmangcih ding a si. 2. Nehemiah cun Pathian hnenah thla a cam, cule kan tuah ding mi kip ah ni tinten Pathian a pakhatnak ah kan ret ding a si.

	C12 – LEVEL 3 Lesson 1 – The Khrimas Thuanthu Thupi – A hramthawkah	C12 – LEVEL 4 Zirnak 1 – Khirh-ih suahnak Thupi – Thutiam pek mi														
	Bible Thu hlawm: <i>Semtir 3: 13-20; Isaiah 7: 14-16</i> Canghril: <i>Isaiah 7: 14</i> Kan zir thei mi thu hnih: 1. Khrimas thuanthu hi Bethlehem in a thawk mai lo, thawknak thuanthu a um. 2. Pathian ih tumtah mi cu Adam le Eve-ih sualnak tifel dingah a Fapa run thlah hi a si	Bible Thu hlawm: <i>Semtir 3: 1-24; Isaiah 7: 14-16</i> Canghril: <i>Isaiah 7: 14</i> Kan zir thei mi thu hnih: 1. Eden hmuan ah Adam le Eve sual ih an tluk ruangah Pathian le milai karlak pehtlaihawknak a siat. 2. Bawipa Jesu Khrih suahnak cun Pathian le milai karlak pehtlaihawknak tundinsal a si ding, cumi cu khraws ih a thihnak thawngin a si.														
THEIHTER AW	Eden hmuan ah Adam le Eve sual ih a tluk hlanah Pathian cun an thulunlonak sual tifel dingah tumtah mi a rak nei cia diamdi zo. Adam-ih sualnak cu mi hmuahmuah sualnak ah siarsak thluh a si. Bible bu pumpi hi Pathian ih tumtah mi rundamnak ziangtin a tuah ti mi hlirin a khat ih, cumi cu Bawipa Jesu Khrih suahnak in a thlunchi.	Adam le Eve cun Pathian thawn an pehtlaihawknak a siatter. An nundān cu Pathian duhdān hnakin a thasawn ti mi lamah annih cu hruaipen an si, cumi in Pathian thu an lung lo. Thu an lun lo leveten anmah te an thupaw. Pathian in a biak hai tikah puhmawh an hawl ih, an sualnak kuhawk an tum. Adam-ih sualnak cu milai hmuahmuah sualnak ih ruah a si. Bible bu pumpi hi Pathian ih tumtah mi rundamnak ziangtin a tuah ti mi hlirin a khat ih, cumi cu Bawipa Jesu Khrih suahnak in a thlunchi.														
ZIRH AW	Bible Thuanthu sim aw Relpi awla, simfiang hai aw: 1. Adam le Eve cu Pathian ih thupek an thulunlonak ruangah Eden hmuan sungah sual ah an tlu. Pathian cun a hawl hai cih ih, khuiah an um ih, ziang an rak tuah tiah a sut hai, cumi cun milai cu sual ah a tlu ih Pathian in a hawl hai cih ti a langter. <i>(Semtirnak 3: 6-9)</i> 2. Adam le Eve bumtu rulpi (Setan) cu Pathian in hremnak a pe, cule Messiah ratnak ding a dodal a si khalle Messiah a ratsal tikah thihnak le a thawhsalnak hmangin neh a si ding tiah a rak sim cia. <i>(Semtirnak 3: 15)</i> 3. Pathian cun Adam le Eve hnenah sual an rak tuah mi cun hngāwng tel mi a nei ding ih, nunau cun nau a nei tikah na a tuar ding, mipa cun innsang hrang bang zet le harsa zetin hna a tūan ding tiah a ti. Cun an hnenah an sualnak ruangah an thi ding ih leivut ah an kirsal ding a si tiah a ti. <i>(Semtirnak 3: 16-19)</i> 4. Adam le Eve cu Eden hmuan sung ihsin a dawisuak, cule cui cān rori ah rundamtu Messiah a suahnak ding thu profet hmangin a rak phuang cia fawn <i>Isaiah 7: 14</i>. Canghril simfiang awla, zirsuak dingin tlawngtapawl thape hai aw – Isaiah 7: 14 Lesson 1 zir ding mi tuah thluh aw. Hmuh aw: FBI- Jesu Khrih suahnak phuan sungnak (I)	Bible Thuanthu sim aw Relpi awla, simfiang hai aw: 1. Setan cun Pathian-ih thupek ringhlel dingin Eve cu sual a fawrh, cule <i>Semtirnak 2: 16-17</i> Pathian ih ralrin pek mi thlun loih Eve a sual hnuah, a thil sual tuah mi ah Adam khal a telter thlang. Pathian in Adam cu a sualnak thu a suh tikah Eve a mawthluk riangri. <i>(Semtirnak 3: 11-13)</i> 2. Adam le Eve cun Pathian cu a thianghlim ih, sual a hua, cule misual cu thu a then ti mi tuar a harzia an zirngah. 3. Setan neh a si ding thu Pathian in a phuanglang cia. <i>Semtirnak 3: 15</i> sungah 'a kedil hma na baih ding' tiah a ti, a sullam cu Bawipa Jesu Khrih leitlun a um laiah Setan ih neh a tum ding ti a langter. Sikhalsehla, 'Anih in na lu a rial thitling ding' tiah a ti, a sullam cu khraws thihnak hmangin Bawipa Jesu in nehnak a co ding thu a si. Kedil hmabaih cu thihnak a si lo, lu hmabaih cu thihnak a si. Hi thilpawl cun Setan in nehnak malte a nei ding ih, Bawipa Jesu Khrih hmangin rundamnak (nehnak) tuahsak a si ding ti a langter a si. 4. Adam le Eve-ih thulunlonak le Eden hmuan ah sual ih an tluknak cun sersiam mi hmuahmuah a hngāwng tel thluh <i>(Rom 5: 12)</i>. Kum reipi hnuah profet Isaiah hmangin leitlun rundamtu ding Bawipa Jesu a suahnak ding thutiam a rak phuang cia. <i>(Isaiah 7: 14)</i> Canghril simfiang awla, zirsuak dingin tlawngtapawl thape hai aw – Isaiah 7: 14 Lesson 1 zir ding mi tuah thluh aw. Hmuh aw: FBI- Jesu Khrih suahnak phuan sungnak (I)														
ZOHSAL AW	Zirlai mi zohkirsalnak hrang <i>Rom 5: 12</i> ah ziangtin a khaikhawm ti reltlang uh: (i) Cāng sungih 'mi pakhat' hi zo a si? (ii) Khui hmun ah sualnak an rak tuah? (iii) Sual cun taksa thihnak a thlen. <i>Semtirnak 3: 13-20</i>, sungih khui mi mi a hnuai lam tapawl in sim thei? (iv) Sual cun thlarau thihnak le Pathian thawn thenawknak a suahpi. Pathian in rulpi hnenih a pek mi thutiam cu Bawipa Jesu in sual a neh ding ih, kan sualpawl ngaidam a si ding ti mi a si.	Bawipa Jesu kan zum hlanah Adam-ih fāte kan si ti le Jesu kan zum hnuah Pathian-ih fāte kan si ti langter dingah <i>Rom bung 5</i> hmang aw. <table><tr><td><u>Adam-ih fātepawl:</u></td><td><u>Pathian-ih fātepawl:</u></td></tr><tr><td>Sual</td><td>Dingfelnak</td></tr><tr><td>Thihnak</td><td>Kumkhaw nunnak</td></tr><tr><td>Pathian thawn thenaw</td><td>Pathian thawn pehtlaihaw</td></tr><tr><td>Thulunlonak</td><td>Thulunnak</td></tr><tr><td>Thuthennak</td><td>Runsuhnak</td></tr><tr><td>Dān</td><td>Zangfahnak</td></tr></table>	<u>Adam-ih fātepawl:</u>	<u>Pathian-ih fātepawl:</u>	Sual	Dingfelnak	Thihnak	Kumkhaw nunnak	Pathian thawn thenaw	Pathian thawn pehtlaihaw	Thulunlonak	Thulunnak	Thuthennak	Runsuhnak	Dān	Zangfahnak
<u>Adam-ih fātepawl:</u>	<u>Pathian-ih fātepawl:</u>															
Sual	Dingfelnak															
Thihnak	Kumkhaw nunnak															
Pathian thawn thenaw	Pathian thawn pehtlaihaw															
Thulunlonak	Thulunnak															
Thuthennak	Runsuhnak															
Dān	Zangfahnak															
NUNPI AW	Himi zirnak in kan zirsuah mi: 1. Sual in Adam le Eve cu Pathian thawn a thenhrang vekin kan zate tūn khalah cuvek thocho a si. Hi thu hi sim uar aw. 2. Khrimas thuanthu hi Bethlehem in a thawk tiah a titu hnenah ziangtin a sannak na pe thei ding? 3. <i>Isaiah 7: 14</i> le <i>Mathai 1: 23</i> siar aw. Isaiah in a suahnak ding a rak phuan hnu kum 750 laiah Jesu cu a rak suak zo. Jesu cu Pathian a si naute vekin a ra suak, a hmin cu 'Immanuel' ti a si, a sullam cu 'Pathian kan hnenah a um' tinak a si.	Himi zirnak in kan zirsuah mi: 1. Adam le Eve an sual tikah, an sia le tha theihnak sual cun Pathian hnen ihsi relh an duh. Kan sia le tha theihnak cun sual theihawknak kan nei, curuangah Pathian hnenah ngaidam kan dil ding a si. 2. Adam le Eve vekin, kannih khal kan sual thluh ve, asinan kan sualpawl lahlo ding le kumkhaw thihnak man kan tuar ding mi ihsin Bawipa Jesu cu kan hrangah a thi a si.														

	C12 – LEVEL 3 Lesson 2 – Khriśmas Thuanthu Thupi – Pathian-ih thuphurtu	C12 – LEVEL 4 Zirnak 2 – Khrih-ih suahnak Thupi – Buainak an tawn mi
	Bible Thu hlawm: <i>Mathai 1: 18-25</i> Canghril: <i>Mathai 1: 21</i> Kan zir thei mi thuhnih: 1. Bawipa Jesu suahnak hi a danglam cuang, cule Thukham Hlun sungih profet thuphuan mi zaten a thlengkim thluh. 2. Jesu tiah kawh a si, a sullam cu 'Rundamtu' tinak a si.	Bible Thu hlawm: <i>Mathai 1: 18-25</i> Canghril: <i>Mathai 1: 21</i> Kan zir thei mi thu hnih: 1. Căn saupi thutiam Bawipa Jesu Khrih suahnak thu hi milai sualnak ngaidamnak ding hrangah a tŭl hrimhrim mi a si. 2. Nun ih buainak kan tawn tikah Pathian Kamsuakthu kan thlun ih, kan rinsan asile Pathian in in bawm ding a si ti a fiang.
THEIHTER AW	Thukham Hlun ih profet thuphuan mi zaten Bawipa Jesu Khrih ratsalnak ding a khihhmuh thluh ti tlawngtapawl mangter hai aw. Zirnak 1 sungah khraws ah Bawipa Jesu in Setan a neh ding ti mi in mangter. Isaiah cun Bawipa Jesu cu 'ziangkimithei Pathian' a si tiah a sim (<i>Isaiah 9: 6</i>), cumi cun Jesu cu 'Pathian- minung ih rung cang' a si ti a langter. Mikah khal in Jesu cu Bethlehem ah a suak ding tiah a rak phuang cia. (<i>Mikah 5: 2</i>).	Jesu cu Thlarau Thianghlim in nau a paiter a si ti tlawngtapawl hnenah theihter hai aw, cule a suah tikah 'Fala him Hrin' a si ti a khihhmuh, cumi cu kan Khristian zumnak hrampi khal a si. Thianghlim famkim in a suak, zianghantile anih cun sual a nei lo, curuangah milai sualrawl hrang thi dingah a tling ih, Pathian cohlan mi ah in tuah. Jesu cu nunau hrin a si, cule milai sinak famkim a nei, asinan anih cu Pathian Fapa a si ih, sual nei loin a ra suak.
ZIRH AW	Bible Thuanthu sim aw Relpi awla, simfiang hai aw: 1. Bawipa Jesu suahnak cu naute dang suak hnakin a danglam hleice cuang, a nu cu Mary a si ih, a pa cu Pathian a si. Mary-ih naupaidăn cu Thlarau Thianghlim mangbanga hnatuannak in a si. Joseph hnenih vancungmi ih thuphurh mi vekin Mary cu nupi ah a nei . (<i>Mathai 1: 20</i>) 2. Jesu suahhlan kum 700 hlanpi ah danglam zetih a suahnak ding Isaiah in a sim cia zo, anih cu 'Immanuel' tiah an ti ding, a sullam cu 'Pathian kan hnenah a um' tinak a si. (<i>Mathai 1: 22-23</i>) 3. Naute ra suak ding mi cun kan sualrawl hrang khraws ih a thihnak hmangin 'a mipawl sualnak ihsin a rundam hai ding a si'. (<i>Mathai 1: 21</i>). Canghril simfiang awla, zirsuak dingin tlawngtapawl thape hai aw – Mathai 1: 21 Lesson 2 zir ding mi tuah thluh aw. Hmuh aw: FBI –Vancungmi cu Joseph hnenah a feh (P)	Bible Thuanthu sim aw Relpi awla, simfiang hai aw: 1. Mary cun nau a pai ti a hmuhsuah tikah Joseph cun duh hril ding harsa zet a nei. An lakih hamawknak siatin thutluknak dik tuah tuah tum vekin um khal sehla, vancungmi hmangin a mang ih Pathian kaihhrainak cun thutluknak dik tuah dingin a bawm. (<i>Mathai 1: 19-21</i>) 2. Jesu ti mi hmin sullam cu 'Bawipa in a rundam' ti a si vekin, sual cawhkuan (sual man thihnak) le sual huham sung ihsin runsuak dingah Jesu cu leitlun ah a ra. (<i>Mathai 1: 21</i>) Jesu suahhlan kum 700 hlanpi ah danglam zetih a suahnak ding Isaiah in a sim cia zo, anih cu 'Immanuel' tiah an ti ding, a sullam cu 'Pathian kan hnenah a um' tinak a si (<i>Isaiah 7: 14</i>). Leitlun ih a um laiah siseh, tuini khristian kip nun ah Jesu cun a taktak in 'in umpi' a si. 3. Joseph cun Pathian thu a thlun, cule neihawk an tum vek cun a lungkim, cule Mary cu nupi ah a thi. Pathian cu van hmun ah um siin, Bawipa Jesu cu lei ih kan Pa khal a si. (<i>Mathai 1; 24-25</i>) Canghril simfiang awla, zirsuak dingin tlawngtapawl thape hai aw – Mathai 1: 21 Lesson 1 zir ding mi tuah thluh aw. Hmuh aw: FBI –Vancungmi cu Joseph hnenah a feh (P)
ZOHSAL AW	Jesu suahnak ding thu hi Luke khal in a rak ngankhum a si ti hi zirnak ah zohkirsal aw. <i>Luke 1: 26-35</i> siar aw, cule <i>Mathai 1: 18-25</i> thawn a thuchah an bangawknak reltlang uh. Cangantu pahnih cun 60 AD căn hrawngih an ngan mi a si, cule Mathai in Jew-pawl hnenih a ngan laiah, Luke cun Zentelpawl hnenih ngan mi a si. Jesu suahnak thuchah thupitnak hi tui zirlai mi tel in, leitlun mi hmuahhmuah theih ah a darhsuak thluh ding a si tiah Pathian cun a fiangter.	(i) <i>Galatia 4: 4 & 5</i> siar aw. Himi cang pahnih in ziang vekin hi zirnak a khaikhawm ti reltlang uh. (ii) <i>1 Timothy 1: 15</i> siar aw. Himi cang in Khrih-ih suahnak ziang vekin a khaikhawm ti reltlang uh. (iii) <i>1 John 4: 9, 14</i> siar aw. Jesu cu Pathian Fapa a si ti cang 9, nak in ziangtin a langter ti reltlang uh. Himi Pathian thawn pehtlaihawknak danglam zet lawngah Jesu a aipuang. Cang 14 khalin Khrih-ih suahnak săn a khaikhawm.
NUNPI AW	Himi zirnak in kan zirsuah mi: Joseph-ih mawhphurh hi a awlsam lo nasa, asinan Mary vekin Pathian a rinsan ih a kut sungah a hlanaw pumhlum mai. Bawipa Jesu kan duhdawt ih, a nundăn cawngtu kan si le Pathian kan rinsan ding ih, a thu kan thlun ve ding a si.	Himi zirnak in kan zirsuah mi: 1. Mary in Thlarau Thianghlim fa a pai ti Joseph in vancungmi hnenin a zirsuah tikah a tumtah mi a tlengsal. Mi dang in tha an pe lo a si khalle Pathian thu thlunin Mary cu nupi ah a thi. Mi dang in tha in tipi lo ruangah thil tha tuah kan hrial ding maw, Pathian thu kan lung sawn ding? 2. Kan tuah mi a dik ah simaw, dik lo ah si maw, kan khansa mi ih hrui kan siangaw ding maw, asilole Pathian thu lung sawn in a kaihhrainak kan cohlang sawn ding?

	C12 – LEVEL 3 Lesson 3 – Khriśmas Thuanthu Thupi – Arsi Danglam	C12 – LEVEL 4 Zirnak 3 – Khrih-ih suahnak Thupi – Profet thuphuan mi a thlengkim
	Bible Thu hlawm: <i>Mathai 2: 1-12</i> Canghril: <i>Mathai 2: 11</i> Kan zir thei mi thu hnih: 1. Jesu-ih suahnak ding hi profet Mikah in a hlan kum 700 ah a rak phuang cia zo (<i>Micah 5: 2</i>). 2. Naute cu a danglam hleice cuang – anih cu Jew-pawli Siangpahrang a si – nisuhnak lamin amah be dingah an ra.	Bible Thu hlawm: <i>Mathai 2: 1-12</i> Canghril: <i>Mathai 2: 6</i> Kan zir thei mi thu hnih: 1. Jesu-ih suahnak ding hi profet Mikah in a hlan kum 700 ah a rak phuang cia zo (<i>Mikah 5: 2</i>). 2. Naute cu a danglam hleice cuang – anih cu Jew-pawl Siangpahrang a si – nisuhnak lamin amah be dingah an ra.
THEIHTER AW	Himi zirnak sungah 'Jew-pawl Siangpahrang' hawlin nisuhnak lam mifimpawl an ra ti kan zir thei (<i>cang 2</i>). Arsi cun Jesu-ih suahnak fangtertu a si. Arsi thuhla zoh tikah a um dah lo mi a si, zianghtile Jesu-ih umnak hmun cekci ah mifimpawl a hruai hai, cule a ding (<i>cang 9</i>)! Hi thil thleng mi cu a thleng dah lo mi a si ruangah mangbangza thil a si tiah simfiang a si.	Mikah le Isaiah in Jesu-ih suahnak thu ziangtin an rak phuang cia ti mi reitlang uh. Mikah cun Bethlehem ah a suak ding ih, 'Israel Uktu' a si ding tiah a ti. Isaiah khal in Bawipa Jesu a ratnak ding rellangin a hmin a hman: Mangbangza ti a si, a sullam cu a danglam hleice cuang tinak a si, Thurawn Petu a si, a sullam cu ruahnak dik petu tinak a si, Pathian Cak ti a si, a sullam cu Pathian cu milai vekin a phuanglangaw tinak a si, Kumkhaw Pa ti a si, a sullam cu tawp ni nei lo tinak a si, cule Remnak Lal ti a si, a sullam cu a uknak cu a dingfel ih, remdaihnan in a khat tinak a si. (<i>Isaiah 9: 6</i>)
ZIRH AW	Bible Thuanthu sim aw Relpi awla, simfiang hai aw: 1. Bawipa Jesu a suah tikah misual zet Herod cu siangpahrang a si. Jew-pawl Siangpahrang ding naute a suak ti thuhla a theih tikah a buai nasa, zianghtile a uknak lawnsak ding a phang. (<i>2: 3</i>) 2. 'Siangpahrang naute thar' khuiah a suak ding ti zingzawi ding le hawlsuak dingah Herod cun culaiih biaknak lam hruaitupawl a thlah hai, cule veten <i>Mikah 5: 2</i> sung thu an zoh lohli, a sungah Bethlehem ah a si ding ti a um. Naute an hmuh tikah a hnenah theihtersal dingin Herod cun mifimpawl cu a cah hai, anih cun biak ve duh vekin a umawter. (<i>2: 4-8</i>) 3. Arsi cun Mifimpawl cu naute le a nu Mary umnak inn ah a hruai hai ih, Jesu cu an bia. Laksawng an ken mi ciar cu an pe, cui thil cun Naute cu a danglam cuang ti a langter. Sui cun Pathian diktak a si ti a langter; Frankincense cun a fimkim mi a nun a langter, cule Myrrh cun khraws parih khenbet a tuar ding mi a langter. (<i>2: 9-11</i>) 4. Misual zet Herod hnenih kirsal lo dingah mifimpawl cu larnak ah ralrinnak pek an si, asinan lamzin dang sawn ih tlung dingin fial an si. Pathian cu ziangkim tlunih Lal a si! (<i>2: 12</i>) Canghril simfiang awla, zirsuak dingin tlawngtapawl thape hai aw – Mathai 2: 11 Lesson 3 zir ding mi tuah thluh aw. Hmuh aw: FBI –Mifimpawl in Jesu an bia (P)	Bible Thuanthu sim aw Relpi awla, simfiang hai aw: 1. Lal thar suak zoh dingih peng thawng tampi hla ih ra Mifimpawl cun nisuhnak lamah 'Amai Arsi' an hmu. Arsi ti mi simfiangnak ah lei le van sersiamtu Pathian cun a ropibik naute suak – a Fapa ra suahnak hmuhsak dingah arsi danglam a sersiam thei lo ding sawm? (<i>2: 1-2</i>) 2. Herod Ropi cu laltokham luahtu ding diknak neitu a si lo, 'Jew-pawl Lal thar a suak' ti mi thuthang cun a buaiter nasa! Herod cun Rom le amah cu thuneihnak zemawin, Jew miphun Lal thawng kawpawk ding cu a duh lo! Mifimpawl hnenah Jesu biak ve ka duh tiah sim cingin thuphan a per. A ngaingai ah cun Jesu thah a duh ruangah a si. (<i>2: 3-8</i>) 3. Mifimpawl in an ra hmuh laiah Bawipa Jesu hi kum khat lole kum hnih hrawng mi a si ding tiah zum a si. An va hmu cu an lungawinak a nasa tuk rori (<i>Mathai 2: 10</i>) An hmuh tikah a hmaiah kunin, amah cu an bia! A ra lai ding mi Siangpahrang thawng milaw mi thilpek sunglawi zet an pe, cumi cun a nunnak hrang hmuhsaknak a nei. Sui ti mi cun Pathian a sinak, Frankincense cun a famkim mi a nun le Myrrh cun phum a si tikah a taksa hnih ding mi rimhmui a si. (<i>2: 9-11</i>) 4. Pathian in mifimpawl cu lamzin dangih tlungkir dingin ralrinnak a pe, cutin miṭha lo pa Herod an hrial thei nak ding ah a si. (<i>2: 12</i>) Canghril simfiang awla, zirsuak dingin tlawngtapawl thape hai aw – Mathai 2: 6 Lesson 3 zir ding mi tuah thluh aw. Hmuh aw: FBI –Mifimpawl in Jesu an bia (P)
ZOHSAL AW	An theifiang ngah maw ti theihnak ah thusuhnak hmangin hi zirnak zohkirpi aw. Zirnak 3 nak ta thawng nai zetin a thu pehparter aw, cutin a zirtupawl in hman zetin a sannak dik an pe thei ding a si.	Hi zirnak zohkirsal aw. Hi zirnak ah ziangtin <i>Isaiah 9: 6</i> le <i>Mikah 5: 2</i> a thlengkim zo ti hmuh hai aw, cule <i>John 14: 1-6</i> khal ziangtin a thleng lai ding ti hmuh hai aw.
NUNPI AW	Himi zirnak in kan zirsuak mi: 1. Mifimpawl cu taimaksuahn naute Jesu an hawl, cule an hmu. "Mifimpawl in Jesu an hawl rero lai" tiah rel theu a si. 2. Mifimpawl cu inn sungah an lut ih Mary le Joseph si loin, Jesu si an biak. Pathian Fapa, Jesu lawng hi biak le thangthat tlak umsun a si. Himi sullam a zirtupawl thawng reitlang uh.	Himi zirnak in kan zirsuak mi: 1. Khrih a suah lai can ah Herod le Jerusalem ih um zo vek khal an mangbang thluh, cule tuisun khalah minungpawl an buai thluh lai. Jesu a sinak ah biak ding le a ṭhabik a hnenah pe ding kan si! 2. Mikah le Isaiah in an rak phuan cia vekin Khrih-ih suahnak a thlenkimnak cu kan Khristian zumnak cakter sin dingah in bawm, a ratsalnak ding thutiam beisei dingah in bawm, zianghtile a ratsalnak ding hmun tampi ah phuan cia a si.

	C12 – LEVEL 3 Lesson 4 – Khriśmas Thuanthu Thupi – Zan cān ih tlansuahnak	C12 – LEVEL 4 Study 4 – Khrih Suahnak Thupi – Hremnak a thawk
	Bible Thu hlawm: <i>Mathai 2: 13-23</i> Cānghril: <i>1 John 3: 8</i> Kan zir thei mi thu hnih: 1. Bawipa Jesu suahnak le kilhimnak cu kum tampi liam zo mi ah profetpawl hmangih a thuhla rak phuan cia nak in fimkhurten fehpi a si. 2. Setan cun Bawipa Jesu cu a siatsuah thei lo, ziangahntile khraws parih Jesu-ih thihnak hmangin neh a si ding tiah Pathian in Eden hmuah ah thu a rak tiam zo.	Bible Thu hlawm: <i>Mathai 2: 13-23</i> Cānghril: <i>Hebru 2: 14</i> Kan zir thei mi thu hnih: 1. Herod cu Rom rampi ih ruat mi siangpahrang a si, asinan Jesu cu Siangpahrang diktak a si sawn, curuanguah Pathian in a Fapa hnenih dinhmun a pek mi zohman in siatsuah a theih lo. 2. A thi ih a thawhsal thei nak dingah Jesu cu milai ah a rung cang, cutin thihnak tlunih Setan-ih huham Semtirnak 3:15 sungih sim cia mi vekin siatbal a si thei nak dingah a si.
THEIHTER AW	Siria le Kawlam mi khal telin, Leitlun hmun tin ih hremnak tawng, humhimnak hawlih ram dangah an feh ti mi thu in reltlang a theih. Pathian ih cān bikhiah ah, misual hrangih thi dingih ruah mi a si nan, Bawipa Jesu cu a nautet laiah that ding hringhronak a tawng. An sungkua in Izip ram ih tlan dingah vangcungmi in Joseph cu ralrinnak a pe – cutin Jesu cu Heroh-ih thinlingnak ihsin himnak hawlih tlan ah a cang.	Izip ram ih Siangpahrang thlan ropi thuhla a thei an um dah zo maw ti sut phahin hi zirnack theihter hai aw. Jesu-ih san laiah le tui san khalah Izip-mipawl nunphung ah an thupitter zet mi a si ti simfiang hai aw. Culai san ah Izip khawpi hrekhat ah Jew-pawl sal ih hruai mi an rak um, asinan Juda le Galile lam mipawl vek si loin, annih cu Rom uknak hnuaiah um an si. Hi vek dinhmun ruanguah Mary le Joseph hrangah Izip ram ih va um sung khal a awlsam phah cuang.
ZIRH AW	Bible Thuanthu sim aw Relpi awla, simfiang hai aw: 1. Mathai 2 sungah a vei litnak Hosea hmangih phuanlawknak a si mi 'Jesu cu Izip ihsin ka kosuak ding' tiah a ti mi a thlengkim ti in mangter (Hosea 11: 1). Joseph le a sungkua Izip ihsin an kirsalnak in hi thupuan lawngnak a thlengkim. (2: 15) 2. Naute Jesu umnak theihsuah tumih ka phiarthupnak a hlawhtling lo ti a theih tikah Bethlehem khua le a kiangkapih naute kum hnih le a hnua lam that thluh dingin Heroh cun thupek a suah. Rāwng zetih a cangvaihna cun nu le pa tam zet riah a siater, asinan naute cu Izip ram ah himten a tlan. (2: 16-18) Hi thil hi hrawkhrawl zetih Setan cangvaihna a si, asinan a hlawhtling lo. 3. Herod a thih hnua Bawipai Vancungmi cun Israel ram ih kilsal dingah a him zo tiah Joseph hnenah a sim. Sikhalsehla, Heroh-ih falepawl an lal ti Joseph cun a theih ruanguah Judah ram hrialin, Galile peng, Nazareth khua ah an cēng. Profet sim cia bangin naute cu Pathian in a kilhim! (2: 19-23) Cānghril simfiang awla, zirsuak dingin tlawngtapawl thape hai aw – 1 John 3: 8 Lesson 4 zir ding mi tuah thluh aw. Hmuh aw: FBI- Izip ah a tlan(I)	Bible Thuanthu sim aw Relpi awla, simfiang hai aw: 1. Pathian hnen ihsin a vei khatnak a mang ah lole larnak ah Mary-ih Fapa cu Jesu a si ding tiah a rak thei zo. (Mathai 1: 20-21) Cun a vei hnihnak larnak ah naute himnak dingah Izip ram ah va tlan dingin sim a si. Joseph cun Pathian-ih Kamsuakthu a tlun. (Mathai 2: 13-15) 2. Ni khat khat ah Siangpahrang naute thar suak mi in ka laltokham in lawngsal leh ding ti Herod cun a phang nasa, curuanguah Bethlehem le a kiangkapih khuapawl ih naute kum hnih le a hnua lam that thluh dingin thupek a suah. Sikhalsehla, Pathian cu ziangkimtithe a si vekin Herod in naute Jesu cu ziangti hmanin a ti thei cuang lo. Bawipa Jesu ratnak thu ah Herod in a theih sual mi cu –Herod-ih laltokham a duh mi a si lo, cuhnakin Siangpahrang Herod nun ah Siangpahrang si dingtiah a si. (Mathai 2: 16-18) 3. Herod cu 4 BC ah a thi ih, lal sual zet, a fapa Arkhelaus cu Jerusalem le Bethlehem telin, Judia le Samaria ram hmuahhmuah ah uktu a si. Joseph cu hi hmun lamih an ra kirsal Pathian in a duh lo, Galile peng Nazareth thlang lamin feh dingah a sim hai. (Mathai 2: 21-23) 4. Jesu cu an hmuhsuam mi Nazareth khua ah a thanglian, sim duh sawn mi cu Nazareth khawmipawl in an hmuhsuam ding ti a langter. Cānghril simfiang awla, zirsuak dingin tlawngtapawl thape hai aw – Hebru 2: 14 Lesson 4 zir ding mi tuah thluh aw. Hmuh aw: FBI- Izip ah a tlan(I)
ZOHSAW AW	A hnua lam thusuhnakpawl sang phahin zirnack zohkirsal aw: (i) Ziangruanguah Joseph, Mary le Jesu cu Izip ram ih tlan a tul? (ii) Ziangruanguah Herod in Bethlehem khua ih mipa nauhakpawl a that? (iii) Ziangruanguah an innsang Nazareth khua ih an cān? (iv) Ziangruanguah Khriśmas Thuanthu hi riahsiatza le lungawinak ih a can?	(i) Siar aw Semtirnak 3: 15 – Jesu-ih thihnak ding cān le Setan-ih huham siatbal a sinak ding himi cāng in a khihhmuh ti a zirtupawl hnenah simfiang aw. (ii) Siar aw Apostol 10: 38-43 – himi cāng in ziang vekin Peter-ih thusim mi a khaihawm ti reltlang uh.
NUNPI AW	Himi zirnack in kan zirsuah mi: 1. Luke 2: 11, sungah vangcungmi in Jesu-ih suahnak ding thu a than tikah Khristianpawl ih zum mi 'Rundamtu' le 'Bawipa' ti a khihhmuh ih, Jesu cu 'Rundamtu' le 'Bawipa' a si. 2. Himi in Thukham Hlun thuanthu a thupitnak theifiang dingah ziangtin in bawm ti mi a zirtupawl thawn reltlang uh?	Himi zirnack in kan zirsuah mi: 1. Joseph vekin kan nunnak ah Pathian-ih kaihhruainak kan hawl ding a si. 2. Bawipa Jesu kan rinsan asile kan nunnak hrang Pathian in tumtah a nei ti hmnsin aw. Bible siarnak le thlacamnack hmangin a thu zirh mi in kan nun in ciahneh kan siang ti kan fiang ding a si.

Zirnak Hmat Pekdan Sayapawl Khiihmuhtu

Level 3 zirnak pawl

- Tlawngtapawl in Bible siar loin himi zirnak hi an zir thei lo ding, Bible thuhlawm pahnih tal an siar a tul ding.
- Thusuhnak cu a phunphun in tuah a si: tawngfáng hnaw, tawngfáng kim lo, tawngfáng thupawl...tivek.
- Himi zirnakpawl hi Chin Standard Bible asilole Chin King James Version, Falam Baibal Thiang pawl hman ih zir ding le phi ding ih tuah mi an si. Chin Standard Bible hman asile a sung thu ngan mi thawn a mil-aw deuh bik men thei.
- Kan tumtah mi cu tlawngtapawl in ziang Falam Bible hman khalih an zir theih le thusuhnakpawl an phi thei ding hi a si.
- An phi mi an dik thluh asile zarh khat hrangah Hmat 20 ruat a si ih, thla khat hrangah hmat 80 ruat a si.
- Level 3 – A tlangpi in thusuhnak a phi pakhat ah hmat 1 a si.

Level 4 Zirnak

- Himi Level 3 Zirnak pawl hi an har deuh cuang.
- Thusuhnakpawl khal ruah deuh an tul ih, phi tengteng tul an si.
- Tlawngtapawl in thusuhnakpawl an phi thluh ih an dik thluh asile, zarh khat hrangah hmat 20 ruat a si ih, thla khat hrangah hmat 80 ruat a si.

HMAT PEKDAN DING

Sayapawl ih tuah hmaisat ding mipawl:

- Zirnak tin cek awla a soal le a dik kha thaten cek aw.
- Khiihmuhnak veki hmat laksawng tla pe hai aw.
- An phi mi cahnah parah a dik mi kha hmat pe thluh awla, ball pen rawng phun dang hman ringring aw.
- An soalnak ah a dik mi a phi ngansak vivo hai aw, cule spelling soal mi khal remsak hai aw.
- A then a zar/ kim loih a phi an ngan mi cu hmat mal deuh pe aw.
- An zirnak cabu dung lamah khan a lawngnak a um ding, thla khat a kim hnuah an ngah mi hmat kawm ngan tengteng aw.

Hmat hi siang zet le dik zetih pe dingin kan lo fawrh duh, tlawngtapawl in an Bible thawih Bible an zir ding hi kan saduhtah bik mi a si. Thla tin saya in tlawngta hnenih thapeknak ca ngan hi a thupi zet, zirnak cabu cemnak lamah khan cuvek thapeknak thu ngannak ding a um. Ball pen colour zoh mawi te le danglam deuh ih ngan a tha. Tlawngtapawlih hmat ngah zat khal fiangfaiten ngansak aw.

Hmat pe in theiinternak le faknak kan ngan tikah bangaw ringring loin, tawngkam phun dangdang hman a thupi zet. Thusuhnak, theiinternak, zohhliahnak, thapeknak...tivekin, cupawl cu tawngkam phun dangdang zawngin na ngan pei. Cuvek ngan thei ding cun ruah nguigo tla a tul, a thupi mi cu tlawngtapawl an phur ding le zir an duh deuhdeuh theinak ding hi a si. Thla tin na ngandan, na tawngkam a bangaw ringring asile, an ning ding ih, an thathawhnak a hlo vivo thei.

LEVEL 3

Faknak tlangpipawl

“Na ti tha tuk! Thusuhnakpawl thaten na siar ih na ruat ti na phi mi cahnah in a lang. Na phi mi netabik kha ka duh hleice, na tawngkam te khal siar an nuam ih an fiang zet.”

“Jonathan, thungaihtlak suahin Bible thu na zir ti ka hmu ih ka lungawi tuk. Thusuhnak na phi mi zaten a dik thluh zikte. Na phi mipawl lak ihsin mawi sinsin le famkim sinsin dingin malte ka lo betsak.”

Thlarau lam faknak

“Mosi cun Israel tefapawl thawn harsatnak ziangmaw zat a nei, asinan cuih thubuai le harsatnak haikiang le tife dingah Pathian in amah Mosi lawng a tuahter lo.”

“Joseph in Pathian duhdawt dingih a pa ih a zirh mi cu ziangtik khalah a hngilh dah lo. Cumi cu an inn ihsi hmun hlapih a um lai khalah a cing ringring.”

“Bartimas cu Bawipa Jesu hnen feh dingin thutluknak a tuah. Atu ah cun khua a hmu thei thlang, Jesu a pan hi a siraw hrhmrim lo, Jesu cu mi danglam, mihleice a si ti a thei.”

LEVEL 4

Faknak tlangpipawl

“Na zir mi a phi na ngan mipawl hi an tha tuk lala. Na phi mi cahnah ka siar tikah na zir mi Bible thuanthu hi na siar ih na theithiam zet ti a lang, na zir mi thuanthu hi nuam na ti ka zum. Na zirnak hi can pe in tha tukih na siar le na phi ruangah ka lo lawm taktak a si.”

“Mary, na ti tha tuk lawmmam. Na phi mipawl ka siar tikah, na zir mi hi famkim in na theifiang deuh lo ti a lang. Siarsal hnik awla, na theithiam ka zum.”

Thlarau lam faknak

“Tahthimnak thupawl hi an thuk deuh ih, an sullam theithiam an har deuh theu. Zirnak 3-nak ih tahthimnak thu-ih sullam thuk deuhin ruat hnik aw.”

“Stefen cu thih sia in a thi, asinan thih a th lo lawlaw, ziangah tile Pathian in ziangkim a uk thluh ti a thei ih, van ah Baw Jesu hnenah a um ding ti a thei fawn.”



© Bible Educational Services 2015

www.besweb.com

Registered Charity UK 1186004

CFM (Falam Chin) 06/2025